

Лука улэн мэдэни



ЛУКА УЛЭН МЭДЭНИ

Библиява түнсэрэй институт
Москва
2002

Лука улэн мэдэни

Нанай хэсэдиэни түнсэрэн

ISBN 5-93943-034-1
ISBN 91-89122-78-X

© Библиява түнсэрэй институт,
2002

Миавасиори холамдисал!

Суэ дюлиэлэсу СикунPuегдун эм даңсани «Лука улэн мэдэни» би. СикунPuегдун Балапчи Puегдунди гэсэ Библиява, даңсасал даңсавачи очини. Эй боа ялдоани тэлипчи эринду, гучи эйнипчи эринду чу холаори даңса.

«Улэн мэдэ» – туй Иисус Христос Мэнэ алосиива гэрбисихэни – грек хэсэсэлдийн Евангелиеди гэрбисичи. СикунPuегдунду дүн Евангелиесэл бичи. Хэмтучи Иисус Христос балдихамбани, гучи дэнсихэмбэни, Нёани алосихамбани, Нёани тахани эрдэңгэ дякасалбани, Нёани буйкимбэни, тэй хамиалани уонди хорагохамбани гисурэйчи.

Евангелиеду гисурэувури дякасал боңго таңго айнанидо Палестинаду бичичи. Тэй эринду Палестинаду Рим императорсални далачихачи. Эйду балди иудейсэл мэнэ бодойвари агдова этэхихэчи. Тэй агдохи тэхэни – Гиамбани – Моисей гисурэндухэндиэни Эндор нёанчиани бухэни. Моисей хамиалани эгди Эндордэй ундэй найсал туй уңкичи: Эндор Сондёмдини – Мессия дидэрэ, Нёани найсалчи сорондиади, бурбуридиэди хориорива олбингяра. Гэ, дюэр миньган айнани чиалани Палестинаду, Вифлеемди гэрбуку нучи хотонду гойдами халачиори Мессия – Иисус Христос – балдихани. Эндор Хусэ Пиктэдийни хориорива улэн мэдэ – тэй мэдэ боа ялдоани би, гой хэсэди гисурэй хэмту найсалчи суглэухэн.

«Лука улэн мэдэни» Евангелиесэл хэмтудиэди чу тиас би, чу улэн хэсэди нирувухэн би. Лука наондёандои тэж эгдивэ тачиочихани, окчичи най очини. Боңгоду нёани Эндор гиамбани сараси най бичин, тотара нёани апостол Павелди

гэсээ эгдивэ пулсхэн бичин. Мэнэ Евангелиедуи Лука тэй биухэн дякасалба дюлиэлэнни нируувхэмбэ, найсал бэе ичэхэмбэчи токорахани (Лк. 1:2). Нёани Евангелиева грек хэсэдиэни нирухэн. Таваңкиди тэй Евангелиева эгди таңго хэсэди туңсэрэгхүн бичин. Эси нанай хэсэдиэни нируувхэн «Лука улэн мэдэни» агбиңкини.

Библиява туңсэрэй институт туңсэрэмдивэ, ярсимдива, хэм тэй Евангелиева нанай хэсэдиэни баргиохан найсалба баянлайни. Буэ нанай гурунсэл тэй Библия даңсавани мэнэ хэсэдии холамари мутэуривэ агданасийпу.



Лука улэн мэдэни

1 паси

- 1 Си сариси: эгди най буз алданопова улэн саори биухэн дякасалба нируумэри дэрүлүхэчи.
- 2 Тэң дадоани хэм ичэхэн, Эндор хэсэвэни сугдэ дэрихэн найсал тэй биухэн дякасалба бүмбивэ саваңкичи.
- 3 Туй ми-дэ чава, чу боңгодиади улэнди тачиочира, синду, гэбуку Феофил, идулэми нируувуривэ мурчихэмби.
- 4 Гучи ми, сариси тачиочиори тэрэк бивэни тэде сагласи, чихаламби.
- 5 Гэ, Иудея эдени Ирод далачихани эриндуэни Эндор дёйни дяյгиани Захарияди гэрбуку, Авииди халако най бичини. Асини гэрбуни-тэни Елизавета, Ааронди халако эктэ най бичини.
- 6 Нёанчи дюэту Эндор дюлиэлэчи маңга тоңдо бичичи, хэм Эден Эндор колисалбани, гиансалбани тэрэк балдихачи, хайва-да эчиэ вадёлиачи.
- 7 Нёанчи пиктэ ана бичичи, Елизавета пиктэ бараси эктэ бичин, нёанчи сагдила бичичи.
- 8 Эм модан Захария мэнэ идууди Эндор дюлиэлэни дэյсихэни.
- 9 Нёани Эндор дёйни дяյгиасални колидоани, Эндор чу даи дёкчиани ими, улэнди пуңку дякасалба поңкигилахани.
- 10 Тэң эгди гурун хэмтудиэри тэй эринду боала кэсивэ гэлэхэчи.

Лука, 1

- 11 Чадо нёани дюлиэлэни Энdur Мэдуңкуни агбиүкини, сугдиури бэун ангия калтадоани илисими.
- 12 Нёамбани ичэпи, Захария дэңгэр миами иламосихани.
- 13 Мэдуңку-тэни нёанчиани уүкини: «Эди үэлэчирэ, Захария. Си кэсивэ гэлэхэси долдикпин. Си асиси Елизавета хусэ пиктэгүй бадяра. Нёамбани Иоаннди гэрбиэдечи.
- 14 Синду-тэни агадапси, енуэ осидяра, эгди най нёани балдиочиани тэж агададярал.
- 15 Тотами тэй пиктэ Энdur дюлиэлэни тэж даи най осидяра, аракива-да эм омия тадяра. Энимби хэмдэдуэни бими Энdur Эридиэни дялоптадяра.
- 16 Израиль калтадоани би эгди найсалба Эндорчиехи нёани кэчэригуэндерэ.
- 17 Даи Эндордийн ундэй най Илия кусундиэни кусуңку, эридиэни эрику Нёани дюлиэлэни дидэрэ, аминачи миавамбачи пурилдуэчи бутугуи, дикэсу гурунду тоңдо найсал мурумбэчи осиваңгои, баргиохан гэрэн найсалба Энdur дюлиэлэни иливаңгой».
- 18 Захария-тани Мэдуңкучи уүкини: «Хони ми эйвэ агдами мутэмби? Ми-дэ сэи даи, ми асии-да сэни даи».
- 19 Мэдуңку таодагоми уүкини: «Ми, Гавриил, Энdur дюлиэлэни илисими, синди гисэрэндугуи, эй улэн мэдэвэ саваңгои, гиактамди очимби.
- 20 Эвэңки си хэмэ бидечи, хисаңгоми мутэси осидячи, ми хэсэивэ агдачиндолаи. Мэнэ эримби исидоани, ми уүкимби тэде осидяра, чадо-мат хисаңгологоядчи».
- 21 Тэй эринду гэрэн гурун, Захариява халачимари, нёани Энdur даи дёгдоани гойдами бивэни эрдэңгэсихэни.
- 22 Нёани-тани низгурэ, нёандиачи хисаңгоми мутэси осихани; нёанчи нёани Энdur даи дёгдоани гарбиахамбани отолихачи. Тотами, эмуту эбэ-мэт, найсалди, щаладии ичэучими, хисаңгохани.
- 23 Гэ, мэнэ дэյсии эрин ходиочиани, нёани дёкчии дидюхэни.

Лука, 1

- ²⁴ Бэктэн бипиэ, нёани асини Елизавета бэеду осихани. Тотами-да, тойнуга биадоа чава дяячами, дёгдиадии ниэвэчиэси бичини. Нёани туй ујкини:
- ²⁵ «Эй инисэлду Эндор, мимбивэ гудиэсими, туй бивэжкини, най аүмадоани осиаси осигоива».
- ²⁶ Нюнгучиэ биадоа Назаретади гэрбуку Галилея хотончиани Эндор Мэдуңку Гавриилба гиактадихани.
- ²⁷ Нёани Марияди гэрбуку наондёан паталанчи дичини. Мария-тани Давид халадиадиани би Иосиф асигоани мэдэсийхэн эктэ.
- ²⁸ Мэдуңку нёанчиани ими, ујкини: «Агданасими кэсикү биси, Эндор Синди би, Эндор асисал алдандоани симбивэ сондёхани».
- ²⁹ Нёани-тани, Мэдуңкувэ ичэпи, нёани хэсэдиэни иламосими, мурчихэни: Хамачако туй би хэсэсэлдү?
- ³⁰ Мэдуңку-тэни Нёанчиани ујкини: «Эди үэлэрэ, Си Эндор улэсини паталан.
- ³¹ Гэ, Си бэеду осидячи, Хусэ Пиктэгүй бадячи, Иисусэди гэрбиэдечи.
- ³² Нёани тэџ даи най осидяра. Даи Эндор Хусэ Пиктэдиэни гэрбуку осидяра. Эден Эндор Нёандоани Израильба далачиори гиамба будерэ.
- ³³ Нёани Иаков халасалдоани эден осидяра, тотара Нёани далачини хали-да ходиаси».
- ³⁴ Мария-тани ујкини: «Хони туй оси, ми эдии сараси-лаива?»
- ³⁵ Мэдуңку таодагоми ујкини: «Эндор Эрини Синчи тудэрэ, Даи Эндор кусуни симбивэ киридяра, туй тами Си Гандямба бадячи, Эндор Хусэ Пиктэдиэни гэрбуку осидяра.
- ³⁶ Гэ, Си балдихоталси-да Елизавета, пиктэвэ бараси сагди эктэ, хусэ пиктэди бэеду очини, нюнгун биадо бини.

Лука, 1

- ³⁷ Туй тами саори: Энdur хэсэни таони хали-да кусун ана очогоаси».
- ³⁸ Чаду Мария ујкини: «Гэ, Ми Энdur кэкэни. Си хэсэси минду тэдеку осигини». Мэдујку Нёандиадиани энүхэнни.
- ³⁹ Мария-тани, тэй иниду илигора, хурэн боачиани, Иуда Хотончиани будурими энэхэнни.
- ⁴⁰ Нёани-тани, Захария дёкчиани ими, Елизаветади бачигохани.
- ⁴¹ Елизавета Мария бачини хэсэвэ долдидоани, нёани хэмдэдуэни би омия туйнкупсийкини. Чадо-тол Елизавета Энdur Эридиэни дялокпини.
- ⁴² Нёани-тани, даи дилгандии морапсими ујкини: «Си экэсэл алдандоани чу кэсику, хэмдэдуэси би омия-да чу кэсику!
- ⁴³ Хайми ми туй кэсику осихамби, хайми минчи Эден Энини кирихани?
- ⁴⁴ Туй тами Си бачиаси дилганси ми сианчиива исидоани, хэмдэдуивэ би омия агдами туйнкупсийкини.
- ⁴⁵ Энdur ујкини хэсэвэ тэдехэн аси най – кэсику: тэй хэсэ нэ тэрэк осигой».
- ⁴⁶ Мария-тани ујкини: «Ми миавандои Энтурбэ мактай,
- ⁴⁷ Ми додий, мурундий Энтурч, Мэнэ Хоримдичий агданасии.
- ⁴⁸ Нёани Ми улэн биивэ тургундулэни мимбивэ, кэкэнгуи, сагохани, эвэңки хэм халасал Мимбивэ гэбулэдерэл.
- ⁴⁹ Масику Энdur Минду даи гэбуувэ бухэни, Нёани гэрбуни гандян би.
- ⁵⁰ Хони-да хэм би халасалду-да, Нёандиани юэлэчи гурнду-дэ Энdur гудиэсими кэсивэ бурини.
- ⁵¹ Нёани мэнэ масии ичэвэнкини, оркин мурунсэлбэ эуси-таоси сар-сар найсал миавансалдиадиачи пуң-нэхэнни.

Лука, 1

- ⁵² Нёани маси найсалба эден боадиадиачи энуэյкини, тэй боачи тоңдо найсалба тэвэйкини.
- ⁵³ Тэң маңгади хайва-да байчахан гурунду хэм бухэни, баян найсалду хайва-да эчиэ бурэни.
- ⁵⁴ Израиль гэрэн гурундуэни, мэнэ пиктэди, Нёани мэнэ улэмби тул-тул бүктэхэни.
- ⁵⁵ Балана Нёани туй буэ аминачипова уүкини, туй Аврамду, гучи пиктэсэлдүэни уүкимби хэсэй тэдеку осиваյкини».
- ⁵⁶ Мария-тани Елизаветади илан биадоа-ка бичини, тотара дёкчии мочогохани.
- ⁵⁷ Елизавета-тани пиктэгүй барини эрини исихани, хусэ пиктэвэ бахани.
- ⁵⁸ Нимэкэнсэл, балдихоталсал Эндор гудиэсимбэ нёанчиани тугбухэмбэни долдихачи, нёанчи нёандиани гэсэ агданасихачи.
- ⁵⁹ Гэ, дякпун инидуэни-кэ оյака дюлиэни пойкаптаангивани чалигой дичичи, тотара нёамбани амини гэрбудиэни, Захарияди гэрбиэйчэхэчи.
- ⁶⁰ Чадо-тани энини чава осисихани, тотара нёани пиктэи Иоанн гэрбуди гэрбиэвэйкини.
- ⁶¹ Дичин гурун Елизаветачи уүкичи: «Си халадоаси уй-дэ аба, тэмэчэ гэрбуди гэрбуку най».
- ⁶² Ҙаладиари ичэучимэри аминчиани мэдэсихэчи, хони нёани пиктэи гэрбулэйчэйниэм?
- ⁶³ Нёани ундэхэкэмбэ гэлэхэни, тотара нирухэни: «Нёани гэрбуни Иоанн». Хэмту най-тани эрдэнгэсихэчи.
- ⁶⁴ Тэй эринду тэрэк оյака аյмаи нихэлихэни, тотара Эндорбэ мактами хисаյгисилохани.
- ⁶⁵ Кэндэли бичин гурун хэм юэлэхэчи; тотара эйвэ хурэсэл-маня, Иудеяди гэрбуку, боаду балди гурунчи гисурэхэчи.

Лука, 1

- ⁶⁶ Хэм досодяхан гурунсэл чава миавандоари нэхэчи, то-тара уүкичи: «Үй тэй ојака осидяра?» Энdur җалани нёандиани бичини.
- ⁶⁷ Захария-тани Энdur Эридиэни дялокпини, Энdur хэ-сэдиэни хисаңтоми уүкини:
- ⁶⁸ «Эден, Израиль Эндорни, Нёани гэрэн гурумбэ кири-хани, нёандоачи хэнгэлиутивэ бухэни. Нёандоани мактагита осигини.
- ⁶⁹ Нёани мэнэ хусэ пиктэи Давид гэрбуку дёгдоани Ма-си Хоримдива бунду бухэни.
- ⁷⁰ Хали-да хэм балдихан гандян Эндордиэ ундэй найсал-диадиани балана Энdur хэмту найчи саваңкини:
- ⁷¹ Нёани буэ байгоансалдипова, бүмбивэ чиуриси гурун-дипувэ хэмту найва хоридяра.
- ⁷² Буэ аминсалдопова гудиэсимбэ будерэ, мэнэ гандян пуегдумби дёңгодяра,
- ⁷³ Энdur буэ аминдопова, Авраамду, маңга хэсэи бухэни, тэй умбухэн дякасалба бунду бугудерэ.
- ⁷⁴ Нэлэчиэми, буэ байгоансалпо җаладиадиачи мэпэри хэнгэлигурэ,
- ⁷⁵ Мэнэ балдии инини таондоани Энdur дюлиэлэни гандянди, тоңдоди Нёандоани дэнсиуриди.
- ⁷⁶ Си-дэ, Ојака, Энdur дюлиэлэни энэдечи, Нёани пок-тогоани баргигой. Туй тами си Чу Увайдимэ Эндордиэ ундэй найди гэрбуку осидячи.
- ⁷⁷ Си найва отоливандячи: сорондиади хэнгэлигуэчи, туй тами нёанчи мэпэри хоридярал.
- ⁷⁸ Буэ Эндорпу додии гудиэсидиэни бунчи пэрхидиэди ńэгден дичини,
- ⁷⁹ Буни калтадоани бими, хайва-да сараси гурумбэ ото-ливаңгой».
- ⁸⁰ Ојака-тани урэхэни, Энdur Эридиэни масилохани, Израильду агбингой дюлиэлэни най ана боаду бичини.

2 паси

- 1 Тэй эркивэ эден Август боа ялдоани би найсалба хэм таоми нирувэнжкини.
- 2 Квириний Сириява далачайдоани тэй чу боңго нирун бичин.
- 3 Най таони мэнэ хотончии мэпи нирундэми энэхэн.
- 4 Иосиф Давид халалани бичини, туй тами нёани-да Назарет хотондиади Галилея боадиани Иудея боачиани Вифлеем, гойдима гэрбуни Давид, хотончиани энэхэн.
- 5 Нёани бэеду би асидии Марияди гэсэ ниругуи энэхэн.
- 6 Нёанчи чаду бидуэчи, Нёани хорайнин эрин исихани.
- 7 Нёани Акпалова, Хусэ Пиктэгүй бахани, туй тара Нёамбани хукухэни, исиачиори дёгду бэун-дэ аба бими, Нёамбани удин сиарини отонду нэхэн.
- 8 Тэй калтадиала аодандо удин этумдисэлчи долбо мэнэ ёнаи этухэчи.
- 9 Олокиана нёанчи дюлиэлэчи Энdur Мэдуңкуни агбинжкини, нёамбачи Энdur үэгденди миас гарпахани, туй тамари нёанчи тэј маңгади үэлэхэчи.
- 10 Мэдуңку-тэни нёанчиачи ункини: «Эди үэлэсу! Ми сунчи дай агдапси мэдэвэ олбиңкимби. Хэмту найсал тэй мэдэди агдадярал.
- 11 Эйнивэ Давид хотондоани суэ Хоримдису балдихани, тэй Эден Христос.
- 12 Гэ, суэ тэдегуэсү: удин сиарини отонду хукучэку аори Оңакава бадясү».
- 13 Олокиана Мэдуңку хамиалани Боа чаохани тэј эгди агбинжкини, тэй чаоха Энтурбэ гэбулэхэн:
- 14 «Боаду Гэбу Энтурду бигини, наду улэмбэ чихалай найсалду Энтур номохон додоачи бигини».

Лука, 2

- 15 Мэдуңкусэл боачи дэгдэгүйдуэчи, этумдисэл dia диачиари уңкичи: «Вифлеемчи энэгуэри, Эден хайва-да бүмбивэ саваңкимбани, хай-да чаду очимбани ичэндэгүэри».
- 16 Будуримэри исихачи, чаду Мариява, Иосифба гучи удин сиарини отонду аори Оңакава бахачи.
- 17 Нёамбани ичэпэри-тэни, Энdur Мэдуңкусэлни тэй Оңакава дюлэсий умбуухэн дякава хэм гисурэхэчи.
- 18 Хэмту най этумдисэл гисурэйвэчи эрдэңгэсимэри досидяхачи.
- 19 Мария-тани тэй хэсэсэлбэ мэнэ миавандои чујну нэучэхэни.
- 20 Эмуту Мэдуңку дюлуй этумдисэлчи уңкичи-мэт, туй-дэ биухэмбэ нёанчи долдихачи, ичэхэчи. Тотара Эндорбэ маңгади мактамари, гэбултумэри мочогохачи.
- 21 Дякпун ини сиучиэни, Оңака дюлиэни пойкаптаңгивани чалиори эрин исиочиани, Нёамбани Иисусэди гэрбиэхэчи. Энинчиэни тэй Пиктэди бэеду осини дюлиэлэни туй гэрбиэуриэм, Энdur Мэдуңкуни уңкини.
- 22 Гандян осиори инисэл ходиочиачи, Моисей гиандолани Нёамбани Эден Энdur дюлиэлэни иливангой Иерусалимчи олбижкичи.
- 23 Оңака таомбани, хэмдэлэ агбинди хусэ пиктэвэ Эндорду дэңсигуэчи носовори – туй Эден гиандолани нируувхэн.
- 24 Дюэр дай кучивэ, дюэр нучи кучивэ сугдигүй – туй Эден гиандолани умбуухэн.
- 25 Гэ, тэй эринду Иерусалимду эм най Симеонди гэрбуку бичини. Нёани тоңдо, Энdur дюлиэлэни тэде бичини, Израиль хоримбани халачихани, Энdur Эрини нёандоани бичини.

Лука, 2

- ²⁶ Эдемби Христосава ичэйни дюлиэлэни нёани эм будэ бидерэм – туй балана Энdur Эридиэни нёанчиани умбухэн.
- ²⁷ Нёани-тани Энdur дёкчиани, хони уйлэ дёңговаңкичи, дичини. Тэй эринду Марияди, Иосифди Оңака Иисусэвэ, гиан коливани Нёандоани тагой, олбиңкичи.
- ²⁸ Симеон Оңакава յалачии дяпахани, Энdurбэ баянлами уңкини:
- ²⁹ «Эси Си, Эден, мэнэ хэсэлэи лаодиамби номохонди чиндайси.
- ³⁰ Ми насалби ичэхэчи:
- ³¹ Гой-гой голо гурун дюлиэлэчи баргихаси, хорихаси хэнгэлимбэ.
- ³² Энdur гиамбани сараси найсалду јэгдембэ олбиңкимбаси, Израиль найнгоани мактахамбаси».
- ³³ Иосиф-да, Энини-дэ Нёамбани умбухэнди эрдэңгэсихэчи.
- ³⁴ Симеон-тани, нёамбачи мактачими, Мариячи, Энинчиэни уңкини: «Гэ, Тэй аорини тургундулэни Израильду эгди най тугуй, эгди най илигой, эгди най Нёани байгоансални осигой.
- ³⁵ Си миавандоласи-тани лохон идерэ; туй тамари эгди най мурунсэлчи нихэлиптэдерэ».
- ³⁶ Чадо-тани Энdurдиз ундэй эктэ бичини Аннади гэрбуку, Фануил пиктэни, Асир халадиадиани би, киркэ сагди мама. Нёани эдиidi надан айнанидо-рагда балдихани,
- ³⁷ Наон эктэни дякпойнго дүн сэду би, Энdur даи дёгдиани хаоси-да эм энэми, поалдоани мэпи хадиачивами, ини-долбо Энdurчи кэсивэ гэлэми, туй балдихани.
- ³⁸ Нёани-тани дидэ Энdurбэ мактачихани, най таончиани Иерусалимdu хэнгэлимбэ халачихан гурунчи Нёамбани хисаңгохани.

Лука, 2

- ³⁹ Нёанчи-тани Энdur гиандолани хэм тахачи, Галилеячи, мэнэ Назарет хотончиари мочогохачи.
- ⁴⁰ Оңака-тани урэхэнэ, Энdur Эридиэни масилтохани, тэж сонта муруңку оми, Нёандоани Энdur гудиэсикүни бичини.
- ⁴¹ Нёани Эннии мападии Иерусалим хотончиани айнани таондоани Пасха аяndoани пулсихэнэ.
- ⁴² Нёани дёан дюэр сэи исигочиани, нёанчи мэнэ колилари Иерусалимчи аяragоари дичичи.
- ⁴³ Пасха аяни сиучиэнэ, нёанчи мочогойдоачи, наондёкан Иисус Иерусалимду дэрэдигухэнэ. Эннии-дэ, Иосиф-да чава эчиэ пэксэчи.
- ⁴⁴ Туй тами-да, Нёани гой гурунсэлди мочогоям, мурчихэнэ. Иниэ тиап энэпэри-мэт Нёамбани такори найсал, ахондосал довани гэлэггулухэнэ.
- ⁴⁵ Пиктэвэри эм баогоа тапари-мат, Иерусалим барони гэлэндэгумэри мочогохачи.
- ⁴⁶ Илан иниэ бипиз, Нёамбани Энdur дёгдоани баогохачи. Иисус алосимдисал токондоани тэсими, нёамбачи диксучими досидяхани, туй тапи нёанчиачи мэдэсихэнэ.
- ⁴⁷ Хэмту тэй найсал, досодямари, Нёани мурундиэнэ, таодагойдиани мианжичи.
- ⁴⁸ Пиктэвэри ичэрэ, Марияди Иосифди эрдэнгэвэ бахачи, туй тара Эннии Нёанчиани ујкини: «Поя! Хайми Си туй тахаси? Амиси, Мии, мурумбэри гасамари, Симбивэ гэлэгухэпу».
- ⁴⁹ Нёани нёанчиачи ујкини: «Хайгой суэ Мимбивэ гэлэгүйсу? Амимби дёгдоани бигилэивэ суэ сарасису-ну?»
- ⁵⁰ Туй тами-да нёанчи Нёани ујкимбэни эчиэ отолигоачи.
- ⁵¹ Нёани-тани нёандиачи энэрэ, Назаретачи дичини, тул-тул кэкчэхэмбэчи досидяхани. Эннии-тэни тэй хэсэсэлбэни мэнэ миавандои хэм нэучэхэнэ.
- ⁵² Иисус-тэни тургэнди урэхэнэ, муруңкунэхэнэ, Энdurду, найсалду миаван най очини.

3 паси

- 1 Гэ, эден Тиверий далайни дёан тойңга айџани бичини. Тэй эринду Иудеяду Понтий Пилат даламди бичини, Галилеяду Ирод даламди бичини, нэунүү Филипп Итуреяду гучи Трахонидаду далахани, Лисаний-да Авилинеяду далахани.
- 2 Аннади, Каифади Эндор дёյни боңго даламдисални бидуэчи, най ана боаду балдихан Иоаннчи, Захария хусэ пиктэчиэни Эндор хэсэни бичини.
- 3 Иоанн-тани Иордан боавани кэндэли пулсихэни, гэрэн гурун хайва-да оркиачихамбари ачойчагомари сэвэкилэгүэчи алосихани, соромбори дякасалба Эндор нёандиадиачи чиндагохани.
- 4 Эндордээ ундэй най Исаияди гэрбуку даңсадоани тэй хэсэсэлбэ нирувухэн: «Най ана боаду най морайни дилгани бичин: „Эндор поктогоани баргиосу, Нёани поктовани тоңдо осивандосу!
- 5 Хай-да хэм чоңдо дялоптагини, хай-да хэм хурэн нэекпинжини, модаңку покто тоңдо осигини, мокчо покто нээн осигини.
- 6 Хэмту най Эндор хоримба буривэни ичэдерэ“.
- 7 Иоанн нёандиади сэвэкилэндэмэри дичин найсалчи хисаңгохани: «Сүэ муйки пиктэсэлни! Уй, сэвэкилэутивэ гэлэйэм, оси аяктали чочогои сунчи уүкини?
- 8 Хэмту най ичэдэйни сорондиади улэн дякава-маня аңгосу. „Буэ амимпу Авраам“, – мэнэ долари мактацими эди мурчиэсу. Туй тами ми сунчи ундии: „Эндор хай-да хэм дёлоди Авраамду пиктэсэлбэ осивами мутэй“.
- 9 Элэ-дэ сурэ мо дачандоани би: Хайва-да бурэси мова чапчичи, тотара тавачи наңгалайчи».
- 10 Нёамбани найсал мэдэсихэчи: «Буэ-дэ хони таори?»

Лука, 3

- 11 Нёани таодагоми ујкини: «Уй дюэрди тэтуэку, эм тэтуэй хай-да ана найду буру, уй сиаптаңгику, эй-мэт таро».
- 12 Иоаннчи албамба дяпай гурун, сэвэкилэгүй дидэ, ун-кичи: «Алосимди! Буэ хони таори?»
- 13 Нёани нёанчиачи уңгухэни: «Пулэдэлэ эди гэлэсү!»
- 14 Чaoхари найсал-тани нёанчиани мэдэсихэчи: «Буэ-дэ хони таори?» Нёани-да нёанчиачи ујкини: «Уйвэ-дэ эди оркиласу, эди эхэнчуэсу, мэнэ туриindiэри элэ-сиусу!»
- 15 Найсал халачими бидуэчи, нёанчи хэмту Иоамба Христоса-num миавандиари мурчидуэчи,
- 16 Иоанн-тани хэмтуничи таодагохани: «Ми сумбивэ муэди сэвэкилэи. Туй тами-да миндуй Масини дидини. Ми гэбу анаи, Нёани отани уичэвэни ачоми. Нёани сумбивэ Энdur Эридиэни, тавади сэвэкилэ-дерэ.
- 17 Тэй Масини ѫаладоани мома чэвэ би. Нёани усэсэлби гандян осивандяра, такточии таосангодяра, паяктава-ни гуптэси тавади дегдидерэ».
- 18 Нёани гой-гой улэн мэдэвэ гэрэн гурумбэ алосими са-вајкини.
- 19 Иоанн Ирод даламдивани, Иродиада, нёани нэуни асивани, гучи Иродава хай-да хэм оркин дякасал тур-гундулэни оркилтохани.
- 20 Чачи гучи ноңгихани Ирод Иоамба лаоду тэвэнжим-бэни.
- 21 Хэм найсал сэвэкилэйдуэчи, Иисус-дэ сэвэкилэми кэ-сивэ гэлэйдуэни, боа уйлэ дэгбэликпини.
- 22 Энdur Эрини-тэни Нёанчиани қучи бэени-мэт тухэ-ни. Боадиади дилган оми ујкини: «Си Ми чу улэси Хусэ Пиктэи, Синди Ми Энdur чихаламби!»
- 23 Иисус, дэյсиуривэ дэруридуй, гочин сэдуэ бичин. Нё-ани, Иосиф хусэ пиктэниэм, мурчихэчи.

Лука, 4

- ²⁴ Нёани Амини, гучи тэй Аминачи – эй гурунсэлм, мурчихэчи: «Илия, Матфат, Левий, Мелхия, Ианнай, Иосиф,
- ²⁵ Маттафий, Амос, Наум, Еслим, Наггей,
- ²⁶ Мааф, Маттафий, Семей, Иосиф, Иуда,
- ²⁷ Ионнанан, Рисай, Зоровавель, Салафиил, Нирий,
- ²⁸ Мелхия, Аддий, Косам, Елмодам, Ир,
- ²⁹ Иосия, Елиезер, Иорим, Матфат, Левий,
- ³⁰ Симеон, Иуда, Иосиф, Ионан, Елиаким,
- ³¹ Мелеай, Маинан, Маттаф, Нафан, Давид,
- ³² Иессей, Овид, Вооз, Салмон, Наассон,
- ³³ Аминадав, Арам, Ером, Фарес, Иуда,
- ³⁴ Иаков, Исаак, Авраам, Фара, Нахор,
- ³⁵ Серух. Рагав, Фалек, Евер, Сала,
- ³⁶ Каинан, Арфаксад, Сим, Ной, Ламех,
- ³⁷ Мафусал, Енох, Иаред, Малелеил, Каинан,
- ³⁸ Енос, Сиф, Адам-тани Эндор хүсэ пиктэни бичини».

4 паси

- ¹ Эндор Эридиэни дялокпин Иисус Иордандиади мочо-гохани, Эндор Эрини Нёамбани най ана боачи олбижкини.
- ² Чаду дэхи иниэ Нёани амбанди пэргэликтин бичини. Иисус хэмту иниэ хайва-да эчиэ сиарани, тотара тэй эрин ходидоани, Нёани маңга демусилухэни.
- ³ Амбан-тани Нёанчиани уүкини: «Си Эндор Пиктэни осини, эй дёлова эпэн осивандо».
- ⁴ Иисус, нёанчиани таодагоми, уүкини: «„Эпэнди-рэгдэ най балдиаси, Эндор хэсэни таондиани-да балди-дяра“, – туй нирувухэн».
- ⁵ Амбан Нёамбани гогда хурэнчи тобоми, чадо-баки яло боадоани хэм эденсэл калтасалбачи ичэвэңкини.
- ⁶ Амбан Нёанчиани уүкини: «Синду хэм тэй эденсэл калтасалбачи, гиамбачи, гэбувэчи бурэмби, тэй минги, туй тами ми уйду чихалай осини, уйду бурии.

Лука, 4

- ⁷ Гэ, Си минчи михорандиси осини, тэй хэм Сиңги оси».
- ⁸ Иисус, нёанчиани таодагоми, ујкини: «Миндиэди эну, амбан. „Эден Эндуручий михоранду, туй тара Нёамбани-рагда дэյсиу“», – туй нирувухэн.
- ⁹ Амбан Нёамбани Иерусалимчи олбијкини, туй тара, Нёамбани Эндуур дёйни уелэни иливанда, ујкини: «Си Эндуур Пиктэни осини, эедиэди пэгиси пуйку.
- ¹⁰ Туй нирувухэн: „Симбивэ этугуивэ Мэдуңкусэлчий ујкини.
- ¹¹ Дёлова бэгдиси исиасидиани, юаладоари Симбивэ олбиндярал“.
- ¹² Иисус нёанчиани таодагоми ујкини: «Умбухэн: „Си Эден Эндуурби эди пэргэчиэ!“
- ¹³ Амбан, хэм пэргэлими ходира, Нёандиадиани баң энухэни.
- ¹⁴ Туй тара Иисус масику эриди Галилеячи мочогохани, тотара Нёани мэдэни хэм лаң-лаң би боаду дөрикпини.
- ¹⁵ Нёани еврей кэсивэ гэлэури дёсалдоани аlosихани, totами гэрэн гурун Нёамбани гэбулэхэчи.
- ¹⁶ Иисус урэхэмбий хотончии, Назаретачи дидэ, эй дюлиэлэни бичин-мэт надиачиа иниду кэсивэ гэлэури дёкчи ирэ, дай дилгандий холагой илихани.
- ¹⁷ Нёандоани Эндуурдий ундэй най Исаияди гэрбуку даңсавани бухэчи, тотара Нёани, даңсава нихэлипи, нирувухэн боавани бахани:
- ¹⁸ «Эден Эрини Минду би. Гиохатонсалчи улэн мэдэвэ гисурэгуивэ, агдаси гурумбэ гоилтогоива, дяпахан найчи хэнгэлигуивэ, балисалба ичэггууэмбуривэ аlosигоива, сиңгэрэури найсалба хони-да чиндагорива,
- ¹⁹ Эндуур гудиэсини эримбэни саваңгоива Нёани Мимбивэ сондёхани».

Лука, 4

- ²⁰ Иисус, даңсава дасигора, дэңсимицу бугурэ, тэгүхэнни. Кэсивэ гэлэури дёгду бичин най таони насални Нёанчиани ичэгу-кэ.
- ²¹ Нёани-тани нёанчиачи хисаңголохани: «Эйнивэ суэ досодяхасу эйду нирувухэндүлэ тэде осихани».
- ²² Хэмту найсал Нёандиани чихалахачи, аյмалани ниэри тэде хэсэди эрдэнгэсихэчи, Иосиф хусэ пиктэни биэсими-нум, ујкичи.
- ²³ Иисус нёанчиачи ујкини: «Тэде, суэ Минчи туй ундесү: „Окчичи най, Мэпи окчиро! Си эйду, балдихан боадуи, Копернаумду бичи-мэт осивандо. Буэ чава долдихапу“».
- ²⁴ Нёани ујкини: «Тэде сунчи ундии: „Эмун-дэ Эндордиз ундэй най балдихамби боадуи тэй наям бодорива бараси“».
- ²⁵ Тэделэ сунчи ундии: „Эндор даи найни Илия ини-сэлдуэни Израильду эгди наон экэсэл бичичи. Тэй эринду илан айџани нюүгун биания калтадо тугдэ ана бичин, туй тами наду маңга хади очини.
- ²⁶ Эмун наон эктэчи-дэ Илия эчиэ гиактадикпини, тэм Сидон боадиани Сарепта ихончиани наон эктэчи-рэгдэ гиактадикпини.
- ²⁷ Эндордиз ундэй най Елисейди гэрбуку эриндуэни-дэ Израильду эгди оркин укуди энуси най бичини, эмун-дэ тамача най эчиэ гандян осигора, тэм Нееман Сирияңкан-рагда“».
- ²⁸ Кэсивэ гэлэури дёгду би найсал, чава долдипари, маңга аяктахачи.
- ²⁹ Илира, хотондиади Иисусэвэ пуүнэхэчи, хурэнду аյговохан хотон порончиани, уедиэди пэйси Нёамбани најгалагой, олбиңкичи.
- ³⁰ Нёани-тани найсал алдандолани тап энэми энуухэни.
- ³¹ Галилеячи, Копернаум хотончи эурэ, надиачиа ини-сэлду нёамбачи аlosихани.

Лука, 4

- ³² Нёани алосиндиани эрдэнгэсихэчи, туй тами Нёани хэсэни гиаңко.
- ³³ Кэсивэ гэлэури дёгду эм най, чукин бусиэку бими, дай дилгандии морапсиңкини:
- ³⁴ «Бумбивэ эди тоңгалара, Иисус Назаретаңкан, бүмбивэ эди чиуриңгирэ! Си бүмбивэ вандами дичиси; ми сарамби Си уй, Си Энdur Сондёмдини тачи».
- ³⁵ Иисус, нёамбани паполами, уңкини: «Хэмэ бису, нёандиадиани ниэгу!» Амбан, хай-да оркимбани эм тами, кэсивэ гэлэури дё токондоани наңгалара, нёандиадиани ниэхэни.
- ³⁶ Хэмту найсал маңгади յэлэрэ, дай диадиари хисаңгахачи: «Тэй хай дяка? Нёани гиаңко, масику, чукин эрисэлбэ паполайни, туй тами нёанчи ниэричи».
- ³⁷ Хэмту лаң-лаң би боасалчи Иисус мэдэни дерикпини.
- ³⁸ Кэсивэ гэлэури дёгдиади ниэрэ, Нёани Симон дёкчигани ихэни. Симон энгээни полони маңга бичин. Иисусэччи гудиэмбэ гэлэхэчи.
- ³⁹ Тэй эктэчи лаң энэрэ, поломбани паполахани, полони абанахани. Чадо-баки тэй эктэ, илигора, нёамбачи дэңсихэни.
- ⁴⁰ Сиун тугайдуэни хайди-да хэм энуси гурумбэ Иисусэччи олбиңкичи, Нёани, յалаи бэедуэчи нэми, энусихэн гурумбэ аянагаңкини.
- ⁴¹ Чукин эрисэл эгди найдиади дай дилгандии морамари ниэхэчи гучи уңкичи: «Си Христос, Энdur Пиктэни!» Нёани-тани амбасал тэй Христосам ундивэчи паполахани.
- ⁴² Инучиэни, Иисус дёгдиади ниэрэ, най ана боачи энэхэни. Найсал нёамбани гэлэгүхэчи, Нёанчиани дидэ, Нёани хаоси-да энэйвэни осисихани.
- ⁴³ Иисус-тэни нёанчиачи уңкини: «Гой-гой хотонду балди гурунчи-дэ Ми Энdur далайнii улэн мэдэвэ гисурэгилэи. Чава тагои Ми эуси гиактадиохан».
- ⁴⁴ Тотара Галилеяду кэсивэ гэлэури дёсалду алосиктахани.

5 паси

- 1 Эм модан Иисус Генисарет хэвэни тоидоани илисидоани, эгди най симиани Энdur хэсэвэни долдигоари Нёани дякпадоани илисихачи.
- 2 Иисус хэвэнду дюэр огдава ичэхэни; ботамдисал, огдадиадиари хулундэ,adolивари силкохачи.
- 3 Симон огдачиани ора, Нёани Симомба няңга тайси чисайвани гэлэхэни, туй тара, тэрэ, огдадиади найва аlosихани.
- 4 Аlosими ходира, Симончи уңкини: «Соңтачи чисару, туй тара вагоариadolивари тулэусу».
- 5 Симон Нёанчиани таодагоми уңкини: «Аlosимди! Бүэ долбо тиап дёбомари хайва-да эчиэ варапу; туй тами-да Си хэсэлэсিadolива тулэдемби».
- 6 Туй тара нёанчи эгди согдата ваахачи, адоличи-да гудэликтини.
- 7 Дюэ огдаду би диасилбари саваңкичи, бэлэчиндэмэри дигүэчи; гэ, дичичи, дюэту огда тиас очини, нёанчи дириэлухэчи.
- 8 Чава ичэрэ, Симон-Пётр, Иисус пэйнэнчиэни мукчу-рэндэ, уңкини: «Миндиэди энуру, Эден! Ми сороңку най тамби».
- 9 Симон-Пётр, нёандиани гэсэ бичин хэмту найсал тэй ваохан согдата эгдилэдии ичи ана юэлэхэчи.
- 10 Гучи Симонди гэсэ бичин диасилни, Заведей пурилни Иаков, Иоанн-да тэж юэлэхэчи. Туй тара Иисус Симончи уңкини: «Эди юэлэхирэ, эвэңки найсалба дяпикачида».
- 11 Дюэту огдавари начи тоанда, хэм наңгалара, Иисус хамиалани энэхэчи.
- 12 Иисус эм хотонду бидуэни, эм оркин укуди энуси най дичини, Иисусэвэ ичэрэ, начи турэ, намичами, уңкини: «Эдемби! Си чихалай осини, мимбивэ гандян осивандо».

Лука, 5

- ¹³ Иисус, ңалаи эурирэ, нёамбани тоңгалара, уңкини: «Ми чихалаи, гандян осигору!» Чадо-баки оркин укусэл тэй найду абанахачи.
- ¹⁴ Иисус-тэни, тэй найчи уйчи-дэ эди гисурэрэм, уңкини, тотара кэсивэ гэлэури дё даламдичиани эну-энжини, гандян осигохандолаи сугдигугуэни, хони Моисей, найдва тэдюэми, тавандини-мат.
- ¹⁵ Туй тахани-да, хайс Иисус мэдэни сүгдэ дерикпини Тэң эгди най хаядна-да хэм дилухэчи, Нёамбани досодягой, энувэчи Нёани окчичноани.
- ¹⁶ Нёани-тани, най ана боачи энэрэ, кэсивэ гэлэхэнни.
- ¹⁷ Эм иниду Нёани алосидоани, чаду Иерусалимдиади дичин даңсава сари найсал, гиамба сари найсал тэсидуэчи, Эндор кусумбэни энуси гурун аянагойдоачи ичэури бичин.
- ¹⁸ Гэ, найсал тэми мутэси маңгади энуси найдва сэктэпунду олбиңики; тэй найдва дёкчи ивуйчэхэчи, Иисус дюлиэчиэни нэйчэхэчи.
- ¹⁹ Эгди найсал бини тургундулэни энэгүй поктогой барами, дё уечиэни тохачи, гүйчэ тап дё токончиани Иисус дюлиэлэни энуси найдва сэктэпундиэни гэсэ тугбухэчи.
- ²⁰ Иисус-тэни, нёанчи агдайвачи ичэрэ, тэй найчи уңкини: «Си соросалбаси синдиэди ачовори».
- ²¹ Даңсава сари гурунсэл, фарисейсал мэнэ долари мурчимэри, уңкичи: «Си, уй бими, Эндорбэ ачапчи ундиши? Уй соромба ачоми мутэй? Тэм эм Эндор-рэгдэ».
- ²² Иисус, мурумбэчи отолира, нёанчиачи таодагоми уңкини: «Хайва суэ миавандоари мурчису?
- ²³ Хайва дядима умбури: „Си соромбаси ачориам, умбури; илира, пулсируэм, умбури?“
- ²⁴ Сүэ саросу: „Най Хусэ Пиктэни наду соромба ачори гиаңкони“. Нёани тэй тэми мутэми энуси найди уңкини: «Синчи ундии: „Илигора, сэктэпумби дялагора, дёкчии энуур“».

Лука, 5

- ²⁵ Тэй най, чадо-тул нёанчи дюлиэлэни илигора, сэктэ-пумби дяпагора, Эндорбэ мактачими, дёкчий энухэни.
- ²⁶ Хэмту найсал маңгади үэлэхэчи, туй тара эндорбэ мактажихачи; нёанчи үэлэй бимэри ујкичи: «Эйниэ бүэ эрдэнгэ дякасалба ичэхэпу».
- ²⁷ Тэй хамиалани Иисус албамба дяпай найва ичэхэни. Тэй най, Левийди гэрбуку, мэнэ дэнжи бэундуу тэсихэни. Иисус нёанчиани ујкини: «Ми хамиалаива энэру!»
- ²⁸ Тэй най-тани, дякаи хэм наңгалара, илихани, туй тара Нёани хамиалани энэхэни.
- ²⁹ Левий дёгдои Иисусэду даи саолимба аңгохани; чаду эгди албамба дяпай гурунсэл гучи нёандиачи гэсэ аоликачи гой найсал бичичи.
- ³⁰ Даңсава сари гурунсэл, фарисейсал пайцканасимари Нёани дахамдисалчиани ујкичи: «Хайгой суэ албамба дяпай гурунсэлди, сороңку гурунсэлди сиарису, омису?»
- ³¹ Иисус-тэни таодагоми ујкини: «Ая найсал-да окчиши найва гэлэси, энуси найсал-тани гэлэй.
- ³² Ми тоңдо найсалба-да эм хэрсиэми тагои, сороңку найсалба-тани хэрсигүй дичимби».
- ³³ Гисурэндуйни гурун-тэни Нёанчиани ујкичи: «Хайми Иоанн дахамдисални чаңкай уликсэвэ сиарасичи, кэсивэ гэлэйчи, гучи даңсава сари найсал-мат кэсивэ гэлэйчи, Си дахамдисалси-тани сиаричи, омичи?»
- ³⁴ Иисус нёанчиачи ујкичи: «Гиамата эриндуэни, асигой багилай наондёан бидуэни, мэпи ходиамари таваңгой мутэдесү?
- ³⁵ Аоян анани инисэл исиочиани-мат, нёанчи тэй ини-сэлду мэпи ходиамари тавандярал».
- ³⁶ Туй тара нёанчиачи мода хэсэвэ гисурэхэни: «Уй-дэ писачава сикун тэтүэдийэд хэделигуми горопчи тэтүэчи эчий улпигурэ; сикун тэтүэ гудэри, чали-киала сикун тэтүэ писачани горопчи тэтүэчи аласи.

Лука, 6

- ³⁷ Уй-дэ горопчи нантама далиансалчи сикун аракива эчийг евэрирэ; сикун араки нантама далиансалба гудэлирэ, хэм хэдерэ, нантама далиансал-тани оркинадярал.
- ³⁸ Сикун аракива сикун нантама далиансалчи евэриури. Туй тами-рагда аракива-да бивэмбури, далиансалба-да гудэ ана нэучиури.
- ³⁹ Уй-дэ, горопчи аракива омира, чадо-баки сикун аракива гэлэсигүй, туй уми: „Горопчи сикундуй улэн“.

6 паси

- ¹ Эм модан Пасха аяя хамиалани боңго надиачиа иниду Иисус даи тариохан усингулээ энэлухэни; дахамдисални-тани, балдихан усэсэлбэ ачомари, յаладоари нилчалимары, сиахачи.
- ² Поани фарисейсал нёанчиачи уңкичи: «Хайгой суэ надиачиа иниду ачаси дякава тайсу?»
- ³ Иисус, нёанчиачи таодагоми, уңкини: «Суэ эчийг холасу, хай, хайва Давид тахани, мэнэ гучи нёандиани гэсэ бичин найсал демусидуэри?»
- ⁴ Нёани, Эндор дёкчиани ирэ, чадо уй-дэ сиами ачаси-ни, тэм Эндор дёүни сондёхан дэйсимдисэлчи-рэгдэ сиагилахачи сүгдин эпэнсэлбэ дяпара, сиахани, гучи нёандиани бичин найсалду бухэни».
- ⁵ Нёанчиачи уңкини: «Най Хусэ Пиктэни гучи надиачиа ини-дэ эдени».
- ⁶ Эм модан-тани гой надиачиа иниду Иисус, кэсивэ гэлэури дёкчи ирэ, алосихани. Чаду холгокто аягия յалаку най бичини.
- ⁷ Даңсава сари гурунсэл, фарисейсал Нёанчиани диксучимэри ичэдэхэчи. Нёанчи Иисус надиачиа иниду окчини осини, тэй тургундулэни оркилтойчахачи.
- ⁸ Иисус-тэни, мурумбэчи сами, холгокто аягия յалаку найчи уңкини: «Илиро, токончи ниэрү». Нёани, илира, ниэхэни.

Лука, 6

- ⁹ Чаду Иисус нёанчиачи ујкини: «Ми сумбивэ мэдэсиймби: „Хайва надиачиа иниду таори — улэмбэ-ну, оркимба-ну? Эргэмбэ хориори-ну, вайчаори-ну?“» Нёанчи хэмэ бичичи.
- ¹⁰ Хэмту найсалчи ичэрэ, тэй найчи ујкини: «Нялаи эуриру!» Нёани туй тахани, чадо-тол յалани деунгийэ-мэт ая очохани.
- ¹¹ Нёанчи эмуту гориалохачи, туй тара, Иисусэвэ хони таориам,dia диадиари хисангохачи.
- ¹² Тэй инисэлду Иисус кэсивэ гэлэгүй хурэнчи тохани, чадо долбоа тиап Эндуурчи кэсивэ гэлэхэн.
- ¹³ Инучиэни, дахамдисалби хэрсхэн, нёандолачи дёан дюэрбэ сондёра, апостолсалди гэрбиэхэн.
- ¹⁴ Симомба гой гэрбуудиэни Пётради гэрбиэхэн, Андреява нэувэни, Иаковба гучи Иоамба, Филиппава гучи Варфоломейва,
- ¹⁵ Матфейва гучи Фомава, Иаковба, Алфей пиктэвэни гучи Симомба, гой гэрбуни Зилот,
- ¹⁶ Иудава, Иаков пиктэвэни гучи Иуда Кариотаңкамба – тэй чу хаморойдима Иисусэвэ аргалами байгоансалчани бугудерэ.
- ¹⁷ Нёандиачи эзгурэ, Иисус нэен боаду каодярахани. Чаду хэмту дахамдисални гучи Иудеядиади, Иерусалимдиади, Тир гучи Сидон намо кирани боасалдиадиани гэрэн гурун бичичи.
- ¹⁸ Нёанчи Иисусэвэ досодягоари, мэнэ энусэлбэри окчигоани дичичи. Амбанжко эрисэлди эрумбэ бахан найсал-да бичичи. Хэмту найсал аянагохачи.
- ¹⁹ Нёандиадиани кусун ниэми, хэмту найсалба аянагаңкини, туй тамари гэрэн гурун Иисусэвэ тоңгалайчахачи.
- ²⁰ Нёани, дахамдисалчии ичэгурэ, хисангохани: «Эндуурдалайни эрини кусуни суэнги, туй тамари Эриди синэди гурун кэсику.

Лука, 6

- ²¹ Эси демусини кэсику, тотапиа элэйдиэри; эси соңгойни кэсику, тотапиа инэктэлугүйдиэри;
- ²² Суэ кэсикусу, хали найсал сумбивэ чиурсилуйдуэчи-дэ, пујнэчилуйдуэчи-дэ, госолайчайдоачи-да, Най Хусэ Пиктэн тургундулэнни суэ гэрбувэсу делэнкуди гэрбиэсилуйдуэчи-дэ.
- ²³ Тэй иниду агданасиосу, енуэлэусу: Боа сумбивэ тэндай сутгэмбэ бавандяра. Гэ, Эндордиэ ундэй найсалди тэй гэрэн гурун аминсалчи туй тай бичичи.
- ²⁴ Суэ-дэ, баян найсал, кисиакосу, туй тами-да суэ мэнэ гудиэмбэри бактахасу.
- ²⁵ Суэ-дэ кисиакосу, эси элэчи найсал, туй тами-да суэ демусидесу. Суэ-дэ кисиакосу, эси инэктэй найсал, туй тами-да суэ-дэ соңгодясу, гучи маңга кэйнэдесу.
- ²⁶ Суэ-дэ кисиакосу, хэмту найсал сумбивэ улэнтумэри хисаңгойдоачи. Гэ, делэнку, Эндордиэ ундэй найсалди-мат тэй гэрэн гурун аминсалчи туй тай бичичи.
- ²⁷ Сунчи, досодяй найсалчи, ундии: Байгоансалбари улэсиусу, сумбивэ чиурси найсалду улэмбэ таосо.
- ²⁸ Сумбивэ гаксой найсалду улэмбэ гэлэусу, сумбивэ оркилтой найсалду кэсивэ гэлэусу.
- ²⁹ Эмдиэ дэрэгби пайнаадахан найва тая дэрэгби пайнаадавандо, овой тэтүэвэси ачой найва довой тэтүэи дяпавандо.
- ³⁰ Синдулэ хай-да дякава гэлэй най таондоани буру, синдулэ дяпаханила хамаси эди гэлэгурэ.
- ³¹ Суэ хони мэнди най тайвани гэлэй осини, найду-да туй-мэт таосу.
- ³² Суэ мэпэри улэси найва улэси осини, сунду хай баниха? Сороңку найсал-да мэпэри улэси гурумбэ улэси.
- ³³ Сунду улэмбэ тай найду суэ улэмбэ тайсу осини, хай сунду баниха? Сороңку найсал-да туй-мэт тайчи.
- ³⁴ Наңдоаңкимбари суэ хамаси баогойчайсу осини, хамаси, сунду хай баниха? Сороңку найсал-да сороңку

Лука, 6

- найсалду хониа најдоаңкимбари осини, хониа баогойчил.
- ³⁵ Сүэ байгоансалбари улэсиусу, хайва-да эм халачиамары улэмбэ таосу, најдачивандаосу. Сунду даи айсилан одяра, Даи Энdur хүсэ пиктэсэлни одясу; Нёани баниаласи, аяктаку найсалба-да гудиэсини.
- ³⁶ Сүэ гудиэси миаваңку биусу, эмуту Амимбари-мат.
- ³⁷ Уйвэ-дэ эди дёдясу, сумбивэ-дэ уй-дэ дёдяси; уйвэ-дэ эди оркилтоасу, сумбивэ-дэ уй-дэ оркилтоаси; гудиэсиусу, сумбивэ-дэ гудиэсидерэ.
- ³⁸ Буктэусу, сунду-дэ будерэл: тиас-тиас би, дерини уелэни би, дигдами дялоповохан даолакоди суэ тухичиэсу евэридерэл. Хони би даолакоди даолайсу осини, туй биди-тул сунду даолагодяра».
- ³⁹ Иисус нёанчиани мода хэсэвэ гисурэхэни: «Бали найгой бали найва элгэми мутэй-ну? Дюэтудиэри чоңдо-чи турэси-ну?
- ⁴⁰ Тачиочини алосимдидой уйлэ одаси; улэн тачиочи осини, най таони алосимди-мат оси.
- ⁴¹ Хай си кукпукэмбэ андарби насалдоани ичэдэйси, мэнэ насалдои-тани вами мова сарасилай?
- ⁴² Хони андарчии уми мутэйси: „Анда, насалдиадиаси кукпукэмбэ агбимбогоива чихало!“ Си мэнэ насалдои би вами мова ичэсилэй. Си дялиңку най! Дюлилэ насалдиади вами мова тоандо, туй тапи-мат андарби насалдиадиани кукпукэмбэ агбимборива садячи.
- ⁴³ Чукин дякава бури улэн мо аба; улэн дякава бури чукин мо-да аба.
- ⁴⁴ Мо таомбани балди амтакалани, боктолани, чэмэлэни сами мутэури; сэпэрси модиади амтакава тамаваси, гучи поңгодиади муксултэвэ тамаваси.
- ⁴⁵ Улэн най улэн миавандолаи улэмбэ бури, аяктаку най-да аякта миавандолаи аяктава бури; туй тами миавани дялокпини дякади аյмани унди.

Лука, 7

- ⁴⁶ Хайгой суэ Мимбивэ хэрсису: „Эдемби! Эдемби!“ Ми ундиивэ-тэни тасилари?
- ⁴⁷ Сунчи ундин: „Минчи пулси, Ми хэсэивэ досодяй, хэсэлэивэ тай най таони эмуту тэй най-мат би:
- ⁴⁸ ‘Тэй най сонта чоңдова хулэрэ, дёло оялани тэхэвэ нэрэ, дёгба аңгохани. Далан осидоани, муэ, дёлоду би дё тэхэвэни исипи, туйңкуми мутэчини.
- ⁴⁹ Досодяй-тани, хэсэлэи таси най эмуту гой най-мат би: Тэй най тэхэ ана дёгба аңгохани; муэ дё тэхэвэни исидоани, чаду-баки тухэни, тэй дё бояни маңга бичин”“.

7 паси

- ¹ Нёани, досидяй гурунчи хэм хэсэй хисаңгоми ходипи, Копернаум хотончи ихэни.
- ² Эм таңго чаоха дяңгиаңгони улэсини дэյсимди элэ бурмулэ энусихэни.
- ³ Иисусэвэ долдира, чаоха дяңгиаңгони Нёанчиани Иудея сагдимдисалбани энэвэңкини, дэйсимдивэ окчиндагоани гэлэгуэчи.
- ⁴ Нёанчи Иисусэчи дидэ, Нёамбани тэдючимэри гэлэхэчи: «Нёани гэбуку най, Си нёандоани чава таро.
- ⁵ Нёани буэ найпова улэсини, бунду кэсивэ гэлэури дёгба аңгохани».
- ⁶ Иисус нёандиачи энэхэни. Нёани дёгба элэ исидоани, чаоха дяңгиаңгоани диасилби Нёанчиани уңгуэчи энэвэңкини: «Эден! Эди дэйсирэ! Ми гэбуку най биэсими, ми дёкчийва эди ирэ!
- ⁷ Туй тами Синчи дигуи, ми мэпи гэбукуем бодоасими. Хэсэвэ-рэгдэ унду, дэйсимдии-дэ аянагодяра.
- ⁸ Ми-дэ гиандиади сирэнжку най тамби, минду-дэ минди-эди сирэнжку чаохасал бичи, эм найчи „энэру“, – ундиивэ осини, нёани энэй; гой найчи „диду“, – ундиивэ осини, нёани дидэй; дэйсимдичии „чава таро“, – ундиивэ осини, нёани тай».

- 9 Эйвэ долдипи, Иисус эрдэнгэвэ бахани, туй тара хамиалаи энэй гурунчи уүкини: «Сунчи ундэмби: „Ми Израильду-да эй-мэт агдаорива эчэй бараи“».
- 10 Гиактамдисал дёкчи дидюпэри, энуси дэңсимди ая осигохамбани баогохачи.
- 11 Тотапи Иисус Наинди гэрбуку хотончи энэхэни, Нёандиани дахамдисални, гучи эгди гой найсал энэхэчи.
- 12 Нёани хотон докачиани исидоани, чаду наон эктэ эмүкэн хусэ пиктэни буйкимбэни ниэвухэчи. Эктэди гэсэ хотондиади эгди найсал энэхэчи.
- 13 Наон эктэвэ ичэрэ, Эден гудиэсими уүкини: «Эди соңгора».
- 14 Тотапи дидянда, буйкин най диркэчэвэни тоңгалахани; ирай найсал каодярахачи; Нёани-тани уүкини: «Наондён! Синчи ундэмби: „Илигоро“».
- 15 Буйкин най, тэгурэ, хисангоми дэрухэни, туй тара Иисус нёамбани эниндүэни бутухэни.
- 16 Хэмту найсал тэж нэлэхэчи, Эндорбэ гэбултумэри уүкичи: «Эй, гэ, Эндордий ундэй най буэ алданопова илигохани, Эндор-тэни Мэнэ найчии дидюхэни».
- 17 Нёани гэбуни мэдэни Иудеява гучи гой боава хэкпэ мэдэрикпини.
- 18 Иоанн дахамдисални нёамбани чава хэм саваңкичи.
- 19 Иоанн, дюэр дахамдисалби хэрсирэ, Иисусэчи мэдэсигуэчи гиактадихани: «Си дигилэйси-ну, гой найва халачидяпу-ну?»
- 20 Нёанчи, Иисусэчи дидэ, уүкичи: «Иоанн Сэвэкилэмди бүмбивэ Синчи мэдэсигупувэ гиактадихани: „Си дигилэй найси-ну, гой найва халачидяпу-ну?“»
- 21 Тэй эринду Нёани эгди найсалба энудиэдиэчи, чукин эрисэлдиэдиэчи окчичихани, эгди бали гурумбэ насалди ичэй осигованжкини.
- 22 Иисус-тэни, нёанчиачи таодагоми уүкини: «Иоаннчи энурэ, хайва-да суэ ичэхэмбэри, долдихамбари, ундусу:

бали найсал ичэлугуй, дохоло найсал аянгой, оркин укуди энуси гурун гандян осигой, коңго гурун долдилогой, буйкин гурун хорагой, гиохатонсал улэн мэдэвэ мэдэричи.

- ²³ Мимбивэ тэргэдэси най кэсику».
- ²⁴ Иоанн гиактамдисални энуйдуэчи, Нёани гэрэн гурунчи Иоанн удэвэни гисурэлухэни: «Сүэ хайва ичэндэмэри най ана боачи пулсихэсу? Холгокта хэдунди хэдумбурившэний-ну?
- ²⁵ Сүэ-дэ хайва ичэндэмэри пулсихэсу? Улэнди тэтүэку найва-ну? Тэй улэн, бобой тэтүэвэ тэчичи найсал эден дёсалдоани балдичи.
- ²⁶ Сүэ-дэ хайва ичэндэмэри пулсихэсу? Эндоруди ундэй найва-ну? И, сунчи ундии, нёани Эндорудиэ ундэй найдуй-да даи.
- ²⁷ Нёани удэвэни туй нируувхэн би: „Ми Си дэрэлси дюлиэлэни Мэнэ Мэдуңкуи гиактадии Си дюлиэлэси поктогоаси баргиоани“.
- ²⁸ Сунчи ундии: Экэсэл бахандолачи эмун-дэ Эндорудиэ ундэй найсал Иоанн Сэвэкилэмдидий даа аба. Чу нуучидимэ-дэ Эндор далачини эриндуэни нёнандуй даи».
- ²⁹ Хэмту Нёамбани досолахан найсал гучи албамба дяпай найсал Эндорубэ мактхачи, тотара Иоанндиади сэвэкилэкличи.
- ³⁰ Фарисейсал, гучи гиамба сари найсал мэпи Эндор чихалайлвани ачаканасимари Иоанндиади эчиэ сэвэкилэчи.
- ³¹ Чаду Эден уүкини: «Тэй хала найсалбани ѱасори, уйди унэчиури? Нёанчи уй-мэт бичи?
- ³² Нёанчи, боала тэси пурил-мэт, диа диавари хэрсичи, ундинчи: „Буэ сунду пиокианди пиокиачихапу, суэ эчиэ тэптэрэсу; буэ соңгопси дяримба дярихапу, суэ эчиэ соңгоасу“.
- ³³ Иоанн Сэвэкилэмди дичини, эпэмбэ сиараси, аракива омиаси, суэ-тэни ундинсүү: „Нёани долани амбан“.

- ³⁴ Най Хусэ Пиктэни дичини, сиари, оми; суэ ундинсүү: „Гэ, сиаорива, аракива омиорива улэси най дичини, албамба дяпай найсал, сороңку найсал андарчи“.
- ³⁵ Эндор соңта муруни пурилни тэй мурумбэ тэрэк биди бодойчи».
- ³⁶ Хавойни-ну фарисейсалдола Иисусэвэ нёандиани гэсэ сиагой гэлэхэнүү. Нёани, фарисей дёкчиани ирэ, ак-паңкини.
- ³⁷ Гэ, тэй хотонду балди сороңку эктэ, Нёани тэй най дёгдоани бивэни сара, улэн пуңку нутэку пэңсэкувэ олбинжини.
- ³⁸ Туй тара Нёани хамиалани бэгдидүэни илира, соңгоми бэгдивэни нимоктадии силколохани, дилий нуктэдий хаочими, туй тара бэгдивэни одёктахани, нутэди модорихани.
- ³⁹ Нёамбани хэрсхэн фарисей, чава ичэми, мэнэ долаи уүкини: «Нёани Эндордий ундэй най осини, сагилахани, уй тэй эктэ, хони би эктэ Нёамбани тоңгасини. Тэй эктэ сороңку».
- ⁴⁰ Нёанчиани кэчэригурэ, Иисус уүкини: «Симон! Ми хайва-ну синчи уүкичэмби». Нёани ундини: «Унду, Аолосимди».
- ⁴¹ Иисус уүкини: «Эм најдаванди найду дюэр најда��у най бичичи: эмдимэ тойнга таңго мэнгумэ дихава најдахани, дюэчиэ – сосива најдахани.
- ⁴² Нёанчи бугугуэри диха ана бичичи, туй тами најдоаңжин най најдавачи ачохани. Унду: хавойдима нёамбани маңга улэсидерэ?»
- ⁴³ Симон уүгхэнүү: «Мурчии, эгдивэ ачохани». Иисус нёанчиани уүкини: «Си тэрэк мурчихэси».
- ⁴⁴ Эктэчи кэчэригурэ, Симончи уүкини: «Си эй эктэвэ ичэйси-ну? Ми дёкчиаси дичимби, си-тэни бэгдийн сил-когоива-да минду муэвэ эчиэ бурэси, нёани-тани нимоктадии бэгдийвэ силкохани, нуктэдий хаочихани.

Лука, 8

- 45 Си Мимбивэ одёачиси, нёани-тани Ми дичиндиивэ бэгдиивэ одёктами ходиаси.
- 46 Си дилиива симуксэди модориачиси, нёани-тани бэгдиивэ пуңку нутэди модорихани.
- 47 Туй тами синчи ундии: Нёани маңга улэсихэни тургундуулэни нёандоани эгди соронсалба ачовори. Уйду-тэни оива ачовори, тэй най ои улэсини».
- 48 Эктэчи-тэни уүкини: «Соросалбаси синдиэди ачовори».
- 49 Нёандиани гэсэ аоликачихан найсал мэнэ долари хисанголохачи: «Уй дяка хай соронсалба-да ачойни?»
- 50 Нёани-тани эктэчи уүкини: «Си агдаси симбивэ хорихани, номохонди энэрү!»

8 паси

- 1 Тэй хамиалани Иисус, хотонсалба, ихонсалба пулсими, аlosиктahани, гучи Эндр далачини эримбэ саваңкини.
- 2 Нёандиани гэсэ дёан дюэр дахамдисални, гучи бусиэсэлдиэди окчичихани экэсэл бичичи: Мария, гой гэрбуни Магдалина, нёандиади надан бусиэ ниэхэчи,
- 3 Гучи Иоанна, Ирод дёјни даламдини Хуза асини, гучи Сусанна, гучи эгди гой-гой экэсэл; нёанчи, дякадиадиари бурэ, Христосава дэյсихэчи.
- 4 Эгди най поагийдоани, Нёанчиани хотон таондоани балди найсал пулсихэчи. Нёани мода хэсэвэ хисанголохани:
- 5 «Таримди усэи таригой ниэхэни; таридоани, боңго усэ покто дякпадоани тухэни, туй тара чава такточихачи, гучи чаваboa ниэчэнсэлни чокихачи.
- 6 Дюэчиэ усэ дёлоку начи тухэни, урэрэ, муэ ана бими, холгохани.
- 7 Илиачиа усэ сэпэрси поңго токондолани тухэни, тэй поңго урэми чава чихэни.

Лука, 8

- ⁸ Дуечиэ усэ улэн начи тухэни, урэрэ, эм таңго сикун усэсэлбэ бухэни». Туй ундэ, морапсинүкни: «Сиаңко-ни долдигини!»
- ⁹ Дахамдисални-тани Нёанчиани мэдэсихэч: «Тэй мода хэсэ хай дяка?»
- ¹⁰ Иисус уүкни: «Сүэ Энdur далачини эрин сумэчин-сэлбэни отолису, поани найсал-тани тэм мода хэсэ-сэлбэ саричи; нёанчи ичэмэри ичэси, долдимари отолиаси.
- ¹¹ Тэй мода хэсэ туй би дяка: Усэ – Энdur хэсэни.
- ¹² Покто дякпадоани тухэн усэ – досидяй найсал; тотара нёанчиачи амбан дидэ, миавандиадиачи хэсэвэ гадёйни, нёанчи эм агдами тагоачи, мэпэри эм хориамари тагоачи.
- ¹³ Дёлоку начи тухэн усэ – хэсэвэ долдира, агдамири чихалай найсал; дачан ана бимэри, баң агдара, нёанчи маңгасидоачи хамаси хадандичи.
- ¹⁴ Сэпэrsi понгочи тухэн усэ – хэсэвэ досидяй найсал; нёанчи хадамари тагилаори дякадиари, баян дякадиари, улэси дякадиари чирэкличи, улэн дякасалба эм бурэмэри, хамаси хадандичи.
- ¹⁵ Улэн начи тухэн усэ – хэсэвэ долдира, улэн гандян миавандои тэй хэсэвэ этэхий найсал, нёанчи аличамари улэн дякава буричи». Чава ундэ, морапсинүкни: «Сиаңко-ни долдигини!
- ¹⁶ Уй-дэ, лава таора, чава алиоди дасиаси, аори бэун пэгиэлэни нэрэси, ихэн найсал јэгдембэ ичэгуэчи – бай туй нэри.
- ¹⁷ Хамача-да аба, хониа мэпи дяячахан-да, най ичэгуэчини осигоачин, долаи сумэчиухэн дяка саговачин осигоачин.
- ¹⁸ Гэ, хони суэ досидяйвари ичэдеусу; уй хай дякако, тэйнийду будерэ, уй дяка ана, тэйнилэ мурчини дякава-да дялагодяра».

Лука, 8

- ¹⁹ Иисусэчи Энини, нэусэлни дидэ, эгди най бини тургундулэни дякпачиани лаң димэри мутэчичи.
- ²⁰ Нёамбани саваңкичи: «Симбивэ ичэйчэмэри, Эниси, нэусэлси боала илисичи».
- ²¹ Иисус нёанчиачи таодагоми ујкини: «Энdur хэсэвэни досодяй, Энdur хэсэлэни тай гурунсэл Ми энимби, Ми нэусэлби».
- ²² Эм иниду Нёани дахамдисалдии огдачи охани, туй тара нёанчиачи ујкини: «Хэвэн багиачиани даогоари». Туй тара энэлухэччи.
- ²³ Даоридоачи, Нёани оյасахани. Хэвэнду пуксин тоңгалахани, вата-да огдачиачи ихэни, нёанчи дэнжисписивэ бахачи.
- ²⁴ Иисусэчи лаң дидэ, сэрумэри, ујкичи: «Алосимди! Алосимди! Будэйпу!» Нёани-тани, илира, хэдумбэ, ватава каодяраваңкини, чаду-баки сэлкини, тороңгохани.
- ²⁵ Чаду Нёани нёанчиачи ујкини: «Хайду суэ агдасо бини?» Нёанчи-тани тэһ јэлэмэри, мианмари, диа диадиари хисаңгохачи: «Эй уй дяка? Хэдумбэ, ватава каодяравандай, Нёани хэсэвэни долдичи».
- ²⁶ Нёанчи Галилея бадодоани би Гадарин калтадиачиани дичичи.
- ²⁷ Иисус сапси кирачиани хулумбуучиэни, Нёамбани тэй хотонду би най бачиалихани. Тэй най балана бусиэсэлку бичин, тэтүэвэ-дэ тэчичиэчини, дёгдо-да балдичини, тэм хэурду-рэгдэ балдихани.
- ²⁸ Нёани, Иисусэвэ ичэпи, морапсинјкини, дюлиэлэни турэ, дай дилгандии ујкини: «Мимбивэ эди тоңгала-ра, Иисус, Энdur Увуйдимэ Хусэ Пиктэни, намичамби, мимбивэ эди эрулэрэ».
- ²⁹ Туй тами Иисус тэй найдиади бусиэсэлбэ ниэвэңкини; тэй бусиэсэл нёамбани гойдами эрулэхэни; нёамбани, уюн бигуэни, этумэри дюлдиэнди, топтоди

- уччэхэчи; нёани, чава лопто гудэлими, бусиэ пуunjэй-дуэни, най ана боачи энэрэ, бичини.
- ³⁰ Иисус нёанчиани мэдэсихэн: «Си гэрбуси хай?» Нёани ункини: «Таңго-таңго»; тue би бусиэсэл нёани дочиани ихэчи.
- ³¹ Нёанчи, пэрэл ана пакчи боачи эди энувэндэм, Иисус-сэвэ гэлэхэчи.
- ³² Чадо-баки хурэн хапоидоани олгиансал даи ёнани онжкохани. Бусиэсэл, олгиансалчи игуэри, Нёани чихалайвани гэлэхэчи. Нёани чихалахани.
- ³³ Бусиэсэл, найдиади ниэрэ, олгиансалчи ихэчи, ёна кас би мэгдин кирадиадиани, пэйси амоанчи пуйкунэсирэ, муэлэнжини.
- ³⁴ Этумдисэл, чава ичэпэри, хотонду, ихонсалду би гурунчи гисурэгүй тутулухэчи.
- ³⁵ Чава ичэгүй, гэрэн гурун дичичи; Иисусэхи дидэ, бусиэсэлдүлэ гэтэгүхэн найва баҳачи; нёани тэтүэку, Иисус бэгдини дякпадоани тэрэ, гал-гал осигохани; найсал маңга үэлэхэчи.
- ³⁶ Хони-да гориа най ая осихамбани ичэдехэн гурунсэл нёанчиачи гисурэхэчи.
- ³⁷ Гадаринди лаң би боасалду балди найсал хэм маңгади үэлэхэчи, totamari Иисус энуивэн гэлэхэчи. Нёани, огдачи огора, даогохани.
- ³⁸ Бусиэсэл ниэхэни най Иисусэди гэсэ бичэхэни. Иисус-тэни, нёамбани чиндагоми, ункини:
- ³⁹ «Дёкчии мочогоро, хайва-да Эндор синду тахамбани гисурэру». Тэй най, хони-да нёандоани Иисус тахамбани, тэй хотонду би найсалба алосиндами энэхэни.
- ⁴⁰ Иисус мочогочиани, найсал Нёамбани улэн ачаңкичи, Нёамбани хэмтудиэри халачихачи.
- ⁴¹ Гэ, эм най, Иаирди гэрбуку, дичини, нёани кэсивэ гэлэури дё даламдини бичин. Иисус бэгдичиэни турэ, Нёамбани дёкчии игуэни гэлэхэни.

Лука, 8

- ⁴² Нёани эм дёан дюэр сэ энусими элэ буди асия пиктэ-
ку бичини. Иисус-тэни энэйдуэни, эгди найсал Нёан-
чиани гэдэм энэхэчи.
- ⁴³ Эйду, сэксэди ниеуми, дёан дюэр айнанидо энуси эк-
тэ бичини. Нёани дякаи хэм окчичи найсалду манаха-
ни. Уй-дэ нёамбани окчими мутэчини.
- ⁴⁴ Иисус хамиалани дидэ, тэтүэни элэвэни тоңгалахани.
Чадо-баки сэксэ хэйни халкини.
- ⁴⁵ Иисус уңкини: «Уй Мимбивэ тоңгалахани?» Хэмту
най ачаканасидоани, Пётр, гучи Нёандиани гэсэ би гу-
рунсэл уңкичи: «Алосимди! Найсал Синчи гэдэм энэхэ-
ни. Си-тэни ундиси, уй Мимбивэ тоңгалаханиам».
- ⁴⁶ Иисус-тэни уңкини: «Уй-ну Мимбивэ тоңгалахани,
туй тами Ми Миндиэди ниэхэн кусумбэ сахамби».
- ⁴⁷ Тэй эктэ, дяями мутэчимби отолира, патарими Нё-
анчиани дичини, дюлиэлэни тухэни. Гэрэн гурун
долдидиачи саваңкини, хай тургундулэни Нёамбани
тоңгалахамби, хони чадо-баки аянагохамби.
- ⁴⁸ Иисус нёанчиани уңкини: «Хаха бису, асия пиктэ, си
агданси симбивэ хорихани, номохонди энуру».
- ⁴⁹ Нёани чава хисаңгойдоани, уй-ну кэсивэ гэлэури дё
даламдини дёгдиадиани дидэ, тэй даламдичи уңкини:
«Си асия пиктэси буйкини, Алосимдива ебэ анава эди
таванда!»
- ⁵⁰ Иисус-тэни, чава долдипи, нёанчиани уңкини: «Эди
њэлэрэ, тэм агдами бису, туй хорагодячи».
- ⁵¹ Дёкчи дидюпи-тэни, уйвэ-дэ эчиэ ивуэни, тэм Пётр,
Иоанн, Иаков, асия пиктэ амини, энини ихэчи.
- ⁵² Хэмту най маңга соңгоачи. Нёани-тани уңкини:
«Эди соңгоасу. Нёани эчиэ будэни, аорини».
- ⁵³ Асия пиктэ буйкимбэни самари, Нёандиани инэктэ-
хэчи.
- ⁵⁴ Нёани-тани хэмту найсалба ниэгувэյкини, асия пиктэ
џаладоани дяпара, морапсинжкини: «Паталан! Илигоро!»

Лука, 9

- ⁵⁵ Арчокан эргэни мочогохани, чадо-баки илигохани; нёандоани сиагоани Иисус бурусуэм ујкини.
- ⁵⁶ Амини, энини тэү миаңкичи. Иисус туй осихан дяка-ва уйчи-дэ эди гисурэсүэм, нёанчиачи ујкини.

9 паси

- 1 Дёан дюэр дахамдисалби хэрсигурэ, нёандоачи буси-эсэлбэ оялани гиамба, энусэлбэ окчичиори кусумбэ бухэни.
- 2 Тотара Эндор далачини эримбэ аlosиктагоачи, энуси найва окчичигоачи энувэյкини.
- 3 Нёанчиачи ујкини: «Хайва-да поктодои эди дяпасу: тунепумбэ-дэ, сомаламба-да, эпэмбэ-дэ, мэнгумбэ-дэ, калаори тэтүэвэ-дэ эди дяпасу.
- 4 Хавой дёкчи ипэри, чадо биусу, таядиади поктолари энусу.
- 5 Сумбивэ ивэндэси дёгба исипари, хотондиади ниэгүй-дуэри, чадо бэгдидиэдиэри гумухимбэ гуюсу, тэй дёнж-камба кэкчэмэри агдолагоари».
- 6 Гэ, исивари боа таондоани улэн мэдэвэ савамари, найва окчичими, дахамдисал энэмэри гой-гой ихон-салба пулсихэчи.
- 7 Ирод Галилея боани даламдини, Иисус хайва-да хэм туй тахамбани долдипи, асо улэн эчиэ отолиани; чали-киала эмун гурун, Иоанн буйкинди хорагоханиам, мэдэрихэчи,
- 8 Гой гурун – Илия агбингоханиам, ујкичи. Поактани-тани Эндордиэ ундэй гурундулэ эм най буйкинди хорагоханиам, пэргэчихэчи.
- 9 Ирод-тани ујкини: «Ми Иоанн диливани чалихамби. Нёани удэвэни досодяи, тэй уй дяка?» Нёамбани ичэйчэхэни.
- 10 Апостолсал дидюпэри, Иисусэчи хайва-да тахам-бари гисурэгухэчи; туй тара Нёани, апостолсалби

- олбими, Вифсаида хотончиани лаң би, най ана боачи энэхэн.
- ¹¹ Тотам-да найсал, сара, Нёани хамиалани энэхэчи, Иисус, найсалди хопалапи, нёанчиачи Эндор далачини эримбэни гисурэй, окчиорива гэлэй гурумбэ окчичай тахани.
- ¹² Ини сиксэгупсијкини. Дёан дюэр апостолсал, Нёанчиани дидэ, уүкичи: «Найсалба чиндагоро, нёанчи дидяла би ихонсалчи, иргэнсэлчи авандагоачи, гучи сиаорива гэлэндэгүэчи; бүэ эйду най ана боаду билү».
- ¹³ Иисус-тэни нёанчиачи уүкини: «Сүэ найсалду сиаорива бурусу». Нёанчи уүкичи: «Бунду тойңга эпэн, дюэр согдата-рагда би; бүэ эй хэмту найсалду сиаорива гандамари энэурини-ну?»
- ¹⁴ Чаду тойңга миңгандоа найсал бичичи. Нёани-тани дахамдисалчии уүкини: «Нёамбачи эм дергиду соци-соси тэвэндусу».
- ¹⁵ Туй тахачи, хэм тэвэңкичи.
- ¹⁶ Иисус-тэни тойңга эпэмбэ, дюэр согдатава дяпара, боава уйси ичэрэ, кэсигуэчи гэлэхэн, сиаптаңгива оболахани, гэрэн гурунду дахамдисалби бүктэгүэчи.
- ¹⁷ Туй тара сиамари-да хэм элэхэчи; пулэвэни-тэни дёан дюэр сиаңсачи тэучигухэчи.
- ¹⁸ Эм эринду Нёани най ичэсини боаду кэсивэ гэлэйдүэни, дахамдисални Нёандиани гэсэ бидуэчи, нёанчиачи мэдэсихэн: «Мимбивэ уем найсал мурчи?»
- ¹⁹ Нёанчи таодагомари уүкичи: «Бонгони Иоанн Сэвэ-килэмдийн, гойдимани Илиям, поани эм балана Эндордиэ ундэй най буйкиндий хорагоханиам».
- ²⁰ Иисус-тэни нёанчиачи мэдэсихэн: «Сүэ Мимбивэ уем мурчису?» Пётр таодагохани: «Эндор Христосаниам».
- ²¹ Нёани-тани нёамбачи масиди паполахани уйчи-дэ чава гисурэсидечи.

Лука, 9

- ²² Нёани ујкини: «Най Хусэ Пиктэни маңга бадяра, сагди гурунсэл, Бонго Энdur дёјни дянгиансални, данјасва сари найсал Нёамбани дёдядярал, вадярал, илиачиа иниду Нёани хорагодяра».
- ²³ Хэмтуничи-тэни ујкини: «Үй Ми хамиалаива энэйчэй осини, мэпэри оңбосу, крестаи дяпаосу, Ми хамиалаива энусу.
- ²⁴ Эргэмби этэхичэй гурун, чава хуэдэй; эргэмби Ми тургундулэивэ хуэдэйни, чава этэхи.
- ²⁵ Боа яловани мэнги осивампи, мэпи-тэни ваори, мэпи оркилаори найду хай ебэ?
- ²⁶ Үй-дэ Минди, Ми хэсэдийвэ иламосилой осини, Най Хусэ Пиктэни, мэнэ гэбудии, Амимби, Энdur Мэдуң-кусэлчи гэбудиэчи дидюпи, иламосилой.
- ²⁷ Ми сунчи тэрэк ундии: Эйду илисини долани поани би, бурбуривэ сарами-баки, Энdur далачини эримбэ ичэдерэл».
- ²⁸ Тэй хэсэсэл хамиалани дякпун иниэ бипиэ, Пётрава, Иоамба, Иаковба гадёми, кэсивэ гэлэгүй хурэнчи тохани.
- ²⁹ Кэсивэ гэлэйдуэни, дэрэлни бойкои калахани, тэтүэни чагдян, килтолиан очини.
- ³⁰ Гэ, дюэр хусэ най Моисей гучи Илия Нёандиани ги-сурэндүхэчи.
- ³¹ Энdur гэбукуни дипэри, нёанчи Иисус Иерусалимчи энэйгилэйвэни хисанѓохачи.
- ³² Пётр-тани гучи нёандиани гэсэ би найсал аохачи; сэнэгупэри Иисус Энdur гэбукувэ, Нёандиани гэсэ илиси дюэр хусэ найва ичэхэчи.
- ³³ Тэй гурун Нёандиадиани энэйдуэчи, Пётр Иисусэчи ујкини: «Алосимди! Эйду бунду улэн; илан дёкамба аңгойпу: эмун – Синду, эмун – Моисейду, эмун – Илияду», – хайва-да сарами хисанѓохани.

Лука, 9

- ³⁴ Чава ундицуэни, чагдян тэвэксэ агбиүкини, нёамбачи паняндий дасихани; тэвэксэчи ипэри, ёэлэхэчи.
- ³⁵ Тэвэксэдиэди дилган бичини: «Тэй Ми Улэсии Хусэ Пиктэи; Нёамбани досодяосу!»
- ³⁶ Тэй дилган биучиэни, Иисус эмучэн дэрэдигухэни. Нёанчи-да хэмэ бичичи, хайва-да ичэхэмбэри тэй инисэлду уйчи-дэ гисурэхичи.
- ³⁷ Диая иниду нёанчи хурэндиэди эуридуэчи, эгди найсал Нёамбани бачиалихачи.
- ³⁸ Олокиана уй-ну найсалдола морапсиңкини: «Алосими! Симбивэ намбочамби: ми эмукэн хусэ пиктэчиивэ ичэрү.
- ³⁹ Нёамбани бусиэ дяпакачини, пиктэ-тэни олокиана морапсиңкини. Бусиэ нёамбани эрулэйдуэни, пиктэ аյналани хоикса агбилойни. Тотапи-мат бусиэ нёамбани силан чиндагойни.
- ⁴⁰ Ми нёамбани пуүнэчигуэчи дахамдисалбаси гэлэхэмби, нёанчи-тани мутэхичи».
- ⁴¹ Иисус-тэни, таодагоми, ујкини: «Тэде ана, оркиүку хала! Хай эринчиэни сунди, сумбивэ аличами, бидемби? Хусэ пиктэи эуси олбиндо!»
- ⁴² Наондёкан дидидуэни-тани, бусиэ нёамбани начи наңгалара, татоами дэрувэңкини; Иисус-тэни бусиэвэ паполахани, наондёкамба хорира, аминдоани бугухэни.
- ⁴³ Хэмту найсал Эндор даидиани миаңкичи. Иисус хайва-да хэм тайдиани хэмту найсал миандидоачи, Нёани дахамдисалчии ујкини:
- ⁴⁴ «Эй хэсэсэлбэ сиамбари долани нэрүүсү: Най Хусэ Пиктэвэни най јалачиани бугудерэл».
- ⁴⁵ Нёанчи эй хэсэвэ эчиэ отолиачи, тэй хэсэ нёандидиачи дасикто бичин, туй тамари нёанчи чава сарачичи; Нёанчиачи тэй хэсэвэ мэдэссиутивэ ёэлэхихэчи.
- ⁴⁶ Нёанчиачи-тани мурун дичини: «Уй нёандолачи дай?»

Лука, 9

- ⁴⁷ Иисус-тэни, миаванчи мурумбэни сами, пиктэвэ дя-пара, мэнэ дюлиэлэй иливаңкини.
- ⁴⁸ Нёанчиачи уңкини: «Ми гэрбугуивэ эй пиктэвэ уй гудиэси осини, Мимбивэ-дэ гудиэси. Уй Мимбивэ гудиэси осини, тэй Мимбивэ Гиактадиханива гуди-эси; туй тами уй сундулэ чу нучи, тэй чу даи оси-дяра».
- ⁴⁹ Чаду Иоанн уңкини: «Алосимди! Гэрбуудиэси бусиэ-сэлбэ пуunjэчи найва буэ ичэхэпу, бунди пулсиэсими тургундулэни нёани туй тайвани камалихапу».
- ⁵⁰ Иисус нёанчиани уңкини: «Эди камалиасу; уй сумби-вэ оркиласи осини, тэй сунди гэсэ би».
- ⁵¹ Иисусэвэ Боачи дяпаори инисэлни исидоачи, Нёани Иерусалимчи энэйчэлухэни.
- ⁵² Мэдэвэ гисурэй найсалба дюлиэлэй гиактадихани; нё-анчи энэхэчи, Самария ихончиани ихэчи, Нёани дю-лиэлэни хэм баргигой.
- ⁵³ Иисус Иерусалимчи хэрэлини-мэт бичини тургунду-лэни, чаду Нёамбани бачиалиорива чихалачичи.
- ⁵⁴ Чава ичэпэри, дахамдисални Иаков гучи Иоанн уңки-чи: «Эден! Тава боа уедиэдиэни эугуэни, нёамбачи ва-гоани, Илия тахани-мат, буэ ундипувэ чихалайси?»
- ⁵⁵ Нёани-тани, нёанчиачи кэчэригурэ, камалими уңкини: «Сүэ хайди-да эрикувэри сарасису».
- ⁵⁶ Най Хусэ Пиктэни най эргэмбэни эм варами тагои, хоригои дичини». Нёанчи гой ихончи энэхэчи.
- ⁵⁷ Нёанчи поктоду бидуэни, уй-ну Нёанчиани уңкини: «Эден! Ми хамиаласи энэдемби хаоси Си энэй-си-дэ».
- ⁵⁸ Иисус нёанчиани уңкини: «Соли еруку, боа ниэчэн-сэлни омоку, Най Хусэ Пиктэни-рэгдэ дилии хайду-да нэгүи бараси, хай-да ана».
- ⁵⁹ Гойдиманичи уңкини: «Ми хамиалаива эну». Тавойни уңгухэни: «Эден! Дюолилэ амимби хумугуивэ энуэнду».

- 60 Иисус-тэни нёанчиани ујкини: «Буйкин гурунсэл бүйкинсэлнүгуэри хумугичи. Си-тэни эну, Энdur далачини эримбэни улэн мэдэвэ савандо».
- 61 Гойни-тани ујкини: «Ми, Эден, Си хамиаласи энэдемби. Дюлилэ мимбивэ дёңканчий пэдэм дэрэдигусуэм умбуувэндэгүэнду».
- 62 Иисус-тэни нёанчиани ујкини: «Уй-дэ, андяду җалаи нэрэ, хамаси ичэктуси, Энdur далачини эрингудуэни тэдеку биэси».

10 паси

- 1 Тэй хамиалани Эден гучи надайнго гой дахамдисалба сондёра, нёамбачи Мэнэ дюлиэлэй дюэр-дюэр Мэнэ энэйчэхэмби хотон, бэун таончиани гиактадихани.
- 2 Нёанчиачи ујкини: «Усинду посигори найсал эгди, тай найсал ои; усимбэ посиорива далай Эдембэ намичиосу, тай найсалба усимби осигоачи дивэнгүэни.
- 3 Энусу! Ми сумбивэ енгурсэл алдандоачи би хоникансалба-мат гиактадиамби.
- 4 Суэ далиамба-да, сомаламба-да, отава-да эди дяпасу, уйди-дэ поктоду эди бачигоасо.
- 5 Хавой дёкчи ири осини, боңгоду ундусу: „Эй дёгду улэнди, эм сориамари бигичи!“
- 6 Чаду нэнди балдиори дяка пиктэни би осини, суэ номохонсу бэуңгүи бадяра, абани осини, сунчи мочогодяра.
- 7 Тэй дёгду дэрэдигусу, чаду би дякасалба сиаросу, омису; дёбийнива дёбохандолани айсилагорива гэлэй. Дёгдиади дёкчи эди пулсиэсу.
- 8 Суэ хавой-да хотончи диучиэсу, сумбивэ улэн бачичи осини, сунду буричи сиаорива сиаросу.
- 9 Чаду энуси гурумбэ окчишиосу, гучи нёанчиачи ундусу: „Энdur далачини эрин сунчи лаң осихани“.

- ¹⁰ Сүэ хавой-да хотончи диучиэсу, сумбивэ бачиасичи осини, боачи ниэрэ, ундусу:
- ¹¹ „Сүэ хотондоасу бунчи лактохан гумухимбэ сунчи хамаси гуигуйпу, туй тами-да саросу: Энdur далачини эрин сунчи лај осихан, саросу“.
- ¹² Сунчи ундэмби: „Тэй осигилай иниду Содом тэй хотондой улэнлэ оси“.
- ¹³ Си-дэ кисиакоси, Хоразин! Си-дэ кисиакоси, Вифсаид! Тирауду, Сидонду, сунду би-мэт би, кусун агбинжини осини, нёанчи балана лобакама тэтүэку, пуниктэнду тэсимэри, соромбори дякава вадёчихамбари отолигомчал, гучи туй эм та тагоари.
- ¹⁴ Дёдянду Тир-дэ гучи Сидон-да сундуй улэн осидяра.
- ¹⁵ Си, Копернаум,boa уччиэни тохан, амбан боачиани лукту тудечи.
- ¹⁶ Сумбивэ досодяй най Мимбивэ досодяй, сумбивэ ачаканаси най Мимбивэ ачаканаси, Мимбивэ ачаканаси най-тани Мимбивэ Гиактамдиханива ачаканаси».
- ¹⁷ Надайнго дахамдисал, агданасими мочогора, ујкичи: «Эден! Бусиэсэл-тэни, гэрбувэси ундидуэпувэ, бүмбивэ долдихачи».
- ¹⁸ Иисус-тэни нёанчиачи ујкини: «Ми боадиади пэйси агди талини-мат тухэн амбамба ичхэмби.
- ¹⁹ Гэ, Ми сунду туй таори гиамба бурэмби: такточису муйкисэлбэ, гуку колансалба, байгоансал хэмту кусумбэчи. Сумбивэ хай-да оркинди таси.
- ²⁰ Бусиэсэл сумбивэ долдивачи эди агданасиасу,boa уелэни суэ гэрбувэсу нирувухэмбэ агданасиосу».
- ²¹ Тэй эринду Иисус, эриди агданасира, ујкини: «Боа, на Эдембэни, Симбивэ, Амимби, мактамби. Си чава мурунжу найсалдиади дяяхаси, ојакасалчи-тани нихэлихэси. Туй тами, Амимби, Си улэн мурунси туй бичин».

Лука, 10

- ²² Дахамдисалчи кэчэригурэ, ујкини: «Ми Амимби Минду хэм дякава бугухэни. Уй Хусэ Пиктэни, уй-дэ сараси, тэм Амини-рагда; уй Амини, уй-дэ сараси, тэм Хусэ Пиктэни-рэгдэ; уичи Хусэ Пиктэни нихэли-чэйвэни-дэ, уй-дэ сараси».
- ²³ Дахамдисалчи кэчэригурэ, нёанчиачи-рагда ујкини: «Хайва суэ ичэйсу ичэй насал кэсику.
- ²⁴ Сунчи ундэмби: Эгди Эндордиз ундэй найсал, гучи эденсэл, суэ ичэйвэсу ичэйчэмэри, ичэсичи, суэ долдивасу долдичамари, долдиасичи».
- ²⁵ Гэ, гиамба сари эм най илихани, туй тара Иисусэвэ саичами ујкини: «Алосимди! Эм будэми балдигой, ми хайва таори?»
- ²⁶ Иисус-тэни нёанчиани ујкини: «Моисей гиандоани хони нируувухэн? Хаям холайси?»
- ²⁷ Нёани таодагоми ујкини: «Мэнэ Эден Эндорби миавандии, додии, кусундии, мурундии улэсирүү, гучи лаң би найва-да мэпи-мэт улэсирүү».
- ²⁸ Иисус нёанчиани ујкини: «Си тэрэк таодагохаси; туй таро, эм будэми балдидячи».
- ²⁹ Гиамба сари най-тани, мэпи байта анам бодойчами, Иисусэчи ујкини: «Уй минчи лаң би?»
- ³⁰ Таодагоми, Иисус гисурэхэни: «Эм най Иерусалимдиади Иерихончи энэйдуэни, нёанчиани човосал хукчу-хэчи. Нёанчи, тэй най тэтуэвэни ачора, нёамбани пуелбичирэ, дюкэн юмбэни наңгалагора, энухэчи.
- ³¹ Чаду кэсивэ гэлэури дё эм дяңгиани тэй поктола энэхэни, тэй най, ичэрэ, сиур энэхэни.
- ³² Левий халадиадиани эм най-да тэй боаду бими, лаң дидэ, ичэрэ, сиур энэхэни.
- ³³ Эм Самарияңкан-да, нямнями энэми, нёамбани бахани, тотара, ичэпи, гудиэсихэни.
- ³⁴ Лаң дидэ, пуесэлбэни аракиди силкочими, симуксэди модоричими капсачихани. Нёамбани-да мэнэ эйхэдуи

тэвэнкини, исиачиори дёкчи гадёхани, нёамбани дэңсихэни.

- 35 Диая инивэ сусугуйдуи, дюэр мэнгумэ дихава агбимбора, исиачиори дё эдендуэни бухэни, туй тара ујкини: „Нёамбани дэңсирүү; эй диха исиасини осини, ми, мочогопи, синду бугудемби“.
- 36 Си хони мурчиси: „Човосал хукчухэни найчи тэй илан гурундулэ уй лан би?“»
- 37 Нёани ујкини: «Нёамбани бэлэчихэн най». Чаду Иисус нёанчиани ујкини: «Гэ, эну, си-дэ эй-мэт тахари».
- 38 Дюлэси энэми, Иисус эм ихончи дичини; эйду эм эктэ, Марфади гэрбуку, Нёамбани дёкчии ивухэни.
- 39 Марфа асия нэуни, Марияди гэрбуку, Иисус бэгдини дякпадоани тэрэ, Нёани хэсэвэни досодяхани.
- 40 Марфа-тани даи саолимба баргихани, тотами дидэ, ујкини: «Эден! Ми нэуи мимбивэ эмучэн дэңсигуивэ дэрэдивэнкини. Синду далди ана-ну? Нёани мимбивэ бэлэчигуэни унду».
- 41 Иисус-тэни нёанчиани таодагоми ујкини: «Марфа, Марфа! Си кэту-дэ дэңсиси, го анади эксэчиси.
- 42 Эмумбэ-рэгдэ гэлэй. Мария-тани улэн пасива сондёхани, тэй пасивани нёандиадиани эм чими тадярал».

11 паси

- 1 Гэ, эм модан, эм боаду Иисус кэсивэ гэлэхэни. Ходиочиани, эм дахамдини Нёанчиани ујкини: «Эден! Бумбивэ-дэ эмуту Иоанн дахамдисалби алосихани-мат, кэсивэ гэлэуривэ алосири».
- 2 Нёани дахамдичийн ујкини: «Кэсивэ гэлэйдуэри туй ундусу: „Боаду, уйлэ би, Эндор Ама! Гэбукуди гэрбуси бигини. Си боа яловани далачайси эрин исигини! Наду-да, боаду-да Си чихалайси бигини!
- 3 Ини таондоани сиагопова эпэмбэ бунду буру.

- 4 Бүэ оркимпова гудиэсигуру, бүэ-дэ оркиңку, наңдаку гурумбэ гудиэсиэпу, бүэ мурумпувэ-дэ эди памаванда, хай-да дялимбани, оркимбани эди дяпаванда“».
- 5 Нёанчиачи уүкини: «Үй-дэ диачии, долбо долиндоани дидэ, ундэй осини: „Анда! Илан эпэмбэ наңдади буру.
- 6 Ми диаи горо поктодиади исихани, ми нёандоани хайва-да туигуи барасимби“.
- 7 Тэй най-тани дёгби докиадиани нёанчиани ундерэ: „Мимбивэ эди кочонгира, уйкэ-дэ якчикто, ми пурилби аори; илими, синду хайва-да буми ми мутэсимви“.
- 8 Ми сунчи ундэй: нёани, тэрэ, мэнэ бурэсини осини, гэлэми хойлиндайдоани, нёани тэпи, хониа-да гэлэйвэни будерэ.
- 9 Ми-дэ сунчи ундэй: гэлэусу – сунду будерэл, гэлэмэчиусу – баогодясу, дуктэусу – сунду нихэлидерэл.
- 10 Гэ, туй тами гэлэй най таони бари, гэлэмэчи най – баогой, дуктэй найду нихэли.
- 11 Аминдоласу хавойни хүсэ пиктэй эпэмбэ гэлэйдуэни, нёандоани дёлова бури? Согдатаа гэлэйдуэни, согдата орондолани муйкивэ бури?
- 12 Омоктава гэлэйни осини, гуку коламба бурини-ну?
- 13 Суэ аяктачиоари суглэмбэ пурилдуи бүмэри мутэйсу осини, Боа Аминсо-тани гэлэй найсалду Эндор Эри-вэни бури».
- 14 Эм модан Иисус эбэ бусиэвэ пуunjэгүхэн; бусиэ ниэгучиэни, эбэ най хисаңголохани, найсал-тани миаңкичи.
- 15 Нёандолачи поани ундичи: «Нёани Вельзевулди гэрбуку, бусиэсэл эдени кусундиэни бусиэсэлбэ пуunjэгүйни».
- 16 Гой найсал-тани, пэргэмэри, боа уедиэдиэни галоан дякава Нёани ичуэндивэни гэлэхэчи.

Лука, 11

- ¹⁷ Иисус-тэни, мурумбэчи сами, нёанчиачи ујкини: «Мэнэ дола оболактагохан, соригохан эден хани таони гэун оси, мэнэ дола оболактагохан, соригохан дё тури.
- ¹⁸ Амбан мэнэ долаи оболактагохани, соригохани осини, нёани эден хани илиси, хай? Сүэ-тэни, Ми Вельзевул кусундиэни бусиесэлбэ пуunjэхэмбиэм, ундису.
- ¹⁹ Ми Вельзевул кусундиэни бусиесэлбэ пуunjэхэмби осини, хусэ пиктэсэлсу хамача кусундиэни нёамбачи пуunjэччи? Туй тами нёанчи сунду дёдямдисал оси.
- ²⁰ Ми Эндор чумчуэндиэни бусиесэлбэ пуunjэи осини, чаду тэде Эндор далачини эрин сунчи исихани.
- ²¹ Маси лохонку най дёгби этуридуэни, чаду дякасалдоани дэյсипси ана.
- ²² Чадой маси най, лохонку найчи хукчурэ, нёамбани дабди осини, чадо-тол, эдени агдаахани вайчаори хадёмба хэм дяпара, оболадяра.
- ²³ Минди биэсини Мимбивэ ачапчи би, Минди тамасини, тэй паичи.
- ²⁴ Бусиэ, найдиади ниэгупи, чаду муэ ана боава пулсими, няр бичэми, эм барами, ундини: „Ниэхэмби дёкчии мочогодямы“.
- ²⁵ Дидюрэ, чава хаполиохамба, осигохамба баогой.
- ²⁶ Тотапи энэрэ, мэндүи маңгади аяктаку надан бусиесэлбэ дяпайни. Хэмтудиэри, найчи ирэ, балдичи; тэй найду хаморой ихэни боңгодой оркин».
- ²⁷ Иисус чава хисаңгойдоани, эм эктэ найсалдиади даиди дилгактоми ујкини: «Симбивэ балдиваңкин хэмдэ кэсику, Симбивэ сиаваңкин кун диликансални кэсику!»
- ²⁸ Нёани-тани ујкини: «Эндор хэсэвэни досодяй, хэсэлэни би найсал кэсику».
- ²⁹ Эгди найсал поагойдоачи, Нёани уми дэрухэни: «Эй хала дялиңку, нёани галоамба гэлэйни, нёани-тани

- тэй галоамба бараси, тэм Эндордий ундэй най Ионади гэрбуку галоамбани-рагда.
- ³⁰ Хони Иона Ниневиянкансалду галоамба бичини, туй-мэт Най Хусэ Пиктэни эй халаду оси.
- ³¹ Дади калтадиа далачи эден эктэ тэй хала найсалдиа-ни, дёдямба дэруми, нёамбачи оркиладяра; туй тами нёани, Соломон соңта мурумбэни досидягой, на ки-радиадиани пулсихэни. Гэ, эйду Соломондуй даини бини.
- ³² Ниневиянкансал, эй халади дёдямба дэрумэри нёам-бани оркиладярал; нёанчи Иона алосихандиани со-ромбори дякасалба вадёчихамбари отолигохачи. Гэ, эйду Ионадуй даини бини.
- ³³ Уй-дэ, лава таопи, дяяори боаду-да, алио пэгиэлэни нэрэси. Ири найсал үэгдембэ ичэгуэчи, туй нэри.
- ³⁴ Бэе ихэрэни насал; насалси гандян осини, бэеси-дэ хэм үэгден; насалси чукин осини, бэеси-дэ пакчи.
- ³⁵ Туй тами ичэү: синду би үэгден пакчи биэси-ну?
- ³⁶ Бэеси хэм үэгден, эмун-дэ пакчи паси ана осини, хэмту туй үэгден оси, ихэрэ симбивэ килтолианди та-вади үэрэкпэндини-мэт».
- ³⁷ Иисус чава ундицуэни, эм фарисей мэнчии сиагоани Нёамбани хэрсхэни, Нёани дидэ, акпанжини.
- ³⁸ Нёани сиари дюлиэлэни үалай эчиэ силкоавани ичэ-пи, фарисей эрдэнгэсилухэни.
- ³⁹ Эден-тэни нёанчиани унжини: «Эси суэ, фарисейсал, котан, алио боакиа калтавани гандян осивандису, суэ досу арганди, дялинди дялоптахани.
- ⁴⁰ Суэ мурун ана! Тэйни биэси-ну, боакиа калтава анго-хани, хавой довани-да ангохани.
- ⁴¹ Тэй орондолани дякасалдиадиари гиохатонсалду бу-тэусу, чаду сунду хэм гандян оси.
- ⁴² Суэ кисиако, фарисейсал, туй тамари, нядяхала, солгила дёаячина пасивани бумэри, Эден дёдямбани,

- улэсивэни-дэ мурчиэчисү; эйвэ тагилаори, чава эм наңгалами.
- ⁴³ Сүэ кисиако, фарисейсал, туй тамари кэсивэ гэлэури дёсалду тэсиутивэ, гэрэн гурун поансалдоани улэн хэсэвэ досодяорива улэсисү.
- ⁴⁴ Сүэ кисиако, даңсава сари найсал, фарисейсал, дялиŋку гурун, туй тамари суэ дялохан хэурсэл-мэт бисү, тэй уелэни-тэни най сарами пулсини-мэт».
- ⁴⁵ Чаду гиамба сари найсалдола уй-ну Нёанчиани уңкини: «Алосимди! Чава хисаңгоми, Си бүмбивэ-дэ аксавандиси».
- ⁴⁶ Нёани-тани уңкини: «Сүэ-дэ кисиакосү, гиамба сари найсал, суэ найсалба дяпактайсу, уичэйсу, чирэчэйсу, мэнэ-тэни эмун чумчуэндиэри-дэ нёамбачи тоңгалаасисү.
- ⁴⁷ Сүэ кисиако, туй тамари аминадиасу тойңкамба ба-хан Эндордиэ ундэй найсалду дай хумунсэлбэ аңгомари.
- ⁴⁸ Чади суэ аминавари тахани дякасалба агдолайсу, нёандиачи чихалайсу, Аминасу-тани Эндордиэ ундэй найсалба тойңкамба баваңкичи, суэ-тэни нёандоачи дай хумунсэлбэ аңгойисү.
- ⁴⁹ Туй тами Эндор сојта муруни туй би: „Нёанчиачи Эндордиэ ундэй найсалба, Апостолсалба гиактадидямби, нёандолачи поавани вадярал, поавани пуңнэгудерэл.
- ⁵⁰ Боа ялони аңгоптахандиания хэехэн хэмту Эндордиэ ундэй найсал сэксэнти эй халадиади гэлэптэгудерэ.
- ⁵¹ Авель сэксэдиэзиэни Эндор дёүни, сугдимбэ нэури бэун алдандоани ваохан Захария сэксэчиэниэ, тэде сунчи ундэмби, эй халадиади гэлэгумбэ бадяра.
- ⁵² Сүэ кисиако, гиамба сари найсал, мурунди саори, отолиори анакова дяпахасу: мэнэ эчиэ ирэсү, ири гурумбэ-тэни кочалихасу.

- ⁵³ Иисус чава хисаңгойдоани, даңсава сари найсал, фарисейсал Нёанчиани масиди хукчумэри, эгди мэдэсингчиэри таодаваңкичи“.
- ⁵⁴ Нёамбани оркилтогоари, гой-гой хачинди мэдэсимэри, аյмадиадиани ниэри хэсэвэни досодяхачи».

12 паси

- ¹ Тэй эринду хадова миңган найсал, диа диачиари гэдэм илисимари, поагойдоачи, Иисус боңгоду дахамдисалчии хисаңголохани: «Фарисейсал няикодиачи дэңсиэ биусу, тэй дялиңку дяка.
- ² Хай-да дяячаори дяка, нихэллиптэми, биэси, гой най сарасини дяка-да аба, бипиэ саори.
- ³ Туй тами суэ пакчиду уңкису үэгденду долдиптай, суэ дёгби долани сианчи уңкису, гуичэсэлдиэди морапсиндил.
- ⁴ Сунчи ундэмби, Ми диасилчии: „Бэевэ вари, туй тара хайва-да тамари мутэси найсалди эди үэлэсу“.
- ⁵ Туй тами-да, уйди-дэ үэлэзутивэ, сунчи ундэмби: „Вами бахамби хамиалани сумбивэ амбан боачиани најгалами мутэй найди үэлэчиусу“.
- ⁶ Тойңга нучи ниэчэкэн дюэр гиома дихади ходасимба бари, хай? Эмун-дэ Эндорди оңбоптаси.
- ⁷ Сунду-тэни дилидоасу-да нүктэсү хэм таоңко. Туй тами эди үэлэчиэсу: суэ эгди нучи ниэчэкэнсэлдуи маңгади ходакосу.
- ⁸ Ми сунчи ундэмби: „Най таомбани Мимбивэ найсалдола кандёми ундэйвэ, Най Хусэ Пиктэни тэй найва Эндор Мэдуңкусэлдулэни кандёми ундэй.
- ⁹ Уй найсалдола Миндиэди ачаканаси, нёамбани Эндор Мэдуңкусэлдулэни ачаканасидяра.
- ¹⁰ Най Хусэ Пиктэвэни кандёми уңкин най таондоани оркин дякасал ачоптай. Эндор Эрини удэвэни оркинди хисаңгой найду сорон ачоптаси“.

Лука, 12

- 11 Сумбивэ кэсивэ гэлэури дёсалчи дяңгиансалчи, гиансалчи олбимбочиачи; хайва-да хони-да таодагорива, хайва-да уңгуривэ эди мурчиесу.
- 12 Энdur Эрини хайва-да умбуривэ тэй эринду сумбивэ тачиочидяра».
- 13 Найсалдола уй-ну Иисусэхи уңкини: «Алосимди! Ми акчива унду, амана эниэнэ дякасалбачи минди оболароам-да».
- 14 Иисус-тэни тэй найчи уңкини: «Уй Мимбивэ дёдягива, сүэ доласу оболагоива носохани?»
- 15 Чаду нёанчиачи уңкини: «Ичэусу, эгдивэ гэлэуривэ дэңсисиусу: балдиори го эгдиди дякако биурилэ осиаси».
- 16 Тотара Иисус нёанчиачи мода хэсэвэ гисурэхэни: «Эм баян най усиндуэни эгди хай-да хэм тариохан дяка урэхэни.
- 17 Нёани-тани мэнэ долай мурчихэни: „Хайва ми таори? Хаоси-да ми балдихан дякава тамагои, бэунгуги баваси“.
- 18 Уңкини: „Гэ, туй тадямби: тактосалби боячира, даи тактосалба аңгора, хэмту усинду балдихан дякасалба гучи хэм гой дякай таоси тамагодямби.
- 19 Ми-тэни эргэнчий ундемби: ‘Эргэмби! Эгди дяка эгди айнанидоа синду би, эм эксэчиэми сиаро, омиро, енуэ бису’“.
- 20 Энdur-тэни нёанчиани уңкини: „Мурун анаси! Эй долбо си эргэмбэси дяпадярал; си бэлихэси уйду оси?“
- 21 Бэлиэриниди туй оси, Энdurду баяндасинидо».
- 22 Дахамдисалчии уңкини: «Туй тами сунчи ундэмби, – хайва сиаори эргэндуй, хайва тэтури бэедуй – эди дэңсисиесу.
- 23 Эргэн сиаоридой даи, бээ тэтуэдуй даи.
- 24 Холисалчи ичэусу: хайва-да тариасил, посиасил, такто-да анал, Энdur-тэни сиаванди; сүэ-тэни ниэчэнсэлдуй маңга улэнсу.

Лука, 12

- ²⁵ Уй сундулэ мучхулэми мэпи хониа-да гогдарими мутэй?
- ²⁶ Туй тами чу нучи дякава-хали тами мутэсивэри осини, хайгой гой дякава мучхулэйсу?
- ²⁷ Ичэусу хони балдичи чачакасал: дёбоадасиал, хочиадасиал; сунчи-тэни ундэмби: Соломон-да, гэбуку гучи гучкулику бидуй, туй эчиэ тэчичэрэ, тэй-мэт гучкулиди.
- ²⁸ Эйниэ аодандо би, чимана голдёнчи наңгалаори нядяхава Эндор туй тэтуэндини осини, хайгой суэ мучхулэйсу, оиди агдай гурун! Туй тами суэ эйдуй чу улэн.
- ²⁹ Туй тамари хайва-да сиагой, омигой эди гэлэсу, эди дэңсисиэсу!
- ³⁰ Эй боа ялони Эндорбэ сараси найсални чава хэм гэлэктэй; Суэ Аминсо-тани хайва-да суэ гэлэйвэсу сари.
- ³¹ Бонгоду Эндор далачини эримбэни гэлэмэчиусу, тэй хэм сунду ноңгиптадяра.
- ³² Нучи ёна, эди юэлэчи! Аминсу сунду Эден далайни эримбэни чихалами бухэн.
- ³³ Дякасалбари ходасиосу, гиохатонсалду бурусу. Лэптэрэси хукуэнгуэри, боа уелэни оинаси бобой дякагоари баргиосу, таоси чо-да кириаси, пиро-да хайва-да сиараси.
- ³⁴ Туй тами хайду си бобой дякаси, чаду си миаванси оси.
- ³⁵ Суэ омолгичасу омолаорива багини, суэ ихэрэсэлсу дегдэгичи.
- ³⁶ Суэ эдемби гиаматадиади мочогойвани халачи найсал-мат биусу, нёани дидюрэ, дуктэйдуэни, чадо-баки нёандоани нихэлигүй.
- ³⁷ Эденчи, дидюрэ, акпангоачимбачи баогойни лаодиансал кэсику. Тэде сунчи ундэмби: нёани, омолагора, лаодиансалби тэвэндэ, нёанчиачи дидями дэңсилудерэ.

Лука, 12

- ³⁸ Нёани дюэе этури эринду дидэ, гучи илиа этури эринду дидэ, хайс аорасивачи баогой осини, тэй лаодиансал кэсику.
- ³⁹ Сүэ сарису: хай эринду чово дидивэни дё эдени сари осини, аорамча, дёгби пэгиэдиэзи эм хулэ тавамча.
- ⁴⁰ Сүэ-дэ чæk-чæk биусу: мурчиэчису эринду Най Хусэ Пиктэнди дидерэ».
- ⁴¹ Чаду Пётр Иисусэхи ујкини: «Эден! Бунчи-ну тэй мота хэсэвэ ундиси, хэмтүничи-ну?»
- ⁴² Эден-тэни ујкини: «Уй тэдеку, муруңку дё даламдини? Нёамбани оси эринду эпэн пасивани кэкэсэлду бүктэгуэни эдени носохани.
- ⁴³ Эден, дидэ, тэй носовохан найва тэрэк тайвани бари осини, тэй лаодиан кэсику.
- ⁴⁴ Тэде сунчи ундэмби: хэмту дякаи даламдигоани нёамбани носодяра.
- ⁴⁵ Тэй лаодиан-тани миавандои ујкини осини: „Ми эдемби тургэн дидюэси“, тотара хусэ, эктэ кэкэсэлбэ тойкамы дэрури, сиари, оми, соктой осини,
- ⁴⁶ Нёани халачиасини иниду, мурчиэсини эринду эдени, дидюрэ, нёамбани тойкамы дэрудерэ, эмууту агдан ана найсалди тай-мат, тадяра.
- ⁴⁷ Эдемби нёандолачи таорива гэлэйвэни сами, эчиэ чава тагий баргигоа, хайва-да эден хэсэлэни эчиэ та лаодиан эгди модан тойкамба бари.
- ⁴⁸ Эдемби гэлэйвэни сарами, кэсулиури дякава тахан лаодиан оила тойкамба бари. Эгдивэ бувухэн найла эгдивэ гэлэгүри, эгдивэ тавамбори найла эгдивэ мэдэсигури.
- ⁴⁹ Ми боадиади начи тавава олбицгой дичимби, тэй дегдэлуйвэни хония маңга ми гэлэмчэи.
- ⁵⁰ Ми сэвэкилэуриди сэвэкилэгилэй; Ми халиа тэй дяка осивани маңга халачии.
- ⁵¹ Ми начи нээн, сорин ана балдимба бугуи дичимби-ну, сүэ мурчису? Аба, сунчи ундэмби: пади-пади осивангои.

Лука, 13

- ⁵² Туй тами эвэңки тойңгани дёгду падиладярал; илани дюэнивэ ачапчи, дюэни иланива ачапчи оди.
- ⁵³ Амини хусэ пиктэй ачапчи, хусэ пиктэни амимби ачапчи; энини асия пиктэй ачапчи, асия пиктэни энимби ачапчи; эյпэ оромби ачапчи, орони эյпэй ачапчи оди».
- ⁵⁴ Найсалч уүкимби-тэни: «Пэрхидиэди дидэй тэвэксэвэ ичэй осини, чадо-баки ундусу: „Тугдэдерэ!“ Тотара туй оди.
- ⁵⁵ Дади хэдун хэдундидуэни, ундусу: „Маңга пэку оси!“ Тотара туй оди.
- ⁵⁶ Дялиңку найсал! На, боа дэрэлбэни отолимари мутэмэри, хайми эй эримбэ такоасису?
- ⁵⁷ Хаймари суэ мэнэ тургундулэри хони осигилайвани отолиасису?
- ⁵⁸ Си байгоандии дяңгианчи энэйдүү, поктоду нёандиадиани хэнгэл осигойчару, дёдямдичи симбивэ эм олбиами тагоани, дёдямдий-тани симбивэ эрулэй найчи эм бурэми тагоани, эрулэй най-тани симбивэ лаочи эм наңгалами тагоани.
- ⁵⁹ Синчи ундэмби: хаморой дихава бугуэсилэи, таядиади нэгуэсиси».

13 паси

- ¹ Тэй эринду поани найсал дидюмэри Нёанчиани Пилат Галилеянжансал сэксэвэчи сугдинсэлдийчи солихамбани гисурэхэчи.
- ² Чаду Иисус нёанчиачи уүкини: «Тэй Галилеянжансал, хэмту гой Галилеянжансалдуй сороңку бимэри, тамача эрумбэ бахамбачи мурчису-ну?
- ³ Аба, сунчи ундэмби; соромби ачаканасиаси осини-тани, хэмтудиэри эй-мэт будесу.
- ⁴ Силоам тора-мат, гогда дёлома дё турэни, дёан дякпун найсалба вахани. Тэй найсал Иерусалимду хэмту балди найсалдуй оркиңку би-нум мурчиси-ну?

Лука, 13

- 5 Аба, сунчи ундэмби; соромби ачаканасиаси осини-тани, хэмтудиэри эй-мэт будесү».
- 6 Тамача мода хэсэвэ гисурэхэн: «Үйду-ну муксултэ урэйни боаду тариохан амтакаку мо би. Амтакава тамагой дидэ, бараси.
- 7 Тэй боаду дёбомдичи уүкини: „Илиа айнанидо тэй моду амтакава тамагой дидэ, барасимби. Мова чапчиу, бай нава манайни“.
- 8 Нёани-тани, нёанчиани таодагоми, уүкини: „Эден, эй айнанидо чава сологору; ми-тэни чава кэндэли хумудемби, удин амондиани кэндэли нэдэмби.
- 9 Амтака урэй-ну, саваси; аба осини, диая айнанидо чапчиосу“».
- 10 Эм кэсивэ гэлэури дёгду надиачиа иниду Нёани ало-сиктахани.
- 11 Чаду дёан дякпун айнанива экэчин бусиэди энуси эктэ бичин; нёани мукчурэм би, кас илими мутэси.
- 12 Иисус, нёамбани ичэпи, хэрсирэ, нёанчиани уүкини: «Эктэ! Си энуси лоптоагини».
- 13 Нёандоани үалаи нэхэнни, нёани-тани, чадо-баки кас илими, Эндорбэ макталохани.
- 14 Кэсивэ гэлэури дё даламдини, Иисус надиачиа иниду окчичидиани аяктачими, гурунсэлчи уүкини: «Хайва-да тагилаори нюнгун ини би, тэй инислэлду, надиачиа иниду эм дидэ, окчичиндами дидусу».
- 15 Эден нёанчиани таодагоми уүкини: «Дялинку найсал! Сундулэ най таони надиачиа иниду хусэ ихамби, эйхэи омиваңгой отондиади уичэвэчии ачоаси-ну?
- 16 Эй Авраам асия пиктэни дёан дякпун айнанива амбанди уичэку бичин; тэй уичэвэ надиачиа иниду ачорини-ну, хай?»
- 17 Нёани-тани чава ундицуэни, Нёамбани ачапчи би гурунсэл иладихачи; хэмту найсал Нёани гэбуку дяка-салчиани агданасихачи.

Лука, 13

- 18 Нёани-тани уүкини: «Энdur далачини эрин хай дяка-мат би, чава хай дякади ундэчимби?
- 19 Тэй усэкэн-мэт би; най чава дяпара, усинду тарихани; тэй урэхэн даи мо осихани; мо гарадоани боа ниэчэнсэл сиричихачи».
- 20 Гучи уүкини: «Энdur далачини эримбэ хай дякади ундэчимби?
- 21 Тэй няико-мат би; эктэ, чава дяпара, опа илан даолакодоани нэхэни, хэм няигодала».
- 22 Нёани-тани хотонсалба, ихонсалба пулсими, аlosиктами Иерусалимчи поктола энэхэни.
- 23 Уй-ну Нёанчиани уүкини: «Эден! Хорай найсал ои-ну, хай?» Нёани-тани нёанчиачи уүкини:
- 24 «Чидён уйкэлэ иричэусу, туй тами сунчи ундэмби, эгди найсал игуй ичэдедерэл, туй тамари мутэсидерэл.
- 25 Дё эдени илими уйкэвэ дасидоани, чаду суэ, боала бимэри, уйкэвэ дуктэдесу, умэри: „Эден! Эден! Бунду нихэлиусу“. Нёани-тани сунчи таодагоми ундерэ: „Ми сумбивэ такоасимби, хаядиади дичимбэсу, сарасимби“.
- 26 Чаду хисаңголодясу: „Буэ Си дюлиэлэси сиахапу, омихапу, буэ гиансалпова Си аlosиктахаси“.
- 27 Нёани-тани ундерэ: „Ми сумбивэ такоасимби, хаядиади дичимбэсу, сарасимби, Миндиэди хангиси энусу, хэмту тэде анава тай гурун“.
- 28 Энdur далачини эринду Авраамба, Исаакба, Иаковба, хэмту Эндордиэ ундэй найсалба, мэпи-дэ пуңнэчивэни ичэйдуэри, чаду соңгодясу, хуктэдиэри пикоридясу.
- 29 Сиун дэгдэйни калтадиади, пэрхидиэди, очидиади, дадидиади найсал дидерэл, Энdur далачини эринду акпандярал.
- 30 Гэ, чадо би хаморойни бонгони оси, чадо би бонгони хаморойни оси».

Лука, 14

- ³¹ Тэй иниду фарисейсалдолани поани дидэ, Нёанчиани ујкини: «Ниэгу, эдиэди энэу, туй тами Ирод Симбивэ вайчайнii».
- ³² Нёанчиани ујкини: «Энэмэри тэй соликанчи ундусу: Гэ, эйнивэ, чимана бусиесэлбэ пујнэмби, найва окчиамби, илиачиа иниду ходидямби.
- ³³ Тэде, Ми эйнивэ, чимана, гучи диая иниду пулсигилэи, туй тами Эндордиэ ундэй най Иерусалим боакиалани бурии мутэси.
- ³⁴ Иерусалим, Иерусалим, си хотојкансалси Эндордиэ ундэй найсалба тойнкаачи, синчи гиактадисалба дёлоди најгачичи! Ми хадо модан пиктэнэвэси гаса-мат пиктэнэй мэнэ хасарби пэгиэчиини поагорива мурчихэмби, суэ-тэни эчиэ чихаласу.
- ³⁵ Гэ, дёксу сунду гэун дэрэдини. Сунчи ундэмби: Сүэ Мимбивэ ичэсису эрин исидала, сүэ умбуучиэсу: „Эден гэрбудуэни Дидэй гэбуку“.

14 паси

- ¹ Эм модан Нёани надиачиа иниду фарисей дяңгиансалдолачи эм най дёкчиани сиагой дичини, дяңгинсал Нёамбани ичэдехэчи.
- ² Гэ, Нёани дюлиэлэни муэ энудиэни эрүлэмбэ бари най илихани.
- ³ Тэй моданду Иисус гиамба сари найсалчи, фарисейсалчи мэдэсихэнii: «Надиачиа иниду окчичими мутэури-ну?»
- ⁴ Нёанчи хэмэ бичичи. Иисус энуку найва тоңгалара, аянаговаңкини, чиндагохани.
- ⁵ Чаду нёанчиачи ујкини: «Сундулэ уйду-дэ эйхэнгуни, хусэ ихаңгони хочинчи тухэн осини, тэй эринду-тул надиачиа иниду-тул нёамбачи таядия татагоаси-су-ну, хай?»
- ⁶ Чаду Нёанчиани хайва-да уңгумэри мутэчичи.

Лука, 14

- 7 Хони-да хэрсиухэн найсал боңго бэумбэ сондёйвачи ичэми, нёанчиачи мода хэсэвэ гисурэхэн:
- 8 «Уй-дэ хали-да симбивэ гиаматачи хэрсидуэни, боңго бэунду эди тэрэ, хэрсхэн найсалдола уй-дэ синдуй гэбуку бимчэ,
- 9 Симбивэ, нёамбани хэрсхэн най дидэ, синчи ундерэ: „Бэумби нёандоани бугу“. Чадо си иладими хаморой бэунду тэгудечи.
- 10 Симбивэ хэрсидуэчи, дидэ, хаморой бэунду тэру, симбивэ хэрсхэн най дидэ, синчи унгуэни: „Анда! Дюлэси тэру“. Чадо си тэси найсалдола гэбуку осидячи.
- 11 Туй тами найдой мэпи уйлэ мурчини таони гэбууни тудерэ; найдой-тани пэгилэ мурчи най гэбууни тодяра».
- 12 Нёамбани хэрсхэнничи-тэни уүкини: «Си ини то-кондоани сиаори эркимбэ, сиксэ сиаори эркимбэ баргидааси, андарби, аңнаи, ахондосалби, баян нимэкэнсэлби эди хэрсирэ, тэй орондолани нёанчи симбивэ хэрсхэчи-мэт, тотара си банихава бадячи.
- 13 Саолимба аңгойдоаси, гиохатонсалба, дохолосалба, балисалба корхидинжку гурунсэлбэ хэрсиу.
- 14 Чаду си кэсику осидячи, туй тами нёанчи синду бугуми мутэсил, синду-тэни тоңдо найсал хорагойдоари, хэм бугудерэл».
- 15 Чава долдира, дякпадоани аори уй-ну Нёанчиани уүкини: «Уй Энdur далачини эринду эпэмбэ сиари осини, тамача най кэсику бидерэ».
- 16 Таду Иисус нёанчиани уүкини: «Эмун най даи саолимба сиксэ аңгохани, туй тара эгdi найва гэлэхэн.
- 17 Сиксэ, сиаори эрин исидоани, элчингүй гиактадихани гэлэури найсалчи унгуэни: „Дидусу, хэм чэк баргиохан“.
- 18 Чаду хэмту най, эмуту кэвэлихэн-мэт, осисилохачи. Боңго най нёанчиани уүкини: „Ми нагои гачимби, чава ичэндэутивэ гэлэй. Си минчи эди оркисира“.

Лука, 14

- ¹⁹ Дюэе най уүкини: „Ми тойңга будэр хусэ ихансалба гачимби, эси нёамбачи пэргэчиндэгүэмби, минчи эди оркисира“.
- ²⁰ Илиачиа най уүкини: „Ми асигой бахамби, туй тами энэми мутэсимби“.
- ²¹ Тэй элчи мочогопи, эденчии чава гисурэгухэни. Чаду дё эдени аякталара, элчичии уүкини: „Си тургэнди даи, нучи хотон гиандолани энэрү, туй тара гиохатон, бали, дохоло, корхидинжку гурумбэ эуси гадёрө“.
- ²² Элчи уүкини: „Эден! Си уүкиндүлэси ми хэм тахамби, туй тами-да гучи бэунсэл би“.
- ²³ Эден элчичии уүкини: „Хачин поктосалчи, гучи хотон докиачиани энэрү, найсалба дигуэчи тэдевэнду, ми дёгби дялоптагоани.
- ²⁴ Сунчи ундэмби: тэй гэлэухэн найсалдола уй-дэ ми саолимбива пэргэсил; гэлэухэн найсал эгди-дэ, бодори найсал ои“».
- ²⁵ Иисусэди гэсэ өгди гурунсэл энэхэчи; Нёани кэчэри-турэ, нёанчиачи уүкини:
- ²⁶ «Уй-дэ Минчи диди осини, амимби-да, энимби-дэ, асии-да, пурилби-дэ, аյнаи-да, эйкэнэй-дэ, балди эргэмби-дэ эм чиурисиэ тагоани, Ми дахамдии одаси.
- ²⁷ Крестаи эм олбиндами, Ми хамиалаи энэси най, тэй най Ми дахамдии одаси.
- ²⁸ Туй тами сундуулэ уй тора-мат гогда дёлома дёгба аягойчами, тэй дюлиэлэни тэрэси, ходавани таондаси, хай-да хэм чава аягори дяка бини-нум,
- ²⁹ Туй тами тэхэвэни нэрэ, ходидала аягоми мутэси, чава хэм ичэхэн гурунсэл нёандиани инэктэси осидяра,
- ³⁰ Умэри: „Тэй най аягойчами дэрухэн, аягоми ходиачин“.

- ³¹ Гэ, хамача эден-ну гой эденди чаохарагой, тэй дюлиэлэй бонгоду улэн гисурэндугуй тэрэси: нёани дёан миньган найди чаохако гой эдендүй хорин миньгаңко-нидуй маси-ну?
- ³² Чаду, тэй эден горола бидуэни, нёанчиани гиактамдисалба сори анава гэлэми энэвэнди.
- ³³ Туй тами сундулэ най таони мэнэ дякасалдии ачака-насиаси осини, тэй най Ми дахамдии одаси.
- ³⁴ Даосун – улэн дяка; даосун кусумби хуэдэй осини, хони тагори?
- ³⁵ Надо-да, удин амондоани-да ачаси, чава боачи наңглаори. Сиаңкони долдигини».

15 паси

- ¹ Хэмту албамба дяпай найсал, сороңку найсал Иисусэвэ досодягой лан дичил.
- ² Фарисейсал, даңсава сари найсал даңсичимири уңкичи: «Нёани, сороңку гурумбэ бачиалими, нёандиачи сиарини».
- ³ Нёани-тани нёанчиачи туй мода хэсэвэ уңкини:
- ⁴ «Сундулэ уй эм таңгоди хоникони, эмумбэ хуэдэпи, хуюйнгу хуюмбэ най ана боаду дэрэдивэндэси, хуэдэкпин хонимба баогодала гэлэмэчигүэси?
- ⁵ Баогопи, агданасими чава муйрэдуи нэдерэ.
- ⁶ Дёкчий дидюпи, андарби, нимэкэнсэлби хэрсирэ, нёанчиачи ундерэ: „Хуэдэкпин хонимба баогохамбива минди гэсэ агданасиосу“.
- ⁷ Сунчи ундэмби: Энdur далачини эриндуэни хуюйнгу хуюн соромба ачаканасиорива гэлэси тоңдо найди агдапси ои, эм соромби ачаканаси сороңку найди агдапси маңга.
- ⁸ Хамача эктэ дёанди дихако, эмумбэ хуэдэпи, лава таваси, гиалакова хаполиаси, диксучими баогодала гэлэгүэси?

Лука, 15

- 9 Баогопи, андарби, эктэ нимэкэнсэлби хэрсирэ, ундерэ: „Минди гэсэ агданаисосу, ми хуэдэхэмби дихава баогохамби“.
- 10 Сунчи ундини, туй Энdur Мэдуңкусэл соромба ачаканаси эмун сороңку найди-да агданаши».
- 11 Гучи уүкини: «Эм найду дюэр хусэ пиктэни бичини.
- 12 Нэудимэ аминчии уүкини: „Ама! Дякалай ми обойва минду буру“. Аминчи нёандоачи хадёндолаи оболахани.
- 13 Эм хадова инивэ бипиэ, нэудимэ, обой хэм дяпара, горо боачи энүхэнни, чаду, го анади балдими, мэнэ дякай паичихани.
- 14 Нёани хэм дякай паичночиани, тэй боаду маңга хади осихани, нёани синэдилухэни.
- 15 Туй тара тэй боаду би найди дёбонгои гэлэндэхэнни, тэй най мэнэ усингэлдуи гоар оңкоми пулси олгиансалби этундэвэйкини.
- 16 Нёани олгиансал сиаричи даломба сиаорива-да аясихани, туй тами-да уй-дэ нёандоани чава-да эчиэ бурэни.
- 17 Улэнди мурчигурэ, мэнчии уүкини: „Ми аминдоива хониа эгди лаодиансал эпэмбэ элэдэлэ сиаричи, ми-тэни демуди отоамби.
- 18 Илира, аминчии энэдемби, нёанчиани ундумби: ‘Ама! Ми синду гучи Эндорду оркиңкои.
- 19 Туй тами мимбивэ хусэ пиктэем гэрбиэсиси ачаси, мимбивэ мэнчии лаодиаңгои дялагоро”“.
- 20 Илира, аминчии энэхэнни. Нёани хайс горола бидуэни, амини ичэпи, гудиэсихэнни; пагдиалара, нёани моңгондолани наманда, одёктахани.
- 21 Хусэ пиктэни нёанчиани уүкини: „Ама! Ми синду гучи Эндорду оркиңкои, мимбивэ хусэ пиктэем гэрбиэсиси ачаси“.

Лука, 16

- ²² Амини лаодиансалчии уүкини: „Чу улэн тэтүэсэлбэ гадёсо, нёамбани тэтувэндусу, хонякамба бурусу, отава бэгдидуэни оталавандосо.
- ²³ Нуучи буйгу ихакамба гадёра, варосо. Буэси, енуэлэй тадяпу.
- ²⁴ Тотами эй пиктэи, будэ, хорагохани, хуэдэптэрэ, агбингохани“. Гэ, туй тара енуэлэмэри дэрухэчи.
- ²⁵ Агдима-тани усинду бичини; мочогойдои, дёкчии дидямпи, дяринсалба, енуэлэури дилгансалба долдихани.
- ²⁶ Эм элчивэ хэрсирэ, мэдэсихэни: „Эй хай дяка?“
- ²⁷ Элчи нёанчиани уүкини: „Си нэуси дидюхэни, нёамбани аяди баогопи, амиси нучи буйгу ихакамба вахани“.
- ²⁸ Агдима аякталахани, игуривэ чихалачини. Амини-тани, ниэрэ, нёамбани хэрсихэни.
- ²⁹ Нёани аминчии таодагоми уүкини: „Гэ, ми айнаасими синду дэнсихэмби, хали-да хаңгиактоласи эчиэ тай, си-тэни ми диасилдии енуэлэгуивэ хали-да минду имакамба-да эчиэ бурэси.
- ³⁰ Эси-тэни эй хусэ пиктэси, пајно экэсэлди дякаи манарага, дидючиэни, си нёандоани нучи буйгу ихакамба вахаси“.
- ³¹ Амини-тани нёанчиани уүкини: „Ам пиктэ! Си тул-тул минди биси, ми хэмту дякаи – сиңги.
- ³² Эси тэж агданаси, енуэлэй тайваси гэлэй: си нэуси, будэ, хорагохани, хуэдэптэрэ агбингохани“.

16 паси

- ¹ Дахамдисалчии-тани уүкини: «Эм баян найду даламди би; уй-ну тэй найчиани даламди дякавани паичивани гисурэхэни.
- ² Даламдивани хэрсирэ, нёанчиани уүкини: „Хайва си удэвэси ми досодямби? Хони-да далаи гисурэрү, туй тами эвэнки си далачими мутэсиси“.

Лука, 16

- 3 Чаду даламдини мэнэ долаи уүкини: „Хайва таори? Эдемби миндиэди дёгба далаорива дяпагойни; хулэми мутэсими, намбочами иламо.
- 4 Миндиэди дёгба далаорива дяпагойдоани, хайва-да таорива гой найсал дёкчиари дяпагойгоачи, сарамби“.
- 5 Эдемби најдаку найсалбани пади-пади хэрсирэ, бојгоники уүкини: „Эдендуивэ си најдаси хониа би?“
- 6 Нёани уүкини: „Эм таңго даолако симуксэвэ“. Нёанчиани уүкини: „Ниручэй дяпара, тэрэ, тургэн ниру: соси“.
- 7 Тотара гойдимачи уүкини: „Си најдаси хониа би?“ Нёани таодагохани: „Эм таңго даолако ира“. Нёанчиани уүкини: „Ниручэй дяпара, ниру: дякployнgo“.
- 8 Эден арганжу даламдии намбохандолани мактахани; туй тамари эй эрин хусэ пиктэсэлни тэй халадола боа ялони хусэ пиктэсэлдүй намбосо.
- 9 Ми сунччи ундэмби: тоңдо ана бимэри, баяңкин гурундулэ андаргоари баросу; туй тамари сунду хади осиочиани, сумбивэ тул-тул би дёсалчи дяпагогоачи.
- 10 Нуучиду агдасини, даидо-да тэй-мэт агдаси.
- 11 Гэ, тоңдо анади бими баохан дякасалду агдавасиди бичису осини, уй сунду тэде дякасалба агдай.
- 12 Гой найнги дякасалду агдавасиди бичису осини, уй сунду суэнгивэ бугуй?
- 13 Хавой-да дэյсими дюэр эденду дэйсими мутэси, туй тами эмдимэвэ чиурси оси, гойдимава улэси оси-ну; эмдимэду улэн тай оси, гойдимаду хайва-да таси оси-ну. Эм эркивэ Эндордур, гучи бобой дякасалду дэйсими ачаси».
- 14 Чава хэм досодямари, мэнгумбэ улэси фарисейсал Нёандиани инэктэхэчи.

Лука, 16

- 15 Иисус нёанчиачи уүкини: «Суэ тојдо найсал-мат мэпэри гэрэн гурунду ичүэндисү. Эндор-тэни суэ миавансалбасу сари, туй тами хай найсалду бобой, Эндор долани маңга чукин.
- 16 Гиан гучи Эндордиз ундэй найсал Иоаннчия; эвэյки Эндор далачини эримбэ улэн мэдэвэ саванди, уй-дэ хэм таоси маңгачими ири.
- 17 Бонгуду боа, на ходилтадяра, туй тами-мат эм яоча гиандиади хуэдэпчини.
- 18 Най таони асидии падилагой, гой эктэди асилагой маңга хоанди; най таони падилагой эктэди асилагой маңга хоанди.
- 19 Эм баян най тэй бобой тэтуэвэ тэчичэхэни, ини таондоани дай саолимба ангохани.
- 20 Эм гиохатон най, Лазарьди гэрбуку, тэй баян най до-кани дякпадоани укуди энусими аохани.
- 21 Нёани баян найсал дэрэдийэчи тури пуртусэлди элэйчэхэни, индасал-тани, дидэ, укувэни илэчихэчи.
- 22 Гиохатон буйкини, тотара Мэдүнкусэл нёамбани Авраам тухичиэни олбиңкичи; баян най-да буйкин, нёамбани хумухэчи.
- 23 Амбан боаду бими, эрулэуми, нёани уйси ичэхэни, горола Авраамава, Лазарьба тухидуэни ичэгухэни.
- 24 Морами уүкини: „Амимби Авраам! Мимбивэ гудиэсирү, Лазарьба гиактадиран, нёани чумчуэмби дуэвэни муэду чакпангоани, чаду ми синмуивэ гао тагоани, ми-тэни таваду эрумбэ барии“.
- 25 Авраам-тани уүкини: „Пиктэ! Си мэнэ балдидои улэмбэ элэдэлэ бахаси, Лазарь-тани оркимба бахаси; эси-тэни нёани эйду улэн би, си-тэни эрумбэ бари.
- 26 Тэй оячиани суэ, буэ алдандопова дай пэрэл ана боа би; сунчи даогойчайни мутэси, туй-дэ таядиада бунчи даогоаси“.

- ²⁷ Чаду баян най уүкини: „Амимби! Синчи гэлэмби, ми амимби дёкчиани нёамбани энуэнду.
- ²⁸ Минду тойңга хусэ нэу би; нёанчи эй эрүлэй боачи эм димэри тагоачи нёанчиачи агдолами уүгини“.
- ²⁹ Авраам нёанчиани уүкини: „Нёандоачи Моисей гучи Эндордиэ ундэй найсал бичи, нёамбачи досидигичи“.
- ³⁰ Нёани-тани уүкини: „Аба, амимби Авраам! Буйкин гурундулэ уй-дэ нёанчиачи диди осини, соромби ачаканасидярал“.
- ³¹ Чаду Авраам нёанчиани уүкини: „Моисейва, Эндордиэ ундэй найсалба долдиасил осини, чаду, уй буйкин гурундулэ хорагой-да, агдасил“».

17 паси

- ¹ Иисус дахамдисалчи гучи уүкини: «Пэргэли дякасал эм дидэмэ мутэсил; най тургундулэни тэй дякасал диди кисиако.
- ² Най моңгончиани худирэку дёловани уирэ, намочи наңгалаори – улэн дяка, тэй най нучидимэ найсалдола эмумбэ арганахани осини – оркин.
- ³ Мэпэри диксучими ичэусү. Акси симбивэ ачапчи сороңку дякава тахан осини, даңсиу, соромби ачаканасини осини, нёамбани гудиэсисү.
- ⁴ Надан модан эм иниду симбивэ ачапчи сороңку дякава тахан осини, туй тара надан эм иниду синчи соромби ачаканасимбиам уүкини осини, нёамбани гудиэсигуру».
- ⁵ Апостолсал-тани Эденчии уүкини: «Буэ агдачигопова эгдириү».
- ⁶ Эден уүкини: «Ираи усэни-мэт суэ агдайсу бичин осини, эй амтакаку мочи надиади ниэрэ, намочи мэпи тарифоам уүкисү осини, тэй мо сумбивэ долдимча.

- 7 Нёандолани уй андялай-ну, ојкованди-ну лаодиаңку, тэй лаодиан усиндиэди мочогохан хамиалани нёанчи-ани унди: „Тургэнди дэрэчи тэндэсү?“
- 8 Тэй орондолани нёанчиани ундэси-ну: „Ми сиксэ эринду сиагоива баргиру омолагора, мимбивэ дэжису ми сиариива, омииива, туй тапи мэнэ сиаро, омиро?“
- 9 Лаодиан уңкиндолани тахани тургундулэни нёамбани баниала-ну? Ми мурчиэсимби.
- 10 Суэ-дэ туй-мэт, най уңкимбэни хэм тапари, ундусу: „Буэ таман-да ана лаодиансал, туй тамари хайва-да тагилахамбари-рагда тахапу“.
- 11 Иерусалимчи энэйдуэи, Нёани Самария, Галилея алдамбачи энэхэнни.
- 12 Нёани эм ихончи иридуэни, дёан чуки укуди энуси найсал Нёамбани бачихачи; нёанчи горола илихачи.
- 13 Даи дилгандиари хисангохачи: «Иисус Алосимди, бүмбивэ гудиэсиу!»
- 14 Нёамбачи ичэпи, Нёани нёанчиачи уңкини: «Энусу, кэсивэ гэлэури дёсал дяңгиансалчи мэпэри ичэвэндусу». Нёанчи энэйдуэри гандян осихачи.
- 15 Нёандолачи эмуни, аянагохамби ичэрэ, мочогохани, даи дилгандий Эндорбэ мактами.
- 16 Нёани Нёани бэгдичиэни дэрэлдии начи тухэни, Нёамбани баниалами; тэй най-тани Самариянкан бичини.
- 17 Чаду Иисус уңкини: «Хэм дёандиари гандян осихан биэси, хай? Хуун най хайду бини?
- 18 Хайми нёанчи эчиэ мочогоаачи, Эндорбэ гэбулэгуэри, тэм эй гой голо найни-рагда?»
- 19 Нёани-тани нёанчиани уңкини: «Илиго, эну, си агдайси симбивэ хоригохани».
- 20 Фарисейсал хали Эндор далачини эрин исигоям Нёамбани мэдэсидуэни, нёанчиачи таодагохани: «Эндор далачини эрин ичэвэси эрдэнди дидэй.

- ²¹ Ундэсил: „Гэ, туй би-ну, гэ, таду би-ну“. Туй тами, гэ, Эндор далачини эрин суэ доласу би».
- ²² Дахамдисалчи уүкини: «Инисэл исидярал, таду суэ тэм эм иниду-рэгдэ Най Хусэ Пиктэвэни ичэйчэйдури, ичэсису.
- ²³ Сунчи ундерэл: „Гэ, эйду би-ну, гэ, таду би-ну“. Суэ эди пулсиэсу, эди дахасу.
- ²⁴ Туй тами эмуту эм боа кирадиадиани потар тами, гой боа кирачиани килтоли анди агди гирмэчини-мэт, Най Хусэ Пиктэни Мэнэ иниду туй-мэт тай.
- ²⁵ Тэй дюлиэлэни Нёани маңга эрумбэ багилайнii, эй хала Нёамбани пуunjэгилэйни.
- ²⁶ Хони Ной инисэлдуэни бичини, эмуту Най Хусэ Пиктэни инисэлдуэни оси-мат.
- ²⁷ Сиари, оми, асилай, эдилэй тэй энидэлэ Ной аданчии охандоани, чу даи далан асиачиани, хай-да хэм дякава вахан.
- ²⁸ Туй Лот инисэлдуэни би-мэт: сиари, оми, гади, ходаси, тари, аңгой тахачи.
- ²⁹ Лот Содомдиади ниэхэнни иниду боа уедидиэни таваку, нутэку тугдэ тугдэлухэни, найва хэм вахани.
- ³⁰ Най Хусэ Пиктэни агбиндини инидуэни, туй-мэт осидяра.
- ³¹ Тэй иниду уй-дэ гуичэду би осини, хадён-тани дёгду, тэй чава дяпандами эди энэ; уй-дэ усинду би осини, туй-мэт хамаси эди кэчэриэ.
- ³² Лот асивани дёнгоктасу.
- ³³ Уй-дэ эргэмби хоричай осини, тэй нёамбани вари; уй-дэ вари осини, тэй нёамбани хори.
- ³⁴ Синчи ундэмби: тэй долбоду дюэр най эм аори бэунди бидерэл; эмунивэ дяпадярал, гойдимава дэрэдигуэдерэл.
- ³⁵ Дюэр эктэ най гэсэ худирэй осини; эмунивэ дяпадярал, гойдимава дэрэдигуэдерэл.

- ³⁶ Дюэр най усинду би осини; эмунивэ дяпадярал, гойдимава дэрэдигуэдерэл».
- ³⁷ Чаду Нёанчиани ункичи: «Хайду бини, Эден?» Нёани-тани нёанчиани ункини: «Хайду буйкин най бэени бини, таоси гусисэл поагой».

18 паси

- ¹ Нёани нёанчиачи мода хэсэвэ гисурэхэни кэсивэ гэлэми гучи мурумби муэмбуэми биуриэм,
- ² Уми: «Эм хотонду Эндорди ќэлэси, найсалди иламосиаси дёдямди бичини.
- ³ Тэй хотонду-тул эм наон эктэ бичин, нёани нёанчиани дидэ, хисаңгохани: „Байгоандиадива мимбивэ кандё“.
- ⁴ Нёани-тани гойдами чихалачини. Тотами-да мэнэ долаи ункини: „Ми Эндорди ќэлэси-дэ, найсалди иламосиаси-да,
- ⁵ Туй тами тэй наон эктэ мимбивэ чиуриңгини бими, нёамбани кандёдямби, нёани мимбивэ эм чиуриңгими тагоани“.
- ⁶ Эден-тэни ункини: «Тэде ана дёдямди ундивэни долдиасу?
- ⁷ Эндор мэнэ сондёхамби, ини-долбо Нёанчиани сиңги гурумбэ кандёаси-ну, кандёгой эм пэниндэми тами-да?
- ⁸ Сунчи ундэмби: элэ нёандоачи кандёмба будерэ. Тотам-да Най Хусэ Пиктэни, дидэ, наду агдамба бары-ну?»
- ⁹ Мэпи тэрэк бипуэм мурчихэн, тотамари-да гой гурумбэ сиңгэрэхэн найсалчи туй би мода хэсэвэ ункини:
- ¹⁰ «Дюэр най Эндор дёкчиани кэсивэ гэлэгуэри ихэчи: эм фарисей, гойдима албамба дяпай най.
- ¹¹ Фарисей, илира, мэнэ долаи туй кэсивэ гэлэлухэни: „Эндор! Симбивэ баянламби, ми туй биэсимби, гой

- найсал бини-мэт – човосал, оксачи найсал, хоанди найсал, эй албамба дяпай най-мат-да.
- ¹² Надалтаду дюэр модан симсэку дякава сиарасимби, бахандолаи дёяя пасива бурэмби“.
- ¹³ Албамба дяпай най-тани, горола илисими, насалби боа уечиэни эурими-дэ мутэчини; тунгэмби дуктэми хисангогхани: „Эндор! Мимбивэ, сороңку найва, гуди-эсиру!“
- ¹⁴ Сунчи ундэмби: эй мэнэ дёкчии энухэн най тэй най-дуй байта ана осихан; туй тами най таони мэпи уйси тобоми мурчи, най пэгиэлэни осигой; мэпи най пэги-элэни мурчи, най уелэни осигой».
- ¹⁵ Нёанчиани оਯакасалба-да тоңгалагоани олбиачихачи; дахамдисални-тани, чава ичэрэ, нёамбачи камалихачи.
- ¹⁶ Иисус-тэни, нёамбачи хэрсирэ, уңкини: «Пурилбэ Минчи дигүэчи чиндаосу, эди камалиасу, туй тами Эндор далачини эрин нёаңгичи.
- ¹⁷ Сунчи тэде ундии: уй-дэ Эндор далачини эримбэ пик-тэ-мэт чихаласи осини, нёани таоси ирэси».
- ¹⁸ Дянгиасалдолани эм най Нёамбани мэдэсихэни: «Кэсивэ бури Аолосимди! Эм будэми балдигой ми хайва таори?»
- ¹⁹ Иисус нёанчиани уңкини: «Хайми си Мимбивэ кэсивэ буриэм гэрбиэсиси? Уй-дэ тue-дэ бурэси, эм Эндор-маня бури.
- ²⁰ Пуегдунсэлбэ сариси-ну? „Эди хоанда, эди вара, эди чола, эди аргасими агдола, амимби, энимби гэбулу“.
- ²¹ Нёани-тол уңкини: «Чава хэм наондёандолаи-баки ми этэхихэмби».
- ²² Иисус, чава долдипи, нёанчиани уңкини: «Гучи эм хай-ну синду аба: дякаи хэм ходасио, гиохатонсалду букту, боа уелэни бобой дякава бадячи; дидэ, Ми хамиалаива эну».

- 23 Нёани-тани, чава долдипи, тэң баян бими, гасалохани.
- 24 Иисус, гасайвани ичэпи, ујкини: «Баяниду Энdur да-лачини эринчиэни ивури маңга.
- 25 Бонгоду хурмэ саңгарчиани тэмэн ири, баян най Эн-
dur далачини эринчиэни ирини дюлиэлэн».
- 26 Чава досодяхан гурун ујкичи: «Үй-кэ хорами мутэй?»
- 27 Нёани-тани ујкини: «Най мутэсивэни, Энdur мутэй».
- 28 Пётр-тани ујкини: «Гэ, буэ хайва-да хэм најгалахапу,
Си хамиаласи энэхэпү».
- 29 Нёани нёанчиани ујкини: «Сунчи тэде ундэмби:
дёгби, аминаи, энинэи, аңнаи, эйкэнэи, асии, пик-
тэсэлби Энdur далачини эриндуэни најгалайни
уй-дэ аба.
- 30 Чала чоп эгдивэ эм барами тамча эй эринду гучи дю-
лилэ осигилай эринду эм будэми балдигой».
- 31 Дёан дюэр дахамдисалби хаңгиси хэрсирэ, нёанчиачи
ујкини: «Гэ, Буэ Иерусалимчи торипу, Най Хусэ
Пиктэвэни Эндорди ундэй найсалдола нируувхэн хэм
осидяра:
- 32 Чаду Нёамбани Энdur гиамбани сараси найсалчи бу-
гудерэл, сиңгэрэдерэл, Нёамбани оксачидярал, Нёам-
бани топичидярал,
- 33 Тотара тойңкандярал, Нёамбани вадярал; илачия ини-
ду хорагодяра».
- 34 Нёанчи-тани чала хайва-да отолиачичи; эй хэсэсэл
нёандолачи дяякпин бичин, нёанчи умбуухэмбэ отоли-
ачичи.
- 35 Нёани Иерихомба исидоани, эм бали най ирэмэсими
поктоду тэсихэни;
- 36 Мэпи сиур найсал энэйвэчи долдипи, мэдэсихэни:
«Эй хай дяка?»
- 37 Иисус Назаретаңкан энэйниэм нёанчиани ујкичи.
- 38 Чаду нёани морапсиңкини: «Давид Пиктэни, Иисус,
гудиэсирү!»

- ³⁹ Дюлилэ энэй гурунсэл нёамбани хэмэ осиваңкичаха-чи, туй тами-да нёани чадой даиди морахани: «Давид Пиктэни, мимбивэ гудиэсирү!»
- ⁴⁰ Иисус, каодярара, нёамбани Мэнчии гэлэхэни. Тэй най Нёанчиани лаң дивучиэни, мэдэсихэни:
- ⁴¹ «Хайва си Миндулэ гэлэйси?» Нёани ујкини: «Эден! Ми ичэлугуичэй».
- ⁴² Иисус нёанчиани ујкини: «Ичэлугуру! Си агдаси сим-бивэ хораваңкини».
- ⁴³ Чадо-баки нёани ичэлугухэни. Туй тара, Эндорбэ гэ-булэми, Нёани хамиалани энэхэни. Гэрэн гурун, чава ичэпэри, Эндорбэ гэбултухэчи.

19 паси

- ¹ Туй тара Иисус Иерихончи ихэни, тэй довани энэхэни.
- ² Гэ, уй-ну Закхейди гэрбуку, албамба дяпай найсал дяңгианчи, баян най,
- ³ Нёани Иисусэвэ хони бием ичэйчэхэни, нэктэ най бими найсал хамиадиачи ичэми мутэчини.
- ⁴ Дюлэси тутурэ, Нёамбани ичэгүй, амтакаку мочи мокчахани, Нёани эй мо дякпалани энэгилэхэни бичини.
- ⁵ Иисус, тэй бэунчи исипи, нёамбани ичэрэ, ујкини: «Закхей, тургэнди эугу, Ми эйнивэ дёгдоаси бигилэй».
- ⁶ Нёани будурими эугухэни, Нёамбани агданасими ивухэни.
- ⁷ Хэмту най, чава ичэпэри, муҗкунэсимэри хисаңгоха-чи: «Хайми Нёани сороңку найчи ихэни?»
- ⁸ Закхей-тэни илисими Эденчи ујкини: «Эден! Дёкамби калтавани гиохатонсалду будемби, уйвэ-дэ хайди-да ок-сантоха осини, дүин модандоа эгдивэ будемби».
- ⁹ Иисус нёанчиани ујкини: «Эси эй дёгду хорагори дичин, нёани-да Авраам пиктэни.

Лука, 19

- ¹⁰ Туй тами Най Хусэ Пиктэни вавохамба хоригой мэдэсиндэми дичини».
- ¹¹ Нёанчи чава досолайдоачи, Нёани гучи мода хэсэвэ гисурэхэн. Нёани Иерусалимчى лај бини бими, нёанчи-тани Эндор далачини эрин элэ нихэлигтээм мурчихэчи.
- ¹² Гэ, ујкини: «Эм гэбуку хала найни, мэндуи эден хамбани бара мочогой, горо боачи энэпсүжкини.
- ¹³ Дёан лаодиансалба хэрсирэ, дёан даолако мэнгумбэни буми ујкини: „Чава ми дидюйчиэ такорамари кэндэливэндусу“.
- ¹⁴ Хотојкансал нёамбани чиурсимэри, нёани хамиалани найсалба гиактадихачи умэри: „Нёани бунду эделэйвэни чихаласипу“.
- ¹⁵ Нёани, эден хамбани бара, мочогопи, мэнгумбэ бухэмби лаодиансалба мэнчии хэрсивэнжкини, уй хайва-да бахамбани сагои.
- ¹⁶ Бонгони дидэ, ујкини: „Си мэнгүнгуси дёан модан эгди мэнгумбэ бухэни“.
- ¹⁷ Нёанчиани ујкини: „Ая, улэн лаодиан! Туй тами си нучи дякаду тэдеку бичиндулэй дёан хотомба далачигой дяпаро“.
- ¹⁸ Дюэчиэ дидэ, ујкини: „Эден! Си мэнгүнгуси тойнга модан эгди мэнгумбэ бухэни“.
- ¹⁹ Эйдимэчи-дэ ујкини: „Си тойнга хотомба даларо“.
- ²⁰ Илиачиани дидэ, ујкини: „Эден! Гэ, мэнгүнгувэси ми пуңкуду хукурэ, этэхихэмби.
- ²¹ Ми синди үэлэчихэмби, маңга хатан найси бими: эчиэ нэрэй дякава дяпайси, хайва-да эчиэ тариаи, посиси“.
- ²² Эден нёанчиани ујкини: „Си хэсэдиэси симбивэ дёдядямби, дялиңку лаодиан! Си ми маңга хатан найива сахаси: нэрэчимби дякава дяпиива, хайва-да эм тариачимби, посисива.

- ²³ Хайми си ми мэнгуңгуивэ кэндэлившэндэчиси, ми дидюрэ, чала бэнчиэмбэ багогоива?“
- ²⁴ Дюлиэлэни илиси найсалчи уүкини: „Нёандолани мэнгумбэ дялагосу, дёан даолако мэнгүнкуниду бугусу“.
- ²⁵ Нёанчиани уүкичи: „Эден! Нёани элэ дёан даолако мэнгүнгуку“.
- ²⁶ „Сунчи ундэмби: дякако найду гучи буптэдерэ, хай-да ананиду хаямбани-да дялагоптадяра.
- ²⁷ Ми далачиива осисихан байгоансалбива эуси гадёсу, ми дюлиэлэивэ тойкандосу“».
- ²⁸ Чава ундэ, Нёани дюлэси энэхэни, Иерусалимчи томи.
- ²⁹ Виффагиячи, Вифаниячи, Елеонской гэрбуку хурэнчи лаң исидой, дюэр дахамдисалби гиактадихани,
- ³⁰ Ундэ: «Бүэ бадодопова би ихончи энэрэ, таоси ирэ, уй-дэ эчиэ нямняни, уичку наондёан эйхэвэ бадясу, чава ачора, гадёсу.
- ³¹ Сумбивэ уй-дэ мэдэси осини: „Хайгой ачойсу?“, нёанчиани туй уңгусу: „Эйвэ Эден гэлэй“».
- ³² Гиактадихан найсал энэхэчи, уүкиндүлэни баогочачи.
- ³³ Наондёан эйхэвэ ачойдоачи, тэй эденсэлни нёанчиачи уүкичи: «Хайгой эйхэкэмбэ ачойсу?»
- ³⁴ Нёанчи таодагоочи: «Нёамбани Эден гэлэйни».
- ³⁵ Тэйвэ Иисусэчи гадёхачи; эйхэкэмбэ тэтүэсэлдиэри дасира, Иисусэвэ тэй оялани тэвэңкичи.
- ³⁶ Нёани энэйни поктова тэтүэсэлдиэри сэкчиуэчихэчи.
- ³⁷ Нёани Елеонской хурэн хапсивани исиочиани, хэмту дахамдисални агданасимари даиди Эндорбэ мактачилохачи эрдэнгэ дякасалба ичэхэмбэри тургундулэни.
- ³⁸ Умэри: «Эндор гэрбудуэни дидюхэн Эден гэбулэгини! Боа уелэни номо-номо бигини, боа уелэни гэбук бигини!»

Лука, 20

- ³⁹ Най алдандиадиани бичин фарисейсал Нёанчиани уң-
кичи: «Алосимди! Дахамдисалби паполару!»
- ⁴⁰ Нёани нёанчиачи таодагоми уңкини: «Сунчи ундэмби:
нёанчи хэмэ одай осини, дёлосал моралой».
- ⁴¹ Хотончи лаң исидой, чава ичэпи, соңголохани.
- ⁴² Уңкини: «Си эй иниду самчаси, хайва-да номо-номо
бигуэси гэлэуривэни. Тотами-да тэй си насалдиадиаси
дяякпини.
- ⁴³ Бимиэ инисэл синчи исидярал, чаду байгоансалси,
эисэлбэ хулэмэри, симбивэ кэндэли осидярал, хая-
ди-да хэм симбивэ киап хордингодярал.
- ⁴⁴ Симбивэ хэпучимэри айкиндярал, си доласи пурилбэ-
си вадярал, доласи эм дёло оялани эм дёлова-да эм
сологоами тадярал, си пулсиури эримбэси сарасиси
тургундулэни».
- ⁴⁵ Эндор дёкчиани ирэ, ходаси, гади найва пујнэлү-
хэни.
- ⁴⁶ Нёанчиани хисаңгохани: «Нируувхэн: „Ми дёгби кэ-
сивэ гэлэури дё“. Суэ-тэни чава айкимбохан боа оси-
ваңкису!»
- ⁴⁷ Ини таондоани Эндор дёгдоани алосиктахани. Боңго
Эндор дёјни дяңгиансални-тани, даңсава сари найсал
Нёамбани вайчахачи.
- ⁴⁸ Нёамбани хони-да таорива мурчимэри мохочачи, гэ-
рэн гурун Нёамбани тул-тул досодичи бими.

20 паси

- ¹ Эм иниэ Нёани Эндор дёгдоани найва алосиктайдо-
ани, улэн мэдэвэ хисаңгоми, Эндор дёјни боңго
дяңгиансални, даңсава сари найсал, сагди гурунсэл
Нёанчиани дичичи.
- ² Нёанчиани уңкичи: «Бунчи унду, хамача гиандиани
Си чава тайси, уй Синду эй гиамба бухэни?»

- 3 Нёани нёанчиани таодагоми ујкини: «Ми-дэ сумбивэ эм дяка удэвэни мэдэсидемби, Минчи ундус:
- 4 Иоанн тахани сэвэкилэури Эндордиэдиэни бичини-ну, найсалдиади-ну?»
- 5 Нёанчи мэнэ долари мурчимэри хисангохачи: «Эндордиэдиэниэм ундипу осини, ундэрэ: „Хайми суэ нёамбани агдасисо?“
- 6 Найсалдиадиам ундипу осини, чаду хэмту най бумбивэ дёлоди тойүкандяра. Нёанчи тэдючимэри мурчиши, Иоанн Эндордий ундэй най биэм».
- 7 Таодагохачи: «Хаядия-да бивэни сарасипу».
- 8 Иисус нёанчиачи ујкини: «Ми-дэ сунчи ундэсимби, хамача гианди чава таи».
- 9 Нёани найсалчи тамача мода хэсэвэ гисурэлухэни: «Эм най муксултэвэ тарира, дёбий гурунду такорагой бугухэни, туй тара гойдами энэхэн».
- 10 Эм эркивэ тэй дёбомдисалчи муксултэвэ бугуэчи лаодиамби гиактадихани, нёанчи-тани, нёамбани тойүкандя, хай-да ана энувэңкичи.
- 11 Гучи гой лаодиамби гиактадихани; нёанчи-тани нёамбани-да тойүкандя, госолара, хай-да ана энувэңкичи.
- 12 Гучи илиачианива гиактадихани; нёанчи-тани тэйвэ-дэ пуентурэ пуңнэгухэчи.
- 13 Чаду муксултэ урэйни боа эдени ујкини: „Хони таори? Улэси хусэ пиктэй гиактадиамби; нёамбани ичэпэри, сайна, иладидярал“.
- 14 Дёбомдисал-тани, нёамбани ичэрэ, мэнэ долари мурчимэри ундиши: „Тэй эдемпу хусэ пиктэни, нёамбани вандагоари, амини дякасални буэңги осигой“.
- 15 Нёамбани муксултэ урэйни боадиади ниэвурэ, вахачи. Муксултэ урэйни боа эдени нёандиачи хайва тадяра?
- 16 Дидэ, тэй дёбомдисалба вадяра, муксултэ урэйни боавани гой гурунду будерэ». Чава досодяй гурунсэл ујкичи: «Аба, одаси!»

- ¹⁷ Нёани нёамбачи ичэрэ, ујкини: «Хай дяка тэй Бичхэдиэди ниручэ: „Дёгба аңгой гурунсэл наңгалахачи дёло тэхэ дёло очини?“
- ¹⁸ Тэй дёлочи тухэни най таони буди, уй оячиани тури осини, нёамбани чирэй».
- ¹⁹ Тэй эринду Энdur дёјни боңго дянгиансални, даңсава сари найсал Нёамбани вайчахачи, туй тами-да найди јэлэчимэри, Нёани нёанчи удэвэни тэй мода хэсэвэ гисурэхэмбэни отолихачи.
- ²⁰ Нёамбани дола ичэдемэри, арганди дяпайчалохачи. Дялинжку найсалба, тоңдо гурун-мэт осивамари, дивэнжичи. Нёамбани хавой-ну хэсэ тургундулэни дяпагоари, тотара дянгиансалду гучи гиан даи даламдидоани бугуэри.
- ²¹ Нёанчи Нёанчиани мэдэсихэчи: «Алосимди! Си тэрэк ундиси, най дэрэгбэни эм ичэдеми, туй тами-да тэрэк Энdur поктолани алосиси, буэ чава сарипу.
- ²² Буэ эденду албамба бувури-ну, аба-ну?»
- ²³ Нёани-тани нёанчи аргамосивачи отолира, нёанчиачи ујкини: «Хайгой суэ Мимбивэ пэргэлису?
- ²⁴ Суэ Мимбивэ эм дихава ичэвэндусу: „Тэйду уй дуруни, ниручэни?“ Нёанчи таодагохачи: «Эденги».
- ²⁵ Нёани нёанчиачи ујкини: «Эденду эденгивэ, Энdurду Энdurнгивэ бугусу».
- ²⁶ Нёанчи гэрэн гурун дюлиэлэни Нёамбани хэсэлэни дяпамари мутэчичи, Нёани таодагохандиани миамари хэмэ осигохачи.
- ²⁷ Чаду хорагорива ачаканаси хадоа саддукейсэл дидэ, Нёанчиани мэдэсихэчи:
- ²⁸ «Алосимди! Моисей бунду нирухэни, уй-дэ, асику аңни пиктэ анани буди осини, нэуни агби асивани дяпагойвани гэлэй, халаи сирагой.
- ²⁹ Надан аил бичичи; боңгодима асигой дяпара, пиктэ ана буйкини.

- ³⁰ Тэй асивани дюэедимэ дяпагохани, тэй-дэ пиктэ ана буйкини.
- ³¹ Илиачиани, тэй эктэвэ дяпагора, буйкини, надан аил, хами хамиалани сирагомари, хэм пиктэ ана буйкичи.
- ³² Хэмтуни хамилани асичи буйкини.
- ³³ Туй тами хорагори эринду тэй гурунду нёани хавойдима асини оси? Нёани надани асини бичин».
- ³⁴ Иисус нёанчиачи таодагоми ујкини: «Эй эрин пурилни асигоари, эдигуэри барил;
- ³⁵ Тэй эримбэ исира, буйкиндиэдиэри хорагохан найсал асигой, эдигуй барасил.
- ³⁶ Тэй оячиани нёанчи бурми мутэсил: Мэдуңкусэл-мэт, хорагори эрин хүсэ пиктэсэлни бимэри, нёанчи Энdur хүсэ пурилни.
- ³⁷ Буйкин найсал хорагилайвачи Моисей поңго поргиндоани ичэвэнкини, Авраам Эндордиэни, Исаак Эндордиэни, Иаков Эндордиэни Эдембэ гэрбиэсими.
- ³⁸ Энdur буйкин найсал Энdurни биэси, уюн найсал Энdurни, туй тами Нёандоани хэмту най уюн».
- ³⁹ Чаду даңсава сари хадоа найсал ујкичи: «Алосимди! Си улэн ујкиси».
- ⁴⁰ Нёанчиани хайва-да гучи мэдэсимэри мутэчичи. Нёани-да нёанчиачи ујкини:
- ⁴¹ «Хони ундинчи, Христос Давид пиктэниэм?
- ⁴² Давид мэнэ дяринсалби дансадоани ундини: „Эден ми Эденчиивэ ујкини: Ми аңгия калтадоива тэсиу,
- ⁴³ Ваохан байгоансалбасу бэгдичизусу нэричиивэ“.
- ⁴⁴ Туй тами-да Давид Нёамбани Эдембиэм гэрбиэсихэни; хони, Нёани хүсэ пиктэни хай?»
- ⁴⁵ Хэмту най досодяйдоачи, Нёани дахамдисалчии ујкини:
- ⁴⁶ «Даңсава сари найсалди дэңсисиусу: нёанчи јоними тэтүэку пулсиутивэ улэсичи, найсал поансалдоачи

бачиалиори хэсэвэ, кэсивэ гэлэури дёсалду гойдами тэсиуривэ, баян саолинсалду аоликачиорива улэсичи,

- ⁴⁷ Наон экэсэл дёсалбачи мэнгилэйчи, дялимари гойдамири кэсивэ гэлэйчи; нёанчи чу маңгади оркилтомба бадярал».

21 паси

- 1 Ичэк тапи, Нёани баян гурун суглэнсэлбэри Эндордай дёңгони бобой дякасалба этхиури гиалакоду нэривэчи ичэхэни.
- 2 Таоси гучи дюэр нучи дихава синэди наон эктэ нэхэмбэни ичэхэни.
- 3 Уүкини-тэни: «Сунчи тэрэк ундэмби: тэй синэди наон эктэ хэмту найсалдуй чу эгдивэ нэхэни.
- 4 Туй-гдэ хэмту найсал Эндорду суглэмбэ мэнэ пулэдиэзири нэхэчи, нёани-тани мэнэ синэдиндии мэндүи бичин сиаптаңгий хэм нэхэни».
- 5 Поани гурун Эндор дёңни бобой дёлоди, хачин дякасалди илгалаохам хисаңгойдоачи Нёани уүкини:
- 6 «Сүэ эйду ичэйсу дякасалдола эм дёло оялани хай гой дёло-да дэрэдигүэси; хай-да хэм хэпулиптэдерэ. Туй оси инисэл исидярал».
- 7 Нёанчиани мэдэсихэчи: «Алосимди! Хали эй осини? Тэй осивани хайла саворини?»
- 8 Нёани уүкини: «Мэпэри эди аргалавандасу; эгди най Ми гэрбуудиивэ эйвэ, Ми таям, эй эрин дидям умэри, дидерэл. Тэй гурумбэ эди дахасу.
- 9 Чахараорива, найсал тэргэдэйчи эримбэ долдипари, эди маңгади юэлэчийсу; тэй эрин дюлиэлэни эй дякасал осигилайнин, тотам-да чаду-баки ходитаси».
- 10 Чаду нёанчиачи уүкини: «Гой-гой найсал, гой-гой эден хадиани диа диадиари сорилодярал.

Лука, 21

- 11 Боа боадоани маңга на туйнкудерэ, хади, эгди най бурбури эринсэл, маңга үзэлэпсү дякасал, боа уеди-диэни даи голоансал осидярал.
- 12 Тэй эрин дюлиэлэни сумбивэ дяпадярал, сумбивэ пуунэдерэл, кэсивэ гэлэури дёсалчи, лаосалчи сумбивэ наңгаладярал; Ми гэрбуи тургундулэни эденсэлчи, даламдисалчи олбиндярал.
- 13 Тэй суэнду агдоноасу осидяра.
- 14 Миавандоари нэррусу, хайва-да тайвари дюлиэлэни таодаголайлвари эм мурчиэ таорива.
- 15 Ми сунду хэсэвэ, соңта мурумбэ бурэмби, хэмту байгоансалсу ачаканасимари мутэсидечи.
- 16 Аминасу, энинесу, аилсу, ахондосу, андарсу сумбивэ байгоансалдоасу будерэл, поанива вадярал.
- 17 Хэмту найсал Ми гэрбуи тургундулэни сумбивэ чиур-сидерэл.
- 18 Эм нуктэ-дэ дилиласу турэси.
- 19 Эргэмбэри аличамари хорициосу.
- 20 Суэ, Иерусалим чаохасалди кэндэли очимбани ичэпэри, чаду саросу: тэй хотон сусу-мэт осини эрин дидяңкини.
- 21 Иудеяду би гурунсэл хурэнчи тутугичи, хотонду би гурунсэл хотондиади ниэгичи, хотомба лаң би гурунсэл хотончи эм ирэми тагичи.
- 22 Тэй таодагори инисэл исихани, нирувухэн хэм осигини.
- 23 Тэй инисэлду бэеду би, кумби қучивэнди экэсэлду осидяра; наду тэң даи валиаха, тэй гурунду маңга-маңга кэсун осидяра.
- 24 Поани сарби лохонди тудерэл, поанива гой-гой голо-салчи олбиндярал; Иерусалимба Эндур гиамбани сара-си найсал такточидярал, мэнэ эринсэлбэри ходидала.
- 25 Сиунду, биадо, хосиктасалдо голоан осидяра, тэй на-до-тани найсалдо тэргэдэури, мурумби муэвэмбури эрин оси; намо дайчадяра, аякталадяра.

Лука, 22

- ²⁶ Найсал,boa яловани энэй валиахава халачимари гучи нэлэчимэри, будерэл, тотам-да boa кусуни тэргэдэлудерэ.
- ²⁷ Чаду кусуңку, даи гэбуку Най Хусэ Пиктэни чагдян тэвэксэ оялани дидивэни ичэдерэл.
- ²⁸ Тэй осилойдоани илиосу, диливари эурису: сумбивэ хэнгэли эрин дидяндини.
- ²⁹ Нёанчиачи мода хэсэвэ гисурэхэни: «Амтакаку мочи, хэмту гой мосалчи ичэусу.
- ³⁰ Хабдатасал агбиндивани ичэпэри, мэнэ сарису, элэ дёа дидя.
- ³¹ Туй-мэт би, суэ, Ми уүкимби осивани ичэпэри, саросу: Эндур далачини эрин дидя.
- ³² Сунчи тэрэк ундэмби: эй хала бидуэни-тул, эй хэм одяра.
- ³³ Boа, на ходидяра, Mi хэсэи ходиаси.
- ³⁴ Мэпэри ичэдеусу: миавамбари сиавориди, аракиди эди хэтэвэндэсу, балдиори байтади мэпэри эди дяпандаасу.
- ³⁵ Нёани, эмуту ярако-мат, на оялани балди гурумбэ баогодяра.
- ³⁶ Гэ, тул-тул эди аорасу, кэсивэ гэлэусу, дюлилэ осигилай кисиакоди хорадясу, Най Хусэ Пиктэни дюлиэлэни илидясу».
- ³⁷ Ини Нёани Эндур дёгдоани алосиктхани, долбо-тани ниэрэ, Елеонской хурэнду гойдахани.
- ³⁸ Гэрэн гурун чими эрдэ Эндур дёкчиани пулсихэчи, Нёамбани досодяндамари.

22 паси

- ¹ Няико ана эпэнсэл аяни, Пасхади гой гэрбуку, дидяүкини.
- ² Бонго Эндур дёүни дяңгиансал, дајсава сари найсал, найди нэлэмэри Иисусэвэ вайчахачи.

- 3 Амбан-тани дёан дюэрдулэ эмуничи, Искариотади гэрбиэухэн Иудачи, ихэни.
- 4 Нёани энэми Бонго Энdur дёйни дяңгиансалчиани, даламдисалчи хисаңгохани, хони Нёамбани нёандоачи дяпами бугуривэ.
- 5 Нёанчи агданасимари нёандоани дихава бувуривэ чихалахачи.
- 6 Нёани хэсэи бухэни, ачай эримбэ халачихани, найсал анадоани Нёамбани нёандоачи бутуй.
- 7 Няико ана эпэнсэл инини исихани, чаду Пасха хоникамбани ваори осигилайни.
- 8 Иисус Пётрава, Иоамба гиактадихани, ундэ: «Пасхава сиагоива баргиндосу».
- 9 Нёанчи Нёанчиани уүкичи: «Хайду бумбивэ баргивандиси?»
- 10 Нёани нёанчиачи уүкини: «Гэ, хотончи иридуэри, суэ пэңсэкудуэни муэку найва бачалидясу; нёани хамиалани энэйни дёкчи энусу.
- 11 Дё эденчиэни ундусу: „Алосимди синчи хисаңгойни: хавой гиалакоду Ми дахамдисалдии Пасхава сиамчай?“
- 12 Нёани сунчи даи сэгдилэухэн гиалакова ичэвэндерэ, чаду баргиндосу».
- 13 Нёанчи, энэрэ, Нёани уүкини-мэт бахачи, Пасхава баргихачи.
- 14 Тэй эрин исидоани Нёани акпаңкини, дёан дюэр апостолсал Нёандиани гэсэ акпаңкичи.
- 15 Нёани нёанчиачи уүкини: «Эрүмбэ бариии дюлиэлэни Ми сунди эй Пасхава сиаорива маңга мурчихэмби.
- 16 Тотами-да сунчи ундэмби: Энdur далачини эриндуэни нёани осидала, чава сиарасимби».
- 17 Алиова дяпара, баянлара, уүкини: «Эйвэ дяпаосу, мэнэ долари оболаосу.
- 18 Туй тами сунчи ундэмби: Энdur далачини эрини исидала, муксултэ муэвэни омиасимби».

Лука, 22

- ¹⁹ Эпэмбэ дяпара, баянлара, бокталихани, нёандоачи бу-
ми ујкини: «Эй Ми Бэеи суэ хорагоасу бугуптэй;
Мимбивэ дёңгойдоари туй-мэт таосу».
- ²⁰ Туй-мэт сиксэ сиаори эрин хамиалани гучи алиова бу-
ми ујкини: «Эй алио – сикун пуегдун Ми сэксэдуивэ,
суэ хорагоасу хулсиптэй».
- ²¹ Гэ, Мимбивэ байгоандоива бури най җалани Минди
гэсэ дэрэ дякпадоани.
- ²² Туй тами Най Хусэ Пиктэн мэнэ голаи энэй; Нёам-
бани-тани байгоандоани бури най кисиако».
- ²³ Нёанчи диа диачиари мэдэсилухэчи: нёандолачи чава
тайни уй?
- ²⁴ Гучи нёанчи мэнэ долари-да марiamачихачи: нёандо-
лачи уй уйду даи бодори?
- ²⁵ Нёани-тани нёанчиачи ујкини: «Эденсэл гурун гу-
румбэ далачичи, нёанчи найду улэмбэ буриэм гэрбу-
лэптэйчи.
- ²⁶ Суэ-тэни туй биэси: тотами-да уй сундулэ даиди-
ма, нучи-мэт осигини, даламди-тани – дэңсим-
ди-мэт.
- ²⁷ Уй уйдуй даи: аоликачи най-ну, дэңсимди-ну? аоли-
качиасини-ну? Ми-тэни суэ алдандоасу эмуту дэң-
симди.
- ²⁸ Суэ-тэни Ми эрүүлийн эринду Минди гэсэ бичису.
- ²⁹ Ми сунчи пуегдундимби, эмуту Эндор далачини эрим-
бэни Амимби Минду пуегдујкини-мэт.
- ³⁰ Суэ сиахарсу, омихарсу Ми сиавандий эринду Эден
далачини эринду; дёан дюэр Израиль халасалбани
дёдягоари эден тэнжүсэлдуэни тэгудерсу».
- ³¹ Эден-тэни ујкини: «Симон! Симон! Гэ, амбан гэлэхэ-
ни сумбивэ ирава-мат таригой.
- ³² Тотам-да Ми синду кэсивэ гэлэхэмби, си агдайси
оинаси осигоани; totара си-дэ хали-да Ми хамиалани
дахагора аյнаи маси осивандо».

- ³³ Пётр Нёанчиани таодагохани: «Эден! Синди ми лаочи, бурбунчи энэгүй чэк биэмби».
- ³⁴ Иисус-тэни ујкини: «Синчи, Пётр, ундэмби, эйниэ хусэ чико-да морапсингдаласини, си илан модан Мимбивэ сарии ачаканасидяси».
- ³⁵ Нёанчиачи ујкини: «Ми сумбивэ далиан-да ана, сомалан-да ана, ота-да ана гиактадиоива, сунду хай-да аолихан бичи-ну, хай?» Нёанчи таодагохачи: «Аба».
- ³⁶ Чаду Нёани нёанчиачи ујкини: «Эси-тэни уй далиајко, чава дяпу, туй-мэт сомаламба, уй хай-да анани, тэтүэ ходасиу, лохомба гадо!
- ³⁷ Тотами-да сунчи ундэмби: Эй ниручэ Миндулэ тугуми тэде осигилайнii: „Оркин найсалчи ноңгиодяра“. Тотам-да Ми удэивэ унди дяка дуэни дидя».
- ³⁸ Нёанчи ујкичи: «Эден, гэ, эйду дюэр лохон». Нёани нёанчиачи ујкини: «Элэ».
- ³⁹ Ниэрэ, Нёани колилаи Елеонской хурэнчи энэхэни; Нёани хамиалани дахамдисални дахахачи.
- ⁴⁰ Бэунчи дидэ, нёанчиачи ујкини: «Аргајко дякасалду эндэси осигоари кэсивэ гэлэусү».
- ⁴¹ Мэнэ нёандиадиачи дёлова наңгалаори алдандоа хадаңкини, михоранда кэсивэ гэлэхэни,
- ⁴² Уми: «Амимби! Си эй эрун алиовани Мимбивэ сиурираорива чихаламчasi! Тотами-да Ми чихалайдоива биэси, Сиңги бигини!»
- ⁴³ Нёанчиани боа уедиэни Мэдуңку агбинјкини, Нёамбанни масила осиваңкини.
- ⁴⁴ Тэргэдэми, масиди кэсивэ гэлэхэни, Нёани ниэсэнгүни начи тури сэксэ сабдасални-мат бичи.
- ⁴⁵ Кэсивэ гэлэрэ, илигора, Нёани, дахамдисалчии дидэ, нёанчи гасамари аоривачи баогохани.
- ⁴⁶ Нёани нёанчиачи ујкини: «Хайми суэ аорису? Илигосу, арганду эндэси осигоари кэсивэ гэлэусү!»

Лука, 22

- ⁴⁷ Нёанчи чава хисаңгойдоани, найсал агбијкичи, нёанчи дюлилэ дёан дюэрдүлэ эмуни, Иудади гэрбукуни, нёани Иисусэвэ одёндахани. Туй таори саичава нёандоачи бухэни: Уйвэ ми одёхамби, Нёани тээм.
- ⁴⁸ Иисус нёанчиани уүкини: «Иуда! Одёми Най Хусэ Пиктэвэни байгоансалдоани бугуис?»
- ⁴⁹ Нёандиани би найсал, хай осигилайвани ичэмэри, Нёанчиани уүкичи: «Эден! Буэ лохонди пачиладяпу, ая-ну?»
- ⁵⁰ Нёандолачи эмуни, Боңго Эндор дёңни дяңгиани лаодиамбани пачилахани, нёани ангия сиамбани мокто чапчилахани.
- ⁵¹ Чаду Иисус уүкини: «Ходиосу, элэ». Туй тара сиамбани тоңгалахани, нёамбани аянагоаңкини.
- ⁵² Нёамбани ачапчи поаңкини Боңго Эндор дёңни дяңгиансалчиани, Эндор дёңни даламдисалчиачи, сагди гурунсэлчи Иисус уүкини: «Эмуту оркин найди-мат лохонсалку, мосалку суэ дичису, Мимбивэ дяпагоари!
- ⁵³ Ини таондоани Ми сунди Эндор дёгдоани бичимби, суэ-тэни Минчи ңалавари эурэчису; эси-тэни суэ эринсу, гучи пакчи гиани».
- ⁵⁴ Нёамбани дяпара, элгэхэчи, тотара Боңго Эндор дёңни дяңгиани дёкчиани ирахачи. Пётр-тани горола даахани.
- ⁵⁵ Нёанчи боала токонду тавава иваңкиндоачи гэсэ тэсихэчи, Пётр-тани нёанчи долани тэсихэнни.
- ⁵⁶ Эм кэкэ тава дякпадоани тэсихэн нёамбани ичэпи, тотара нёамбани ичэдерэ, уүкини: «Нёани Нёандиани бичини».
- ⁵⁷ Нёани-тани Нёамбани абалтоми эктэчи уүкини: «Ми Нёамбани сараси».
- ⁵⁸ Гойдасилаи гойдимани, нёамбани ичэрэ, уүкини: «Си-дэ нёандолачи». Пётр-тани тэй найди уүкини: «Аба».

- ⁵⁹ Ои эрин бипиэ, гучи уй-ну мучхунди ундини: «Тэде, нёани Нёандиани бичини, туй тами Галилеянкан».
- ⁶⁰ Пётр-да тэй найчи ујкини: «Сарасимби, хайва си унди-си». Чадо-баки, ујкиндүэни, хусэ чико морапсиңкини.
- ⁶¹ Чаду Эден кэчэригурэ, Пётрава ичэхэни; Пётр-тани Эден нёанчиани хэсэвэни дёյгохани: «Хусэ чико морапсиндала илан модан Мимбивэ ачаканасидячи».
- ⁶² Ниэрэ, маңга соңголохани.
- ⁶³ Иисусэвэ дяпачахан найсал Нёамбани сингэрэхэчи, тойкаңкичи.
- ⁶⁴ Нёамбани дасичира, дэрэгбэни пайңадачихачи, Нёан-чиачи мэдэсихэчи: «Унду, уй Симбивэ пачилахан?»
- ⁶⁵ Эгди оксантохан хэсэсэлбэ Нёамбани ачапчи хисаңго-хачи.
- ⁶⁶ Иниэ исиочиани, сагди гэрэн гурун найсални, Боңго Энdur дёйни дянгиансал, даңсава сари найсал поанго-хачи, Нёамбани Даи поанчиари ивухэчи.
- ⁶⁷ Ујкичи-тэни: «Си Христос-num? Бунчи унду». Нёани нёанчиачи ујкини: «Сунчи ујкимби осини, суэ агда-сису.
- ⁶⁸ Сунчи-тэни мэдэсии осини, Минчи таодагоасису, Мимбивэ чиндагоасису.
- ⁶⁹ Эвэյки Най Хусэ Пиктэни Энdur кусуни аңгия калта-чиани тэри».
- ⁷⁰ Хэмту най ујкичи: «Туй тами Си Энdur Хусэ Пик-тэни?» Нёани нёанчиани ујгухэни: «Суэ ундейсу, Ми таям!»
- ⁷¹ Нёанчи-тани ујкичи: «Гучи хамача агдолаорива бун-ду гэлэй? Туй тами буэ мэнэ аңмалани ниэривэ до-содяхапу».

23 паси

- ¹ Хэмту эгди гэрэн гурун илигора, Нёамбани Пилатачи элгэхэчи.
- ² Нёамбани оркилтолохачи, умэри: «Буэ бодосипу Нёа-ни буэ найсалпова оркин оповандини, эденду албамба

бугутивэ камалини, Мэпи Эденди Христосади гэрбийсини».

- 3 Пилат Нёанчиани мэдэсихэни: «Си Иудея Эдени?» Нёани Пилатачи таодагоми уүкини: «Си ундиси».
- 4 Пилат Бонго Энdur дёйни дяңгиансалчиани, найсалчи уүкини: «Ми Эй Най хамачади-да байтаковани ичэсимби».
- 5 Нёанчи мучхунди хисангохачи: «Нёани хэм Иудеяду Галилеядиади эй бэунчи ек алосиктами найсалба оргочини».
- 6 Пилат Галилея удэвэни долдипи, мэдэсихэни: «Нёани Галилеяңкан, хай?»
- 7 Пилат Ирод далачини боасалдиадиани бивэни сара, тэй иניסэлду Иерусалимdu-тул бичин Иродачи Нёамбани гиактадихани.
- 8 Ирод-тани, Иисусэвэ ичэпи, маңга агдахани; нёани балана Иисусэвэ ичэйчэхэни, туй тами-да Нёани удэвэни эгдивэ долдихани, Нёани хамача-да эрдэнгэ дякава тайвани ичэйчэхэни.
- 9 Ирод Нёанчиани эгди мэдэсихэни, Нёани-тани нёанчиани хайва-да эчиэ таодагохани.
- 10 Бонго Энdur дёйни дяңгиансални-тани, даңсава сари найсал илисимири Нёамбани маңга оркилтохачи.
- 11 Ирод-тани чаоха найсалдии Нёамбани одолира, инектэрэ, чагдян бойкою тэтуэвэ тэтуэвэндэ, Пилатачи хамаси энуэյкини.
- 12 Тэй иниду Пилатади, Иродади мэнэ долари андар осихачи; балана диа диадиари байгоачихачи.
- 13 Пилат-тани Бонго Энdur дёйни дяңгиансалбани, гой дяңгиансалба, найсалба хэрсирэ,
- 14 Нёанчиачи уүкини: «Сүэ минчи Эй Найва олбинжису, умэри: Нёани найсалпова оркин оповандиниам; гэ, ми суэ мэнэ бэеди бидуэсу ярсихамби, Эй Най суэ оркилтойсу дякала байтаковани эчиэ бараи.

Лука, 23

- ¹⁵ Ирод-да эмуту, ми нёанчиани Эй Найва пулсивэңкимби. Хамача-да байта тургундулэни Нёамбани вагори барачичи.
- ¹⁶ Туй тами Нёамбани кэсучирэ, чиндагодямби».
- ¹⁷ Пилатадо-тани аня далиндоани лаоду тэси гурундулэ эм найва чиндагорива гэлэури бичини.
- ¹⁸ Хэмту-тэни найсал моралохачи: «Нёани буйгини! Бунду-тэни Вараввава чиндаго».
- ¹⁹ Вараввава оркиачими хотокамба илиоанжини, найва вахани тургундулэни лаочи тэвэнжичи.
- ²⁰ Пилат Иисусэвэ чиндагойчами, гучи даиди дилгактохани.
- ²¹ Нёанчи-тани морахачи: «Нёамбани тэлэвэнду, тэлэвэнду!»
- ²² Пилат илачия модан нёанчиачи ужини: «Хамача оркимба Нёани тахани? Ми хай-да байта тургундулэни Нёамбани вагои барачимби; туй тами кэсучирэ, Нёамбани чиндагодямби».
- ²³ Нёанчи-тани Нёамбани тэлэутивэ гойдамари даиди морамари гэлэхэчи; нёанчи гучи Бонго Эндур дёйни дяңгиансални моранчи галигохани.
- ²⁴ Пилат мурупсийжини: нёанчи гэлэйдүлэчи осигини.
- ²⁵ Нёанчи гэлэхэндүлэчи, хотоңкамба оркиачими илиоанжиндолаи, найва вахандолаи, лаоду тэсихэн найва чиндагохани; Иисусэвэ-тэни нёанчи мурундуэчи бугухэни.
- ²⁶ Нёанчи Нёамбани олбиндайдоачи, усиндиэди мочогий Симон Киринейжамба дяпахачи, туй тара муйрэдуэни крестава нэрэ, Иисус хамиалани чава пинасиваңжичи.
- ²⁷ Нёани хамиалани эгди найсал энэхэчи, экэсэл-дэ кайрамари маңгади соңгохачи.
- ²⁸ Иисус-тэни, нёанчиачи кэчэригурэ, ужини: «Иерусалим эктэ пиктэсэлни! Ми удэивэ эди соңгоасо, мэпэри-дэ, мэнэ пурилбэри мурчимэри, соңгосо.

- ²⁹ „Хораси экэсэл, пиктэвэ бараси хэмдэсэл, сиавандачин кунсэл кэсику“, – дидянди инисэлду туй найсал ундэдерэл.
- ³⁰ Чадо хурэнсэлчи хисаңголодярал: „Бунчи турусу!“ Гучи хурэкэнсэлчи: „Бумбивэ хумусу!“
- ³¹ Нём оси мова туй тайчи осини, холгохан моди хай оси?»
- ³² Нёандиани гэсэ дюэр байтаку найсалба вагоари олбиңкичи.
- ³³ Голгофади гэрбуку бэунчи исипи, Нёамбани крестаду тэлэхэчи, байтаку гурумбэ аңгия, деуңгиэ калталани тэлэхэчи.
- ³⁴ Иисус-тэни хисаңгохани: «Ама! Нёамбачи гудиэсирүү, нёанчи хайва-да тайвари сарасичи». Тэтүэвэни мэнэ долари оболахачи.
- ³⁵ Гэрэн гурун илисимари ичэдэхэчи. Дяңгиасал нёандиачи гэсэ инемусимэри дёдялихачи: «Нёани гой найсалба хоричихани, Христос, Эндор сондёмдини осини, эси Мэнэ Мэпи хоригини».
- ³⁶ ЧАОХА гурун-дэ Нёамбани диодилимари лаң дидэ, чувэ бухэчи.
- ³⁷ Гучи уңкичи: «Си Иудея Эдени осини, Мэнэ Мэпи хоришу».
- ³⁸ Нёани уелэни грек, гучи Римаңкан, гучи еврей хэсэ-сэлдиэчи ниручэ бичини: «Эй Иудея Эдени».
- ³⁹ Эм тэлэхүэн байтаку най Нёамбани одоликачими уңкини: «Си Христос осини, Мэпи, бүмбивэ хоришу».
- ⁴⁰ Гойдима-тани хаңгиси нёамбани даңсими уңкини: «Си Эндордий энэлэсиси-ну, хай? Симбивэ эмуту-дэ дёдяхачи.
- ⁴¹ Бүэ мэнэ оркиачихандолари тэрэк байтава бахапу. Нёани-тани хайва-да оркимба эчиэ тахани».
- ⁴² Туй тара Иисусэхи уңкини: «Эден! Мэнэ далачии ханчи энупи, мимбивэ дёңгохарий».
- ⁴³ Иисус нёанчиани уңкини: «Тэде синчи ундэмби: эй-ниэ-бэки Минди гэсэ Райду бидечи».

Лука, 24

- ⁴⁴ Гэ, ини токондиани илан часачиа боа ялдоани пакчи-пакчи осихани.
- ⁴⁵ Сиун-дэ аба осихани. Энdur дёгдоани олокиана даидасича долиндола гудэхэнни.
- ⁴⁶ Иисус даи дилгандий морапсијкини: «Ама, јаладоаси Мэнэ эргэмби бурэмби». Туй уми Иисус буйкини.
- ⁴⁷ Чaoха дяңгианжони туй тайвани ичэдерэ, Энтурбэ гэбулэми уңкини: «Эй тэде тоңдо Най бичини».
- ⁴⁸ Хэмту гэрэн гурун туй тайвани ичэдехэндуэри, эйвэ ичэдепэри, туңгэмбэри дуктэмэри мочогохачи.
- ⁴⁹ Нёамбани сари гурунсэл, Галилеядиади Нёани хамиалани дичин экэсэл хаңгила илисимари чава ичэдехэчи.
- ⁵⁰ Чаду эм гудиэсису, тэдеку най, Иосифди гэрбукуни, бичини. Аримафеядиади, Иудея хотондиадиани дичин.
- ⁵¹ Нёани гисурэндуури поандолани эмууни бичин, хайва-да тайдоачи эчиэ биэ,
- ⁵² Нёани, Энdur далачини эримбэ халачими, Пилатачи энэрэ, Иисус Бэевэни гэлэхэнни;
- ⁵³ Иисусэвэ тэлэкудиэ ачогора, босоди хукухэнни. Тотара хоңко дёлдоани чапчиохан хэурду нэхэнни. Чаду уйвэ-дэ эчиэ нэрэчи бичин.
- ⁵⁴ Тэй нюүгучиэ ини бичини, надиачиа ини элэ исигойни.
- ⁵⁵ Галилеядиади Иисусэди дичин экэсэл-дэ энэхэчи; хэурду Нёани Бэевэни нэривэчи ичэдехэчи.
- ⁵⁶ Мочогора, сурги нутэвэ, модориори симуксэвэ баргихачи; надиачиа иниду гиандола тэимэри бичичи.

24 паси

- ¹ Надалта боңго инидуэни чими эрдэ экэсэл, нёандиачи гэсэ гой найсал баргихачи улэнди пуңку нутэсэлбэ гадёмари оголочиани дичичи.
- ² Нёанчи дёло оңголодиади хаңгиси анаохамба бахачи.

Лука, 24

- 3 Ипэри, Иисус Эден Бэевэни эчиэ баогоачи.
- 4 Нёанчи хал-хал ода, илисидоачи, олокиана нёанчи дюлиэлэни дюэр хусэ най килтолианди тэтүэку агбиñ-кичи.
- 5 Нёанчи тэń ёэлэмэри диливари пэйси тугбуйдуэчи, тэй найсал нёанчиачи ујкичи: «Хаймари суэ уюмбэ буйкинсэл долани гэлэмэчиусу?»
- 6 Нёани эйду аба, Нёани хорагохани. Нёани Галилеяду бидуи сунчи хайва-да ујкимбэни дёңгосу.
- 7 Нёани хисаŋгохани: „Най Хусэ Пиктэни оркиñку найсал юлаачиачи буктэвучиэни, нёанчи Нёамбани тэлэдэрэл, илиачиа иниду Нёани буйкиндии хорагодяра“».
- 8 Нёанчи-да Нёани хэсэсэлбэнд дёңгохачи.
- 9 Оңголодиадиани мочогора, хайва-да хэм дёан эмун дахамдисалчиани, хэмту найсалчи мэдэрэдигухэчи.
- 10 Чаду Магдалина-Мария, Иоанна, Мария Иаков эни-ни, нёандиачи гэсэ гой найсал бичичи, нёанчи чава Апостолсалчи ујкичи.
- 11 Нёанчи тэй хэсэсэлбэ хай-да абакоди бодохачи, эчиэ тэдючиэчи.
- 12 Пётр-тани илигора, оңголочиани тутулухэни, мукчурэндэ, бососалба-рагда ичэхэни, тотара хони-да мэнэ дои очимбани эрдэнгэсими хамаси энухэни.
- 13 Иерусалимдиади нюнгүйнгү пасидоа би алдандола-тани Еммаусди гэрбуку ихон бичини. Тэй иниэ-тул нёандолачи дюэрни, таоси энэмэри,
- 14 Тэй очин дякасалба мэнэ долари гисурэндухэчи.
- 15 Нёанчи гисурэндумэри хисаŋгойдоачи, Иисус дидэ, нёандиачи энэхэнни.
- 16 Хайва-да эм ичэмэри Нёамбани эчиэ такоачи.
- 17 Нёани нёанчиачи ујкини: «Хайва суэ энэмэри мэнэ долари мурчису, хайми суэ гасачису?»
- 18 Нёандолачи эмуни, Клеопади гэрбуку, Нёанчиани таодагоми ујкини: «Иерусалимчи дичин найсалдола

Си-рэгдэ эй инисэлду чадо хай-да очимбани сараси-си, хай?»

- ¹⁹ Иисус нёанчиачи ујкини: «Хай удэвэни?» Нёанчи Нёанчиани ујкичи: «Эндор, гучи хэм найсал дюлиэлэчи маси дякаду, хэсэду Эндордий ундэй найди, Иисусэди Назаретаңканди хай-да очин дякава;
- ²⁰ Бонго Эндор дёүни дяңгиансални, гучи гой дяңгиансалпо Нёамбани бурбуриду оркилтогоачи бугухэчи, туй тара Нёамбани тэлэвэнжичи, сарасиси-ну?
- ²¹ Буэ-тани агдачахапу: Нёани таям, Израильба хэнгэли-гилэни; туй там-да туй очиндиани илиачиа ини сихэни.
- ²² Буэ поани экэсэлпу бумби миавамбоаңкичи: нёанчи чими эрдэ хэур дякпадоани бичичи.
- ²³ Бэевэни-дэ баогоачи. Экэсэл дидэ, хайва-да ичэхэмбэри ујкичи, Нёани уюн, унди, Мэдуңкусэл агбинда ујкичи.
- ²⁴ Буэ найсалпу болани поани хэурчи энэхэчи, экэсэл ујкичи-мэт баогохачи; Нёамбани эчиэ ичэйчи».
- ²⁵ Чаду Нёани нёанчиачи ујкини: «Сүэ мурун ана, миавандиари нядоалайсу, хайва-да Эндордий ундэй найдал ундивэчи хэм тэдегүй.
- ²⁶ Туй Христос эрүлэгилэмчэй, Мэнэ гэбухи игилэмчэй, хай?»
- ²⁷ Моисейдиади дэруми, хэмту Эндордий ундэй найсалдола Нёамбани хэм Бичхэду нирувухэмбэ аlosихани.
- ²⁸ Энэйвэри ихомба дидяңкичи; нёанчиачи Нёани дюлэсийн ичэвэнжини.
- ²⁹ Нёанчи Нёамбани каодяроаңкичи, умэри: «Бунди дэрэдигу, сиксэгүхэни». Нёани ирэ, нёандиачи дэрэдигүхэни.
- ³⁰ Нёани нёандиачи аоликачидои, эпэмбэ дяпара, улэн хэсэвэ ундэ, моктолира, нёандоачи бухэни.
- ³¹ Чаду насалчи нихэлигичи, нёанчи Нёамбани такоачи, чадо Нёани нёандоачи ичэвэсий очини.

- ³² Нёанчи диа диачиари уүкичи: «Нёани поктоду бунчи ундидуэни, Бичхэвэ алосидоани, миавампу дола эчиэ дегдэ-ну, хай?»
- ³³ Чадо-баки илира, Иерусалимчи мочогохачи, дёан эмун гэсэ бичин Апостолсалба, нёандиачи би найсалба баогохачи.
- ³⁴ Нёанчи уүкичи: «Эден тэде хорагохани, Симонду агбижкини».
- ³⁵ Нёанчи поктоду очин дякава, хони-да нёанчи Нёамбани эпэмбэ моктолидоани токогохамбари, гисурэхэчи.
- ³⁶ Нёанчи чава гисурэндийдуэчи, Иисус Мэнэ Бэедии нёанчи долачи агбинда уүкини: «Кэвэли биусу!»
- ³⁷ Нёанчи илидипари, үэлэпэри, панямба ичэпуэм мурчихэчи.
- ³⁸ Нёани нёанчиачи уүкини: «Хайми суэ иладису, хайми тургэдэн суэ миаванчиасу ихэни?
- ³⁹ Ми үалачиива, ми бэгдичиивэ ичэусу, эй Мэнэ Бэедии биэмби, Мимбивэ тоңгасиосу, ичэдеусу. Панянду сумул-дэ, гирмакса-да аба, Минду хай-да хэм бини».
- ⁴⁰ Эйвэ ундэ, нёанчиачи үалаи, бэгдии ичэучихэни.
- ⁴¹ Нёанчи агдамари, эм тэдемэри эрдэнгэсихэчи, Нёани нёанчиачи уүкини: «Сунду эйду хай-да сиаори дяка би-ну?»
- ⁴² Нёанчи Нёандоани силохан согдата пасивани, гучи киаксова бухэчи.
- ⁴³ Дяпара, нёанчи дюлиэлэчи сиахани.
- ⁴⁴ Нёанчиачи уүкини: «Гэ, эйвэ Ми сунди гэсэ бидуи, сунчи хисангогохамби: „Моисей гиандоани, гучи Эндордиэ ундэй найсал даңсадоачи, гучи Эндорбэ гэбулэй дяринсалду, Мимбивэ нируувхэн хэсээл хэм тэде осигодяра“».
- ⁴⁵ Чаду хэмту Бичхэсэлбэ нёамбачи отолидала алосихани.

Лука, 24

- ⁴⁶ Туй тара нёанчиачи ујкини: «Туй нируувхэн, туй Христос маңгава багини, бүйкиндии илиачиа иниду хорагогини.
- ⁴⁷ Нёани Гэрбудиэни хэм гэрэн гурун Иерусалимдиади тэпчиуми оркимбари гисурэутивэ алосигини, соромборива гудиэсигини.
- ⁴⁸ Сүэ тэй агдоламдисални.
- ⁴⁹ Ми АмимбиPuегдумбэни сунчи энуэндемби; суэ-тэни Иерусалимду дэрэдигусу, уедиэди кусумбэ барасидала».
- ⁵⁰ Нёамбачи хотондиади Вифаниячи ниэвугухэни, ѡалаи эурими, нёанчиачи улэн хэсэвэ ујкини.
- ⁵¹ Нёанчиачи улэн хэсэвэ ундидуи, нёандиадиачи горонами боа уечиэни токоми дэрухэни.
- ⁵² Нёанчи Нёанчиани михораңкичи, маңга агданасимари Иерусалимчи мочогохачи.
- ⁵³ Тул-тул Эндор дёкдоани гойдамари Эндорбэ мактачихачи, гэбулэхэчи. Аминь.

Нанай-лоча хэсэнкуни

Агдан – вера.

Албамба дялпай найсал – мытари; чиновники из числа местного населения, собиравшие в Палестине налоги в казну Римской империи. Евреи презирали мытарей за то, что они сотрудничали с языческой римской властью (такое сотрудничество противоречило Закону). Кроме того, мытари регулярно собирали с населения больше денег, чем они должны были отдать своим начальникам, и оставляли излишки себе.

Амбан – дьявол, сатана.

Амбан боани – место обитания дьявола, ад.

Амтакаку мо – плодовое дерево.

Арган – соблазн.

Бичхэ – Писание.

Гандян – святой; чистый.

Гандян осиори ини – день очищения; в этот день весь народ каялся в грехах и просил у Бога прощения и очищения.

Гиамба сари найсал – законники, книжники; люди, хорошо знавшие Закон и объяснявшие его. Во времена Иисуса они представляли собой относительно небольшую группу людей, которая пользовалась большим уважением среди евреев.

Гиан – Закон; пять древнейших книг Библии. Эти книги повествуют о сотворении мира, о первых праведниках, слышавших голос Бога и выполнивших Его волю. Далее они рассказывают о происхождении еврейского народа, о том, как Бог освободил его из рабства в Египте и

дал ему землю Палестины. Кроме того, в этих книгах содержатся повеления, которые Бог в древности дал еврейскому народу, — 10 главных повелений, множество правил, касающихся обрядов и общественной жизни. Именно поэтому все пять книг были известны под общим названием «Закон». В еврейской религии Закон был самой почитаемой книгой, точное соблюдение всех изложенных в ней правил было строго обязательным. Поскольку основные повеления, содержащиеся в Законе, Бог передал через Моисея, который по воле Бога вывел евреев из Египта, эта книга часто называлась «Законом Моисеевым».

Голоан — знамение.

Гудиэн — прощение, милость.

Давид — самый знаменитый царь Израиля, из племени Иуды. Он был одним из авторов ветхозаветной книги Псалтырь — песен, обращенных к Богу. Стремясь к миру и справедливости, Давид исполнял Божью волю. В награду за это Бог обещал ему, что его потомки вечно будут израильскими царями. Еврейские пророки предсказывали, что Мессия, Который должен пра- ведно царствовать над всем миром, будет потомком Давида.

Давид хусэ пиктэни — Сын Давидов; так называли Мессию, поскольку, как верили евреи, он должен быть потомком царя Давида.

Дай поан — высокое собрание, синедрион; высший еврейский совет, в который входило 70 человек, в большинстве своем имевших непосредственное отношение к религии. Синедрион не только решал политические вопросы, но и выносил судебные приговоры. Во времена Иисуса решения синедриона имели силу только в том случае, если их утверждали представители римской власти. Римляне, однако, стремились не оскорблять еврейскую религию и всегда считались с синедрионом.

Даңсава сари найсал — книжники, знатоки Закона.

Зилотсал – зилоты; по-гречески «ревнители». Еврейская религиозно-политическая группа, которая отличалась особой ревностью в охранении еврейской религии от языческого влияния и пыталась военным путем освободить народ от римской власти. Возможно, что один из 12-ти апостолов Иисуса, Симон Кананит, ранее принадлежал к этой группе.

Кэсивэ гэлэури дё – дом молитвы, синагога; здание, в котором евреи собирались каждую субботу для чтения Священных Книг и молитвы. Во времена Иисуса синагоги были в каждом городе, где жили евреи. Во время собрания в синагоге любой его участник мог прочитать отрывок из Священных Книг, а затем обратиться к собравшимся с толкованием прочитанного отрывка или поучением.

Левитсэл – левиты; люди, которые хоть и не были священниками, но помогали в храме прославлять Бога музыкой, приготовлять животных для жертвы и т. д. Кроме того, они изучали Закон и выступали среди народа как учителя. Это разрешалось делать только потомкам Левия, родоначальника одного из 12 родов (или племен) израильского народа. От его имени и пошло название «левиты».

Мо амтакани – плод.

Мода хэсэ – притча.

Надиачиа ини – седьмой день, суббота; священный день у евреев, который следовало полностью посвящать Богу и в который поэтому запрещалось работать. Новый день недели у евреев начинался с захода солнца, поэтому работать запрещалось с захода солнца в пятницу до захода солнца в субботу. Ко временам Иисуса еврейские учителя Закона составили список тех дел, которые считались недопустимыми в субботу. По субботам евреи всегда собирались в синагоге для молитвы и чтения Священных Книг.

Най Хусэ Пиктэни – Сын Человеческий; так Иисус часто называет Себя в Евангелиях. О точном значении этого наименования нет единого мнения. С одной стороны, так в книге пророка Даниила в Ветхом Завете называется небесная личность, которой в конце света Бог даст честь, славу и власть. С другой стороны, в еврейском языке это выражение можетзначить просто «человек». Если Иисус употреблял его в этом значении, то тем самым Он хотел подчеркнуть, что во всем подобен людям, прежде всего Своими страданиями и смертью.

Номо-нomo биури – в мире, в покое жить.

Няико ана эпэнсэл аяни – праздник опресноков; праздник, отмечаемый в течение 7 дней после Пасхи. В течение этого праздника разрешалось есть только пресный хлеб, выпекаемый в виде тонких лепешек.

Оркимби ачори – просить прощения.

Оркин укуди эну – проказа.

Пасха аяни – Пасха; главный еврейский праздник, отмечавшийся в память об освобождении еврейского народа под предводительством Моисея из египетского рабства. Этот праздник отмечался ежегодно в апреле. Для праздничной еды в день Пасхи полагалось специально заколоть ягненка.

Пуегдун – завещание, завет.

Пэргэури – испытывать, искушать.

Рай – место вечного блаженства, отведенное Богом для праведников.

Саддуейсал – саддукеи; наиболее влиятельное религиозное течение среди евреев во времена Иисуса. Многие саддукеи входили в синедрион; среди саддукеев были и первосвященники. Они, как и фарисеи, отличались жестким следованием Закону. Однако, в отличие от фарисеев, саддукеи не почитали другие Священные Книги, в частности, книги Пророков. Они не верили в воскресение мертвых, потому что в Законе о нем ничего не сказано.

Сондёмди – Мессия; по-еврейски это слово означает «помазанный», то есть «избранный Богом» – Божий Посланник, приход Которого предсказывался в книгах Закона и Пророков. Во времена Иисуса евреи ждали прихода Мессии и верили, что Он освободит их от власти римлян и установит Царство Божие.

Соромби ачори – снимать грех, каяться.

Соромбори – грешить, грешно.

Сорон – грех.

Сороңку най – грешник.

Сугдиури – жертвовать.

Сугдиури бэун – жертвенник; место, где евреи приносили жертвы, предписанные Законом. Во времена Иисуса животных закалывали на жертвеннике во внутреннем дворе храма, а жертвенные благовония курились на жертвеннике непосредственно в храмовом здании.

Сурги нутэ – благовоние.

Сэвэкилэури – крестить, креститься.

Тоңдо най – праведник.

Тэлэури – распинать, распять.

Улэн мэдэ – Благая весть, Евангелие.

Фарисейсал – фарисеи; религиозное течение у евреев во времена Иисуса. Фарисеев отличало очень строгое следование всем, даже второстепенным требованиям Закона. Они пользовались большим уважением в народе и сами очень гордились своей религиозностью и строгостью нравов.

Хорагори – воскресение.

Хоримди – Спаситель; значение имени «Иисус».

Хориори – спасение.

Христос – Помазанник; греческий перевод еврейского слова «Мессия».

Чалиори – обрезание; отсечение крайней плоти. Согласно условиям завета, заключенного между Богом и еврейским народом на горе Синай, каждый первенец мужского пола должен был пройти через этот обряд. Над

новорожденными этот обряд совершался на восьмой день жизни; во времена Иисуса имя давалось ребенку в этот же день.

Эден – Господь; царь; хозяин.

Эден даачини калтадиани – царство.

Эден хани – владение царя, царство.

Эндорбэ гэбулэй дяринсал – псалмы; по-гречески «песни».

Под этим общим названием собрано 150 еврейских религиозных песен, составляющих особую книгу Ветхого Завета. Многие из них выражают благодарение Богу за спасение от гибели, другие описывают Его величие и любовь или же содержат мольбу о помощи.

Эндро́н – место обитания Бога.

Эндро́н даачини эрини – Божье царство.

Эндро́н дёйни – дом Бога, храм; священное здание в Иерусалиме. Только там евреи совершали жертвоприношения, а также собирались в дни праздников. Впервые храм был построен в X в. до н. э. знаменитым еврейским царем Соломоном. Храм, который существовал во времена Иисуса, был построен еврейским царем Иродом Великим. Здание храма было окружено галереями, которые разделяли окружавшее его пространство на несколько дворов (см. схему на с. 109). Галереи храма были местом, где обычно собиралось большое количество людей. Как и предсказывал Иисус, вскоре после Его Воскресения, в 70 г. н. э., храм был разрушен римлянами и с тех пор не восстанавливался.

Эндро́н дёйни бою́го дяңгиасални – первосвященники; наиболее влиятельные еврейские священники, имевшие политический вес. Многие первосвященники входили в Синедрион. Во времена Иисуса почти все они происходили из нескольких знатных семейств.

Эндро́н дёйни дяңгиасални – священники; служители храма в Иерусалиме. Основная роль священника в еврейской религии состояла в принесении жертв Богу. Священниками, согласно Закону, могли быть только потомки

Аарона, родного брата Моисея. Священики были разделены на 12 групп, каждая из которых служила в храме два раза в году по одной неделе.

Эндордэй (букв. «от Бога говорящие люди») – пророки; люди, слышащие слово Божие и доносящие его до людей. Пророки призывали чтить Бога и выполнять Его волю, любить ближнего, не делать зла. Многие еврейские пророки записывали то, что Бог говорил через них. Во времена Иисуса книги Пророков, в частности книга Исаии, жившего в VII в. до Рождества Христова, очень почитались у евреев. Среди пророков, не оставивших книг, наибольшим уважением пользовался Илия, живший в IX в. до н. э. Он бесстрашно обличал царя, не чтившего Бога, и прославился многочисленными чудесами. Как позднее возвестил людям другой пророк, Малахия, перед концом света Илия должен был вернуться на землю.

Эндор Мэдуңкуни – Божий Вестник, Ангел.

Эндор Эрини – Божий Дух, Святой Дух.

Эрдэнгэ дяка – чудо.

Лука улэн мэдэни

Евангелие от Луки на нанайском языке

НИУ Институт перевода Библии
Лицензия № 01271 от 22.03.2000
101000 Россия, Москва, Главпочтамт, а/я 360

Подписано в печать .
Формат 84×108 1/32. Печать офсетная. Усл. печ. л. 5,88.
Тираж 1000 экз. Заказ №

Отпечатано с готовых диапозитивов
в типографии «Принткорп»
ЛП № 347 от 11.05.1999
220141 Беларусь, Минск, Староборисовский тракт, 40